


বিজয়া

আহমেদকুমার রায় -

বিজয়া দশমী—১৩৩৬

প্রকাশক—আসত্যেন্দ্রকুমার শীল
শ্রীকৃষ্ণ মাইত্রেরী
২১১১, কৰ্ণওয়ালিস স্ট্রিট, কলিকাতা।



প্রথম সংস্করণ

প্রিষ্ঠাৱ—আগঞ্জানল দাস
সত্যনামাঞ্চল প্ৰেস
২৫ নং হুগীচৰণ মিৰেৰ স্ট্রিট, কলিকাতা।

বিজ্ঞা

প্রথম পরিচ্ছন্দ

গোড়ার কথা

ফুটবল-খেলা শেষ হ'ল। খেলার মাঠে ব'সে আমরা কয়-বক্সেতে মিলে একটু জিরিয়ে নিছি। কারণ খেলোয়াড়দের চেয়ে, এ-খেলা যারা দেখে, তাদেরও খাটুনি বড় কম হয় না।

প্রথমে টিকিট কিনতেই তো জনতার ধাক্কায়, আর কয়েকমিনিটের গুঁটোয় জান হয় হায়রাণ, গতর যায় খেলে হয়ে ; তারপর খেলা স্মৃক হবার আগে ষষ্ঠী দুই-তিন ধ'রে রোদে ব'সে তেষ্টায় কাঠ হ'য়ে অপেক্ষা ;—তারপর খেলার সময়ে উভেজিত হয়ে ব'সে ভেঙে ভেঙে হড়মুড় ক'রে মতন হাত-পা ছেঁড়া এবং মাঝে মাঝে গ্যালারি ভেঙে হড়মুড় ক'রে ‘পপাত ধরণীতলে’ হওয়া !—এর পরেও কিঞ্চিৎ বিশ্রাম না করলে চলবে কেন ?

‘মোহন-বাগান’ যে দিন জেতে সেদিন সব কষ্টই উৎসাহ আর

বিজ্ঞা

আনন্দের ভিতরে তলিয়ে যায়। কিন্তু ‘মোহন-বাগান’কে আজ উপর-উপরি তিন-তিনটে আস্ত ‘গোল’ হজম করতে দেখে আমাদেরও সমস্ত রক্ত যেন জল হ’য়ে গেছে !

অসিত অত্যন্ত বিরক্তস্বরে বলছিল, “চুভোর নিকুচি করেচে ! আর খেলা দেখতে আসব ন—যেদিন আসব, সেইদিনই হারবে ? ডিস্ট্ৰেসফুল !”

অমিয় বললে, “এ কথা তো রোজই বলি, কিন্তু ‘মোহন-বাগান’ খেলবে শুন্লে বাড়ীতে হাত-পা গুটিয়ে ব’সেই বা থাকতে পাৰি কই ?”

পরেশ বললে, “ঐ তো আমাদের রোগ ; চড়ুকে পিঠ, সড়সড় কৰে যে !”

নরেশ বললে, “না এসেই বা কৱি কি বল ? বাঙালীৰ জীবনে আৱ কোন ‘অ্যাডভেঞ্চাৰ’ নেই তো। তবু আমাদেৱই জাতভাইৱা গোৱাদেৱ সঙ্গে ধাক্কাধাকি কৰচে, খানিকক্ষণ এটা দেখলেও রক্ত খানিকটা গৱম হ’য়ে উঠে !”

বীরেন্দা এতক্ষণ চুপ ক’ৱে একপাশে ব’সে শিস্ দিছিল, হঠাৎ সে ব’লে উঠল, “ওঁ, ফুটবল-খেলা দেখা যদি ‘অ্যাডভেঞ্চাৰ’ হয়, তাহ’লে মাঝেৱ কোলে শুয়ে শুয়ে হাত-পা ছেঁড়াও তো মন্ত-বড় ‘অ্যাডভেঞ্চাৰ’ !”

বীরেন্দা আমাদেৱ সকলেৱ চেয়ে তিন-চাৰ বৎসৱেৱ বড় ! তাই আমৱা সকলেই তাকে অনেকটা দলপতিৰ মতই দেখি ! তর্ক-বিতৰ্ক হ’লে তাকেই মধ্যস্থ মানি, বিপদে-আপদে ভাৱ কাছ থেকেই সাহাৰ্য

বিজ্ঞা

পাই। সে কুণ্ঠি জানে, ‘বঞ্জিং’ জানে, লাঠি-তরোয়াল খেলতে জানে, জাপানী ‘যুকুৎসু’রও এমন-সব আশ্চর্য্য প্যাচ জানে যে, তার চেয়ে চের বড় জোরানকেও চোখের নিমেষে তুলে আছাড় মারতে পারে। তার উৎসাহে আমরাও রোজ ব্যায়াম করি বটে, কিন্তু গায়ের জোরে আমরা কেউ তার কাছ দিয়েও যাই না।

এ-হেন বীরেন্দা হঠাতে প্রতিবাদ করাতে সকলে একেবারে চুপ মেরে গেল।

বীরেন্দা একটু থেমে আবার বললে, “অ্যাড্ভেঞ্চারের কথা তো বললে, কিন্তু আসল শক্তি আছে কি ?”

আমি বললুম, “বীরেন্দা, তোমার কথায় আমরা তো শক্তিচর্চায় অবহেলা করি না ! আমাদের গায়ে তোমার মত জোর না থাকলেও, আমরাও নেহাত দুর্বল নই তো !”

বীরেন্দা বললে, “আমি সে-শক্তির কথা বলচি না—সে তো পশুর শক্তি ! সাহস, সাহস—সাহসই হচ্ছে আসল শক্তি ! মোষের চেয়ে চিতেবাঘের গায়ে টের কম জোর। তবু চিতেবাঘের কবলে মোষ যে মারা পড়ে, তার কারণ মোষ হচ্ছে ভীরু জীব। সহজে পোষ মানে, সহজে মারা পড়ে। বাঙালীরও আসল অভাব সাহসের,—তার মুখে তাই ‘অ্যাড্ভেঞ্চারে’র কথা শুনলে আমার হাসি পায় !”

নরেশ বললে, “বীরেন্দা, আমাদের যে সাহসেরও অভাব আছে, এমন কথাই বা তুমি মনে করচ কেন ?”

বীরেন্দা বললে, “মনে করবার কারণ নিশ্চয়ই আছে ! ঘরের কোণ ছেড়ে বাহিরে বেরিয়ে পড়া, তাতে আর কতটুকু সাহসের দুরকার ! কিন্তু

বিজয়া

বাঙালীর সেটুকু সাহসও নেই ! তারা ঘরের কোণে শুয়ে রোগে ভুগে
মরবে, তবু চৌকাঠের বাইরে পা বাঢ়াবে না।”

পরেশ বললে, “কিন্তু আমরা সে দলেই নই। আমরা বাইরে বেঙ্গতে
রাজি আছি—কোথায় যেতে হবে বল !”

গন্তীর মুখে বীরেন্দা বললে, “তাহ’লে চল দেখি আমার সঙ্গে !”

—“কোথায় ?”

—“কাষ্ণোড়িয়ায় !”

—“কাষ্ণোড়িয়ায় ? শ্বায়ামের কাছে ?”

—“হ্যা, হ্যা, শ্বায়ামের কাছে ! পারবে যেতে ?”

সবাই চুপ !

বীরেন্দা হা-হা ক’রে হেসে উঠে বললে, “কি, আর কারুর মুখেই
রা নেই যে ? এই না বললে, তোমরা বাইরে বেঙ্গতে রাজি আছ ?”

—“হ্যা, রাজি আছি। আগ্রা চল, দিল্লী চল, আমরা সর্বদাই
প্রস্তুত। কিন্তু এক-কথায় সাত-সমুজ্জ তেরো-নদীর পারে যেতে কি
রাজি হওয়া চলে ?”

—“নিশ্চয়ই চলে,—তাকেই তো বলি ‘অ্যাড্ভেঞ্চার’ ! কাষ্ণোড়িয়া
তো ভারতের দরজার কাছে, যারা ‘অ্যাড্ভেঞ্চার’ চায় তারা এককথায়
উভয়মেরুর ওপারেও যেতে রাজি হবে ! দিল্লী-আগ্রা তো একটা শিখণ্ড
যেতে পারে, তাতে আর বাহাদুরিটা কি ?”

অসিত বললে, “বীরেন্দা, তুমি কি আমাদের পরীক্ষা করচ ? সত্যিই
কি তুমি কাষ্ণোড়িয়ায় যেতে চাও ?”

—“আমার যে কথা, সেই কাজ। আজ ক’দিন ধ’রে আমার

মনে কাষোড়িয়ায় যাবার সাধ হয়েচে। সেদিন সেখানকার ওকারধাম নামে এক মন্দিরের কথা পড়লুম। সেখানে নাকি বিরাট এক নগরের খংসাবশেষ প'ড়ে আছে, আর তার ভেতরে এক অঙ্গুত মন্দির! সে-সব হচ্ছে প্রাচীন ভারতবাসীর কৌর্তি, আর সে কৌর্তির কাছে নাকি জগন্নাথ, ভুবনেশ্বর, সাঁচীর মন্দিরও ম্লান হয়ে যায়। জানো, আমি আমার ভারতবর্ষকে কত ভালোবাসি? তাই ভারতের সেই অমর-কৌর্তি আমি দেখতে যাব!"

আমি বললুম, "বীরেন্দা, তোমার সঙ্গে আমি যাব!"

বীরেন্দা আনন্দে দৃঢ় চোখ বিশ্ফারিত ক'রে বললে, "সত্যি? সত্যি বলাচ সরল?"

আমি হেসে বললুম, "আমার নামও সরল, আমি কথাও কই সরল ভাষায়। যখন যাব বল্চি, তখন নিশ্চয়ই যাব!"

বীরেন্দা বললে, "শুনে শুধী হলুম। কিন্তু সরল, ভেবে দেখ, ওকার-ধামে যেতে গেলে বাবুয়ানা চলবে না, আরামেরও সন্তানা নেই। প্রথম কয়দিন কাটবে জাহাজে—অগাধ, অপার সমুদ্রের উপরে। তাঙ্গ-পরে রেলগাড়ী, তারপর কিসের গাড়ী—তা জানিনা। হয়তো ক্রোশের পর ক্রোশ পায়ে হেঁটেই যেতে হবে প্রাণটি হাতে ক'রে।"

—“প্রাণ হাতে ক'রে কেন?”

“ওকার-ধামের ত্রিসীমানার ভেতরে লোকালয় নেই। ক্রোশের পরে ক্রোশ খালি জঙ্গল আর জঙ্গল—তেমন জঙ্গল হয়তো আমরা জীবনে চোখেও দেখি-নি! গভীর অরণ্যের ভেতরে সেই প্রাচীন মন্দির আর সহরের খংসাবশেষ! অতি সাহসীরও বুক সেখানে যেতে ভয়ে

বিজ্ঞা

কাপতে পারে। সেখানে মাহুষের বাস নেই বটে, কিন্তু তবু মাহুষ
খাকাও অসম্ভব নয়। তবে সে-সব মাহুষের সঙ্গে দেখা হ'লে আমাদের
জীবন নিয়ে তারা ষে টানাটানি করবে না, একথাও জোর ক'রে বলা
শায় না। তার ওপরে বাঘ, ভালুক, হাতী, সাপেরা সেখানে নিয়াই :
'হোম-রুলে'র স্বাধীনতা ভোগ করচে। আমাদের মতন অতিথিদের
দেখলে তারা আদুর করবে না নিশ্চয়ই, কারণ তারা এখনো বৈষ্ণবধর্মে
দৌক্ষিত হয় নি। তার ওপরে আছে রোগের তয়, দৈব-ছুঁটনা। হঠাৎ
কিছু হ'লে ডাঙ্গার নৌলরতন সরকারকেও খবর দেওয়া চলবে না,
“আশুলেন্সকার”ও ডাকা যাবে না। এ-সব কথা তলিয়ে ভেবে দেখ,
সরল !”

দৃঢ়ব্রহ্মে বললুম, “আমি কিছু ভেবে দেখতে চাইনা বীরেন্দা, আমি
খালি তোমার সঙ্গে ঘেতে চাই !”

অমিয় আচর্ষিতে ব'লে উঠল, “আমিও কিছু ভাবব না বীরেন্দা,
তোমার সঙ্গে পোটলা বেঁধে বেরিয়ে পড়ব !”

বীরেন্দা সবিশ্বয়ে বললে, “তুমিও আমাদের সঙ্গে যাবে !”

—“কেন ষাব না, আমি কি কাপুকুষ ?”

—“না, তোমার কথা শুনে তোমাকে আর কাপুকুষ বলতে পারি না,
কিন্তু তুমি আমাদের সঙ্গে কেমন ক'রে ষাবে ? তুমি তো সরলের মতন
স্বাধীন নও, তোমার মা আছেন, বাবা আছেন। তারা তোমাকে ঘেতে
দেবেন কেন ?”

অমিয় বললে, “আচ্ছা, মা-বাবাকে রাজি করাবার ভার আমার
ওপরে রইল। বীরেন্দা, তুমি জানোনা তোমার ওপরে আমার মা আর

বিজ্ঞা

বাবার কথানি শুনা ! এই সেদিন কথায় কথায় বাবা বলছিলেন, ‘বীরেন সঙ্গে থাকলে অমিয়কে আমি ঘমেরও মুখে ছেড়ে দিতে পারি । বীরেন যে দুর্ভেগ বর্ষ—দেবরাজের বজ্রও সে বর্ষে লেগে ভেঙে গুঁড়ে হয়ে যায় ।’ তুমি কি মনে কর বীরেনদা, আমার বাবা যিছে কথা বলছিলেন ?”

বীরেনদা মৃছ মৃছ হেসে বললে, “না, তা বলি না, তবে তাঁর বিশ্বাস অন্ধ হ'তেও পারে তো ?”

অমিয় বললে, “তোমাকে যে চিনেচে সেই-ই এই কথা বলবে । তোমার সঙ্গে ঘরতেও আমার ভয় করে না ! আমি তোমার সঙ্গে ষাব বীরেনদা !”

—“বেশ, তোমার মা-বাবা যদি মত দেন, আমারও অমত নেই ।”

আমি বললুম, “তাহ’লে কবে আমরা রওনা হচ্ছি ?”

—“দু হপ্তার ভেতরে । কিন্তু যাবার আগে তিনটে বন্দুকের পাস চাই । রিভলভার তো আমার কাছেই আছে । জঙ্গলের ভেতরে বন্দুক-রিভলভারের মতন বন্দুক আর নেই ।”

অসিত বললে, ‘তাহ’লে সত্যিই তোমরা যাবে ?”

বীরেনদা বললে, “তোমার সন্দেহ হচ্ছে নাকি ?”

পরেশ বললে, “আমি একে সাহস বলি না, এ হচ্ছে গৌয়ার্ত্তুমি ।”

নরেশ বললে, “তা নয় তো কি !”

বীরেনদা বললে, “বেশ, আমরা একটু গৌয়ার্ত্তুমি ক’রেই দেখি না কেন ? তোমাদের মতন বুদ্ধিমান যাথা-ঠাণ্ডা লোকদের ‘অ্যাড-

বিজ্ঞাৰা

ভেঁকারে'র জন্তে ফুটবল-খেলার মাঠ আছে, বায়কোপের ছবি আছে,
ট্রামগাড়ীৰ বাধানো রাস্তা আছে, আৱ ম্যালেরিয়া জৰে শুয়ে শুয়ে
আৱাম ক'ৰে কাপ্বাৰ জন্তে নৱম বিছানা আৱ পুৰু লেপ আছে।
কিন্তু গৌয়াৱৱা উড়ো জাহাজে চড়ে, হিমালয়ের টঙ্গে ঠাণ্ডা হাওয়া
খেতে ওঠে, সাব-মেরিনে ব'সে সমুদ্রের অতলে ডুব দেয়—খালি
মৱবাৰ জন্তেই। কিন্তু তাৱা না মৱলে তো সারা-পৃথিবীৰ মানুষ আজ
ধাচতে পাৰ্বত না ! গৌয়াৱৱা মৱতে জানে ব'লেই মানুষ আজ শ্ৰেষ্ঠ
জীব হয়েচে !”

বিতৌষ পরিচ্ছদ

ভারতের অঙ্ক

নীলিমাৰ অসীম জগতে চলেছি, ভেসে চলেছি !

মাথাৱ উপৱে প্ৰশান্ত নীল আকাশ, পায়েৱ তলায় অশান্ত নীল
সাগৱ,—যেদিকে তাকাই, আৱ কোন রং নেই ! বিশ্বময় নীলিমা যেন
থৈ থৈ কৱছে !

এৱই মাৰখান দিয়ে সিঙ্গুৱ বুকে বিলুৱ যত জাহাজ ভেসে চলেছে,
তাৱ পিছনে এঁকে রেখে,—নীল পটে সাদা ফেন-আনন্দাৰ দীৰ্ঘ রেখা !

পৃথিবীৰ মাটিৰ গান আৱ শোনা যায় না—বনেৱ মৰ্মৱ, পাথীৰ
ৱাগিণী, নদীৰ তান ! বাতাস সুধু মাটিৰ শুভি বহন ক'ৱে আনছে,
কিন্তু তাৱ উদাসী নিঃশাস আজ হারিয়ে ফেলেছে ফুলেৱ মৃছ গন্ধ !

কী বিশ্ব ! কী আনন্দ !—চাৱিদিক থেকে অনন্ত আজ যেন
আমাদেৱ আকুল আহ্বান কৱছে !

অমিয় উচ্ছুসিত কঢ়ে ব'লে উঠল—“বীৱেন্দা, বীৱেন্দা ! আমাদেৱ
এতদিনেৱ চেনা পৃথিবী যে ছদিনেই এমন অচেনা হয়ে উঠতে পাৱে, তা
আমি স্বপ্নেও ভাৰ্তে পাৱিনি তো !”

বীৱেন্দা হেসে তাৱ পিঠ চাপড়াতে চাপড়াতে বললে, “মায়েৱ
কোলে ওয়ে আৱ ইঙ্গুল-বই প'ড়ে কি পৃথিবীকে চেনা যাব ভাই !
কুপে বসে ব্যাঙ বেৰন দেখে জগৎ কুপেৱ যত, ঘৰে ব'সে আমৱাও

বিজ্ঞা

তেমনি দেখি পৃথিবীকে চার দেওয়ালের মাঝে বন্দিনীর যতন ! কিন্তু আজ আমরা স্বাধীন পৃথিবীর সঙ্গে আলাপ করতে এসেছি,—
স্বাধীনতার যে কত রূপ এবারে আমরা চোখের সামনে তা দেখতে
পাব !”

আমি বললুম, “কিন্তু দেশের জগ্নে আমার বড় মন কেমন করচে
বীরেন্দা ! মনে হচ্ছে পৃথিবীর যত রূপই থাক্, আমার বাংলাদেশে
ব’সে সবুজ গাছপালার ভিতরে, ধান-দোলানো সোনা-ছড়ানো মাঠের
উপর যে রূপ দেখি, সে রূপের চেয়ে মিষ্টি যেন আর কিছুই নেই !”

বীরেন্দা মুখ টিপে টিপে হাসতে লাগল ।

আমি বললুম, “তুমি হাস্চ বীরেন্দা ? কুণ্ডা বাঙালী ভেবে মনে
মনে আমাকে বুঝি যুগ্ম করচ ?”

বীরেন্দা গম্ভীর হয়ে বললে, “না ভাই সরল, আমি কি তোমাকে
যুগ্ম করতে পারি ? তুমি মানুষ, তাই দেশের জগ্নে তোমার প্রাণ
কান্দচে । আমি তোমাকে শ্রদ্ধা করি । দেখনা, এই যে ইংরেজ জাত,
দেশ ছেড়ে তারা পৃথিবীর কোথায় না যায় ? তাব’লে তাদের প্রাণ
কি দেশের জগ্নে কাঁদে না ? কাঁদে বৈকি ! তবু তারা দেশ ছাড়ে
দেশকেই বড় করবার জগ্নে । কিন্তু তারা যেখানেই থাক্, আফ্রিকার
জঙ্গলে, সাহারার মর-প্রান্তের আর হিমালয়ের তুষার-শিথিরে ব’সে তারা
শুধু এক গানই গাইবে—‘হাম, হোম, শুইট হোম’ । বিলাতের
কুয়াসাকেও তারা ভালোবাসে । আর আমাদের বাবু-সাম্রেবরা ?
বিলাতে গিয়ে তারা অদেশকেই ভুলতে চান ! পরেন হাট-কোট,
খরেন ফিরিদী চাল আর অপ দেখেন ইংরেজীতে ! বাংলা ভাষা ভুলে

বিজ্ঞা

- যাওয়া তাদের কাছে জাঁকের কথা ! তাদের আমি যুগা করি সরল,
কারণ ‘আমার সোণার বাংলা আমি তোমায় ভালোবাসি,—এ গান
তারা গাইতে জানে না ! দেশের জগ্নে আমাদের যন কাঁদবে বৈকি,—
আমরা তো দেশকে ভোলবার জগ্নে বিদেশে যাচ্ছি না ভাই, আমরা মে
যাচ্ছি স্বদেশকে ভালো ক'রে চেনবার জগ্নেই !”

অমিয় বললে, “স্বদেশকে ভালো ক'রে চেনবার জন্যে ?”

—“হ্যাঁ ভাই ! আমরা যাচ্ছি আমাদের সোণার ভারতের গৌরব
দেখবার জন্যে । আমরা যেখানে যাচ্ছি সেখানে গেলে ভারতের
বাইরে ব'সেও ভারতের মূর্তিকে আরো বড় ক'রে দেখতে
পাব ।”

আমি বললুম, “ওক্ষারধাম তো অজন্তা, ইলোরা, ভুবনেশ্বরের কি
মাহুরার মন্দিরের মতনই একটি মন্দির ?”

—“না, ওক্ষার হচ্ছে প্রাচীন হিন্দুজাতির আরো বড় কীর্তি, তোমার
ইলোরা কি ভুবনেশ্বরের মন্দির বিপুলতায় তার কাছে দাঁড়াতে পারেনা ।
সাগর পার হয়ে কৌঙ্গল্য নামে এক ব্রাহ্মণ প্রায় দুই হাজার বছর আগে
কঢ়োজে হিন্দু রাজত্বের স্মৃচনা করেন । কয় শত বৎসর পরে সেই ছেট
উপনিবেশ একটা বৃহৎ হিন্দু সাম্রাজ্য পরিণত হয় । তার রাজধানীর
নাম হয় যশোধরপুর । আমরা ভারতের বাইরে সেই ভারতকেই
দেখতে চলেছি—যেখানে সাত শো বছর ধ'রে উড়েছিল আমাদের
পূর্বপুরুষদের বিজয়-পতাকা । যশোধরপুরের খংসাবশেষ আজ ক্ষেত্রের
পর ক্ষেত্র জুড়ে প'ড়ে দীর্ঘশ্বাস ত্যাগ করছে, তার অগুস্তি মন্দিরের
ভিতরে একটিতেও আজ সন্ধ্যাদীপ জ্বালবার মাহুষ নেই । দেশের

বিজ্ঞা

জগ্নে এখনি তোমার প্রাণ কাদচে তো সরল, কিন্তু যশোধরপুরে গিয়ে
আমরা কি করব বল দেখি ?”

—“আমরা কি করব বীরেন্দা ?”

—“কাদব !”

—“কাদব ! কেন ?”

—“একদিন যে হিন্দু নিজের বীরভূতে সমুদ্রের ওপারে বিপুল সাম্রাজ্য
গড়ে তুলেছিল, ভারতের বাইরেও ভারতবাসীর জগ্নে নৃতন আর স্বাধীন
স্বদেশ তৈরি করেছিল, আজ তারই সন্তানের সেখানে গিয়ে কাদবার
অধিকার ছাড়া আর কোন অধিকার যে নেই ! হ্যাঁ সরল, যশোধর-
পুরের ধ্বংসাবশেষের উপরে আমরা ফেঁটা-কয়েক অশ্র রেখে আসব ।”

—বলতে বলতে বীরেন্দাৰ গলাৰ আওয়াজ ভাৱি হয়ে এল, আমরা
অবাক হয়ে চেয়ে দেখলুম তাৰ দুই চোখে অশ্রজল ভ'ৱে উঠেছে ।

বীরেন্দা ভারতবৰ্ষকে কত ভালোবাসে !

তৃতীয় পরিচ্ছন্দ

জাগরণের দেশে

আমাদের জাহাজ সিঙ্গাপুরে এসে পৌছলো। জাহাজ এখানে অনেকক্ষণ থামবে শুনে আমরা তৌরে নেমে পড়লুম। আজ ক'দিন পরে ডাঙার মানুষ আমরা, পায়ের তলায় আবার মাটিকে পেয়ে যেন হাঁপ ছেড়ে বাঁচলুম ;

সিঙ্গাপুরের কথা সকলেই জানেন, কাজেই সে কথা আমি আর এখানে বলতে চাই না।

সিঙ্গাপুরে নানাজাতীয় রকম-বেরকমের মুখ দেখলুম—এ সহরটা যেন দুনিয়ার নানা জাতির চেহারার নমুনা নেবার জায়গা। এখান থেকে আমরা কোটীন-চীনের বন্দর সাইগনে যাত্রা করব—সেও প্রায় চারদিনের পথ। তার পর মেখান থেকে ষাব ঘোধরপুরের ওকারধামে।

জাহাজ ষথন সিঙ্গাপুর ছাড়ল, দেখলুম যাত্রীর সংখ্যা অনেক বেড়ে গিয়েছে। এই নৃতন যাত্রীরা সবাই প্রায় চীনেয়ান।

অমিয় বললে, “এইবার থেকে থ্যাবড়া-নাকের দেশ শুরু হবে !”

বীরেন্দা বললে, “না অমিয়, এইবার থেকে শাধীন এসিয়া শুরু হবে ! যুমের দেশ থেকে এইবার আমরা জাগরণের দেশের দিকে এগিয়ে যাচ্ছি—ষে-দেশ সাদা-চামড়ার লোহার বেড়ী পায়ে পরে-নি !”

বিজ্ঞা

আমরা চলেছি উত্তর দিকে — বাঁ-দিকে আছে মালয় উপনীপ !.....

দ্বিতীয় দিনের রাত্রে হঠাৎ আমাদের ঘূম ভেঙে গেল !—জেগে উঠেই
শুনি ভৌষণ গোলমাল, বন্দুকের শব্দ, অনেকগুলো পায়ের ছুটেছুটির
আওয়াজ, অনেকগুলো কঢ়ের চীৎকার আর আর্তনাদ !

আমাদের দুজনকে কাম্রা থেকে বেরতে বারণ ক'রে বীরেন্দা
তাড়াতাড়ি বাইরে ছুটে গেলঁ।

হতভস্তের যতন ব'সে আছি, বীরেন্দা আবার দ্রুতপদে ফিরে এসে
কামরার দরজা ভিতর থেকে বন্ধ ক'রে দিলে। তার মুখ বিবর্ণ !

আমি জিজ্ঞাসা করলুম, “কি হয়েচে বীরেন্দা ?”

—“বোঝেটে !”

—“বোঝেটে ?”

—“হ্যাঁ, সিঙ্গাপুর থেকে একদল বোঝেটে বাত্রী সেজে জাহাজের
উপরে উঠেছিল। তারা জাহাজের লোকদের আক্রমণ করেচে !”

আমি আর অমিয় একলাকে বিছানা ছেড়ে দাঢ়িয়ে উঠলুম।

বীরেন্দা বললে, “এই চীনে-সমুদ্র হচ্ছে বোঝেটের স্বর্গ ! এ
বোঝেটেরা বড় নিষ্ঠুর, কাঁককে এরা ক্ষমা করে না।—সরল, অমিয় !”

বন্দুকের বাক্স খুলতে খুলতে আমি বললুম, “তাহ'লে কি আমাদের
এখন বোঝেটেদের সঙ্গে যুদ্ধ করতে হবে ?”

—“বোঝেটেরা দলে ভারি, তাদের সঙ্গে যুদ্ধ করা বৃথা। তবে এও
ঠিক যে, আমরা কাপুরষের যতন ঘৰব না। কি বল সরল ? কি বল
অমিয় ?”

বন্দুকে টোটা পূরতে পূরতে আমি বললুম, “মরি যদি, ঘেরে ঘৰব !”

অমিয় বীরেন্দার পাশে গিয়ে দাঢ়িয়ে বললে, “আমি তো আগেই
বলেছি বীরেন্দা, তোমার সঙ্গে মরতেও আমার ভয় করে না !”

বীরেন্দা বললে, “জানি, জানি, তোমরা হ'চ্ছ খাটি ইস্পাত,
হৃষ্ণডোলেও ভাঙবে না !”

বাইরে যাত্রীদের কান্না আর বোম্বেটেদের চীৎকার আরো বেড়ে
উঠল !

বীরেন্দা বললে, “কাপুরুষদের কান্না শোনো ! ওরা ভুলে গেছে,
কেন্দে কেউ কোনদিন বাঁচতে পারে না !”


অমিয় বলিলে, “বীরেন্দা, লড়াই করবার জগ্নে আমার হাতছটো
যেন নিস্পিস্ করচে !”

—“সব যথাসময়ে ভাই, সব যথাসময়ে ! মরবার সময় এলে হাসি-
মুখেই মরব, কিন্তু এখন দেখা যাক বাঁচবার কোন উপায় আছে কিনা !”

আমি বললুম, “ডাঙা হ'লেও কথা ছিল, কিন্তু এ যে অগাধ সমুদ্র
বীরেন্দা ! মুক্তির কোন উপায়ই নেই !”

—“গোলমালটা হচ্ছে জাহাজের বাঁ-দিকে। ডানদিকে কোন
সাড়াশব্দ নেই ! আচ্ছা, তোমরা আমার পিছনে পিছনে চুপি চুপি এস !
আমি না বললে কিন্তু বন্দুক ছুঁড়ে না !”—এই ব'লে বীরেন্দা কামরার
দরজা খুলে মুখ বাঁড়িয়ে বাঁদিকে একবার চেয়ে দেখলে। তারপর
আমাদের ইঙ্গিত ক'রে ডানদিকের পথ ধরলে। আমরা ছুঁনে শুড়ি
মেরে তার পিছনে পিছনে চললুম।

জাহাজের এদিকটা অঙ্ককার, সমুদ্রের বুকে ‘অঙ্ককর্তা’ নামেও
আলোর রেখা নেই !



বিজ্ঞা

আচম্বিতে কি-একটা শব্দ হ'ল, পরম্পুরোত্তম বীরেন্দা সিধে হয়ে
দাঢ়িয়ে উঠল এবং তার পরেই সমুদ্রের ভিতরে ঝপাং ক'রে আর-একটা
শব্দ !

কিছুই বুঝতে না পেরে আমরা দুজনেও দাঢ়িয়ে পড়লুম।

চুপিচুপি বললুম, “কি হ'ল বীরেন্দা ?”

—“একটা বোষ্টে কম্বল ! অঙ্ককারের ভেতর থেকে লোকটা
হঠাতে আমার ঘাড়ে লাফিয়ে পড়েছিল, কিন্তু সে জানত না যে, আমার
এই হাতহুটো ছ'মণ বোঝা তুলতে পারে ! তোমরা টের পাবার আগেই,
একটা টু-শব্দ করতে না করতেই তাকে তুলে সমুদ্রে ছেড়ে দিয়েচি !
পাতালে যেতে তার আর দেরি লাগবে না !”

যে-হাত এত সহজে এমন কাণ্ড করতে পারে, অন্ত সময় হ'লে সে-
হাতের শক্তির কথা খানিকক্ষণ অবাক হয়ে ভাবতুম ! কিন্তু এখন
আর ভাববার সময় নেই, কারণ পিছনে কাদের চৌকার আর পদশব্দ
শুনলুম !

বীরেন্দা বললে, “সাবধান ! দৌড়ে আমার সঙ্গে এস !”

কিন্তু বেশী দূর দৌড়তে হ'ল না,— আমরা একেবারে জাহাজের
শেষ প্রান্তে এসে দাঢ়ালুম। তারপরেই রেলিং, আর তার নীচেই সমুদ্র !

বীরেন্দা বললে, “আপাততঃ আমরা বেঁচে গেলুম !”

—“কি ক'রে বীরেন্দা, বোষ্টেরা যে এসে পড়ল !”

—“না, ওরা আমাদের দেখতে পায় নি। এদিকে কোন কাম্রা
নেই, ওরা বোধ হয় খানিকক্ষণ এদিকে আসবে না। কিন্তু তার আগেই
আমরা নিরাপদ হ'তে চাই ! আমি এদিকে এসেচি কেন জানো ?

বিজয়া

এই দড়ীগুলোর জগ্নে ! এই দড়ীগুলো যে এখানে আছে, আমি দিনের বেলাতেই তা দেখেছিলুম।”

সেখানে অনেকগুলো কাছি কুণ্ডলী-পাকানো অজগরের মতন প’ড়ে আছে বটে !

আমি বললুম, “কিন্তু এ দড়ীগুলো নিয়ে আমরা করব কি ?”

বীরেন্দা বললে, “দেখচ, এই দড়ীগুলো জাহাজের সঙ্গে বাঁধাই আছে ? তিনগাছা দড়ী সমুদ্রের ভিতরে ফেলে, আপাততঃ আমরা কি আর একটা রাত দড়ী ধ’রে ভাসতে পারব না ?”

—“কিন্তু তারপর ?”

—“পরের কথা পরে ভাবা যাবে ! আবার পায়ের শব্দ শুনচি, আও—আর দেরি নয় !”

বীরেন্দার সঙ্গে সঙ্গে আমরাও এক এক গাছা দড়ী সমুদ্রের ভিতরে ফেলে দিলুম। অনেক জিম্নাষ্টিক করেছি, স্বতরাং দড়ীগুলো ধ’রে নৌচে নেমে যেতে আমাদের কোনই অস্ববিধা হ’ল না !

সমুদ্রের জল যখন আমার কোমর পর্যন্ত গ্রাস করেছে, বীরেন্দা হাসতে হাসতে ব’লে উঠল, “আমরা ‘অ্যাড্ভেঞ্চার’ খুঁজছিলুম, কিন্তু ‘আর তাকে খুঁজতে হবে না, কি বল সরল ?’”

আমি বললুম, “তবে এ ‘অ্যাড্ভেঞ্চার’র গল্প দেশে গিয়ে করতে পারব না, এই যা হংথ !”

অমিয় বললে, “সেদিন তুমি বলছিলে না বীরেন্দা, আমরা আগরণের দেশের দিকে যাচ্ছি ? সে কথা ঠিক ! আজ সারা রাতই আমাদের আর ঘুমোতে হবে না !”

বিজ্ঞা

আমি বলুম, “হায় হায় ! তিন-তিনটি ভারত-সন্তান জেগে উঠে
মোটা কাছি নিয়ে গভীর রাতে যে আজ সাগর-মহনে নেমেছেন, যারা
স্বদেশী কবিতা লেখেন এ দৃশ্টি তাঁরা দেখতে পেলেন না তো !”

অমিয় দড়ী ধ’রে ভাস্তে ভাস্তে গুণ গুণ ক’রে একটা হাসির গান
গাইতে লাগল এবং তার সঙ্গে শীস্ দিতে শুরু করলে বীরেন্দা ।

চতুর্থ পরিচ্ছন্দ

মন্ত-বড় হঁ আৱ ধাৱালো দাত

অন্ধকারের তরঙ্গ বইছে মাথার উপরে,—সমুদ্রের তরঙ্গ বইছে দেহের চারিপাশ ঘিরে !—দড়ী ধ'রে আমৱা ভাসছি, আৱ ভাবছি, যা দেখছি আৱ অনুভব কৱছি এ কি সত্য, এ কি স্বপ্ন ?

হঠাতে আমাদেৱ আশেপাশে ঝপাং ঝপাং ক'রে শব্দ হ'তে লাগল !—যেন উপৰ থেকে কৌ সব পড়ছে ! ভাবলুম, বোষ্টেটোৱা নিশ্চয় টেৱ পেয়েছে যে, জাহাজেৱ সঙ্গে আমৱাও দড়ী ধ'রে ভেসে চলেছি, তাই আমাদেৱ মাৱবাৱ জন্মে ভাৱি ভাৱি জিনিষ ছু'ড়ছে !

কিন্তু বীৱেন্দা বললে, “আমি শুনেছি, বোষ্টেটোৱা যখন জাহাজ দখল কৱে তখন মাৰো মাৰো যাত্ৰীদেৱ হত্যা ক'রে সমুদ্রে ফেলে দেয়। আমাদেৱ চারিদিকে যে সব শব্দ হচ্ছে, নিশ্চয় তা এক-একটা লাশ পড়াৱ শব্দ !”

সৰ্বাঙ্গ শিউৱে উঠল !—জাহাজেৱ উপৰে থাকলে আমাদেৱও তো এই অবস্থা হ'ত ! এতক্ষণে আমাদেৱও দেহ হয়তো চীন-সমুদ্রেৱ জলে ভাসতে ভাসতে কোথায় চ'লে যেতে !

আচম্বিতে আমাৱ খুব কাছেই একটা শব্দ হ'ল—এত কাছে যে, সমুদ্রেৱ জল ছিটকে আমাৱ চোখে-মুখে লাগল ! একটু পৱেই কি-একটা জিনিষ আমাৱ গায়ে এসে ঠেকল। হাত দিয়ে সেটাকে ঠেলে

বিজ্ঞা

দিতে গিয়েই বুকলুম, সেটা মানুষের দেহই বটে !—ঠাণ্ডা, অস্বাভাবিক
ঠাণ্ডা ! জ্যান্ত মানুষের দেহ এত ঠাণ্ডা হয় না !

তাড়াতাড়ি দেহটাকে দূরে ঢেলে দিয়ে আমি অস্ফুট চীৎকার ক'রে
উঠলুম !

বৌরেনদা বললে, “কি হ’ল, কি হ’ল সরল ?”

আমি শিউরোতে শিউরোতে বললুম, “একটা মড়া ! আমি একটা
মড়ার গায়ে হাত দিয়েছি !”

বৌরেনদা বললে, “সেজত্তে আঁধকে উঠলে কেন ?”

—“জীবনে এই প্রথম আমি মড়ার গায়ে হাত দিলুম ! হাত দিতেই
আমার দেহের ভিতরটা যেন কি-রকম ক'রে উঠল !”

—“সেজত্তে আজ আঁধকে উঠে লাভ নেই সরল ! যে-অবস্থায়
আমরা পড়েছি, তাতে কালকে হয়তো আমাদেরই ঐ-রকম মড়া হ’তে
হবে ! রবিষ্ঠাকুরের ভাষায় এখন আমাদের ‘জীবন-মৃত্যু পায়ের ভৃত্য’
—প্রাণ নিয়ে এখন আমাদের খেলা করতে হবে—তা সে প্রাণ নিজেরই
হোক, আর পরেরই হোক !”

অমিয় বললে, “বৌরেনদা, সেদিন একটি কবিতা প’ড়েছিলুম আজ
আমার তাই মনে হচ্ছে !”

বৌরেনদা বললে, “সাবাস অমিয়, তুমি বাহাদুর ছেলে বটে ! এমন
সময়েও তোমার কবিতার কথা মনে হচ্ছে ?”

—“কবিতার খানিকটা শোনো :—

মরণ আমার খেলার সাথী,
জীবনও মোর তাই,

বিজ্ঞা

এই ছনিযায় খেলতে আসা ;

ভাবনা কিছুই নাই !

নেচে বেড়াই দরাজ বুকে,

অটুহাসি হাস্তি মুখে,

বাচ যেমন পরম স্বথে,

ম'রেও আমোদ পাই—

হো হো, ভাবনা কিছুই নাই !—

সত্য বল্চি বীরেন্দা, আজকের রাতটিকে আমার ভারি ভালো
লাগচে !”

প্রথম স্থর্যোদয় দেখলুম ! কালকের রাতে যে-সব হতভাগ্যের বুকের
বন্ড সমুদ্রের উপরে ঝ'রে পড়েছে, যেন তাই মেথেই রাঙ্গা হ'য়ে জলের
ভিতর থেকে স্বর্যদেব আজ তাঁর মাথা তুলে নীলাকাশের চারিদিকে
তাকিয়ে দেখলেন !

কোনদিকে তৌরের আভাস পেলুম না—ঈ-ঈ করছে খালি অন্ত
নীলজল। জাহাজের উপরে নিরাপদে ব'সে এই কয়দিন সমুদ্রকে যেমন
মধুর লাগছিল, আজ আর তেমনটি লাগল না !

সারা রাত জলে থেকে এখন সকালের বাতাসে দেহের ভিতরে
শীতের কাঁপুনি ধরল। তার উপরে নানান ভাবনা ! সমুদ্র ভেসে না-
হয় বোঞ্চেটের ছুরি থেকে আপাততঃ রেহাই পেয়েছি, কিন্তু মাঝুমের
দেহ তো লোহা কি পাথর নয়, এমন ভাবে জলের ভিতরে আর ক'দিন
থাকতে পারব ? আর না-হয় জলেরই ভিতরে কোনরকমে রাইলুম,
কিন্তু কি খেয়ে বেচে থাকব ?

বিজ্ঞা

অমিয় আচম্বকা চেঁচিয়ে উঠল, “হাঙর ! হাঙর !”

চম্কে ফিরে তাকিয়ে দেখি, মন্ত-বড় একটা হাঁ, আর তার ভিতরে
কতকগুলো ধারালো, চক্চকে দাঁত ! সাদা মাছের মত প্রকাণ্ড একটা
দেহও চোখে পড়ল ! কিন্তু পরমুহুর্তেই দেহটা জলের ভিতরে ষেন
একটা বিদ্যুৎ খেলিয়ে মিলিয়ে গেল।

বীরেন্দা দড়ী ধ'রে উপরে উঠতে উঠতে বললে, “ওপরে ওঠ,
ওপরে ওঠ !”

আমি আর অমিয়ও দড়ী ধ'রে উপরে উঠে গেলুম এবং পর-পলকেই
দেখলুম, হাঙরটা ঠিক আমাদের নীচে এসে হাজির হয়েছে !

শীকার পালিয়েছে দেখে সে যে খুবই ক্ষান্তি হয়েছে, তার প্রমাণ
দেবার জগ্নে সে জল থেকে আমাদের দিকে মন্ত একটা লক্ষ ত্যাগ
করলে, কিন্তু আমরা তখন তার নাগালের বাইরে !

তবু সে আশা ছাড়লে না—জাহাজের পিছনে পিছনে আসতে এবং
মাঝে মাঝে দাঁত বার ক'রে কুৎসিত হাই তুলতে লাগল !

এদিকে দড়ী ধ'রে উপরে ঝুলতে ঝুলতে আমাদের হাত ভেরে এল—
অথচ আমাদের এখন উপরে ওঠবারও ষে নেই বোষ্টেটেদের ভয়ে এবং
জলে নামবারও উপায় নেই হাঙরের ভয়ে !

এমন সময়েও আমি ঠাট্টা করবার লোভ সাম্লাতে পারলুম না।
অমিয়কে জিজ্ঞাসা করলুম, “কি ভায়া, এমন অবস্থায় পড়লে তোমার
কবি কি বলতেন ? মরণকে কি তাঁর খেলার-সাথী ব'লে মনে হ'ত ?”

অমিয় তখনও দম্বার পাত্র নয়। সে হেসে বললে, “আচ্ছা সুবল-দা,
হাঙরের ক'টা দাঁত আছে গুণে দেখ দেখি !”

বিজ্ঞা

আমি অগত্যা মনে মনে হার মেনে প্রকাণ্ডে বললুম, “সেজত্তে এখনি মাথা ধামাবার দরকার নেই। একটু পরে সকলকেই তো হাঙরের পেটের ভিতরে চুকতে হবে, তখন দ্বাত গুণে দেখবার যথেষ্ট সময় পাওয়া যাবে !”

অমিয়র মুখ তখন রাঙ-টক্টকে হয়ে উঠেছে, সে যেন নিজের কণ্ঠ প্রাণপনে চাপতে চাপতে বললে, “না সরল-দা, আমাকে কিন্তু এখনি মাথা ধামাতে হচ্ছে। আমার হাত একেবারে অবশ হয়ে গেছে, আমাকে এখনি হাঙরের পেটের ভিতরেই যাত্রা করতে হবে !”

বীরেন্দা তাড়াতাড়ি জামার ভিতর দিকে হাত চালিয়ে একটা রিভলভার বার ক'রে বললে, “বোম্বেটোরা পাছে শুনতে পায় সেই ভয়ে এতক্ষণ রিভলভার ছুঁড়তে পারছিলুম না। কিন্তু এখন দেখচি না ছুঁড়ে আর উপায় নেই !”—ব'লেই সে হাঙরটাকে লক্ষ্য ক'রে উপর-উপরি দ'বার রিভলভার ছুঁড়লে।

হাঙর-বাবাজী মাঝুবের বদলে দু-দুটো গরম সিসের গুলি খেয়েই টো ক'রে জলের তলায় ডুব মারলে ! সে বাঁচল কি মরল জানিনা, তবে জলের উপরে দেখা গেল, খানিকটা রক্তের দাগ !

রিভলভারের আওয়াজ যে জাহাজের উপর থেকে কেউ শুনতে পেয়েছে, তারও কোন প্রমাণ পাওয়া গেল না। আমরা তখন নিশ্চিন্ত হয়ে আবার জলের ভিতরে নামলুম।

পঞ্চম পরিচ্ছন্দ

দড়ি কে টানে

সকালবেলায় সূর্যকে দেখে খুব খুসি হয়েছিলুম।, কিন্তু তখন
ভাবতে পারি-নি যে, সেই সূর্যকেই পরে অভিশাপ দিতে হবে !

কে আগে জান্ত যে, রোদে সমুদ্রের জলও এমন গরম আর সূর্যের
তাপ এমন অসহনীয় হয়ে ওঠে ? তরঙ্গের সঙ্গে নৃত্যশীল সূর্য-কিরণ
যে এত তীব্র হ'য়ে উঠে চোখ প্রায় কাণ ক'রে দিতে পারে, তাও
আমাদের জানা ছিল না।

একে কাল রাত থেকে একটোক্ষণ জল পান করিনি, তার উপরে
সূর্যের এই অত্যাচার ! সমুদ্রের বিপুল জলরাশির ভিতরেও বারংবার
ভুব দিয়ে ঘনে হ'তে লাগল, বুকের ভিতরটা যেন মরুভূমির মতন খুকিয়ে
গিয়েছে—জল নেই, সেখানে এক ফেঁটাও জল নেই !

অদৃষ্টের কি নিষ্ঠুর পরিহাস ! এত জল এখানে, অথচ জলাভাবে
আমরা মরতে বসেছি !

এক-একবার আর সহিতে না পেরে সমুদ্রের জলে চুমুক দি, আর
তার ভৌষণ তিক্ততায় তখনি তা উগ্রে ফেলতে পথ পাই না ! অমন
নীল-পদ্মের নীলিমা-মাধ্যানো সুন্দর জল, কিন্তু তা পান করা কি
অসম্ভব !

কাল থেকে ঘুমোয় নি । সারাদিন আহারও নেই । তার উপরে

বিজ্ঞা

সমান এই দড়ী ধ'রে ঝুলে থাকা—জলের ভিতরে ভাসছি বটে, কিন্তু
হাতছটো যেন ছিঁড়ে পড়ছে !

জাহাজ সমানে চলেছে—কিন্তু তখনো কোনদিকে ডাঙা দেখা
যাচ্ছে না ।

তারপর স্মর্য যখন অস্ত গেল, তখন আমরা প্রায় মরো-মরো হয়ে
পড়েছি ।

ধীরে ধীরে সন্ধ্যা নেমে এল, ধীরে ধীরে আবার সেই অঙ্ককার ঘন
হয়ে উঠতে লাগলো—যে-অঙ্ককারের ভিতরে কাল এক রাত্রেই আমাদের
জীবনটা উল্টে-পাল্টে একেবারে অগ্ররকম হয়ে গেছে !

সন্ধ্যা এল, আঁধার এল, রাত্রি এল । কিন্তু স্মর্যের তাপে কষ্টের
ভিতরে যে তৃষ্ণার আগুন জ'লে উঠেছে, সে আগুন না-নিবে প্রবল হয়ে
উঠল দ্বিগুণতর ।

আমি বললুম, “বীরেন্দা, যরতে আমি ভয় পাই না, কিন্তু এমন তিলে
তিলে ঘরণের দিকে এগিয়ে যাওয়া ভয়ানক নয় কি ?”

অমিয় বললে, “ইংস সরলদা, এবারে আমিও তোমার সঙ্গে একমত ।
এমন বেঁচে-থাকার কষ্ট আর সওয়া চলে না ! তার চেয়ে এস, আমরা
দড়ী ছেড়ে ডুব দি, পাঁচ মিনিটেই সব ব্যথা জুড়িয়ে যাবে ।”

বীরেন্দা একটাও কথা কইলে না ।

জাহাজের ছায়া যেখানে জলের উপরে শেষ হয়েছে তার পরের
অনেকখানি জায়গা আলোকে উদ্ভাসিত হয়ে উঠেছে । এ আলো আসছে
জাহাজের উপর থেকে । এই আলো দেখছি আর মনে হচ্ছে, আমরা
অঙ্ককারে অনাহারে অনিদ্রায় তৃষ্ণায় আর পরিশ্রমে মরণোন্মুখ হয়েছি,

বিজ্ঞা

আর জাহাজের উপরে আলোকিত কক্ষে ব'সে এখন এতদল হত্যাকারী
সয়তান—

আমার চিন্তায় বাধা দিয়ে অমিয় বললে, “বীরেন্দা, আর নয়,—এই
আমি দড়ী ছাড়লুম !”

বীরেন্দা বললে, “না অমিয়, আর একটু অপেক্ষা কর ।”

—“আর অপেক্ষা ক’রে মিছে কষ্ট বাড়াই কেন বীরেন্দা ? মরণ
আমাদের ধরবার আগে আমরাই কেন মরণকে এগিয়ে গিয়ে ধরি না ?”

বীরেন্দা বললে, “একটু সবুর কর । আমি একবার জাহাজের
উপরে গিয়ে দেখে আসি, কোন উপায় আছে কিনা !”

আমরা দুজনেই একসঙ্গে ব'লে উঠলুম, “তাহলে আমিও তোমার
সঙ্গে যাব !”

—“না, না, তাহ’লে গোলমাল হবার স্মরণ। আমি একলাই
যাব ।”

—“কিন্তু তুমি যদি বিপদে পড় ?”

—“তাহ’লে তোমরা দুজন থাকলেও কোন উপকার হবে না ।”—
এই ব'লে বীরেন্দা দড়ীর সাহায্যে আবার উপরে উঠতে লাগল ।

পনেরো মিনিট ! আধষষ্ঠাও কেটে গেল বোধ হয় ।

আমি বললুম, “অমিয়, এখনো বীরেন্দার দেখা নেই !”

অমিয় বললে, “আমি যেন উপর থেকে মাঝে মাঝে কাদের হট-
গোলের শব্দও শুনতে পেয়েছি ! চল, আমরাও উপরে উঠি ।”

বিজ্ঞা

—“না, আর-একটু দেখি। বীরেন্দার কথা অমাত্য করা উচিত
নয়।”.....

বোধ হয় আরো আধগণ্টা গেল। তবু বীরেন্দার দেখা নেই! আমার মন অত্যন্ত উদ্বিগ্ন হয়ে উঠল—নিজের কষ্টের কথা ভুলে
গেলুম।

অমিয় বললে, “সরলদা, আর নয়—বীরেন্দা নিশ্চয়ই বিপদে
পড়েছেন।”

আমি বললুম, “হ্যাঁ চল, আমরা উপরে উঠি। এখানে এমন ক'রে
মরার চেয়ে উপরে গিয়ে বীরের মতন মরা চের ভালো”—

আমার কথা শেষ হ'তে না হ'তেই উপর থেকে একসঙ্গে আমাদের
দুজনেরই দড়ীতে টান পড়ল, কারা বেন আমাদের উপরে টেনে তুলছে।

অমিয় বললে, “নিশ্চয় বীরেন্দা আমাদের টেনে তুলচেন।”

আমি হতাশ ভাবে বললুম, “না অমিয়,—এ বীরেন্দা নয়! দেখচ
না, একসঙ্গে আমাদের দুজনেরই দড়ীতে টান পড়েচে, নিশ্চয়ই একজনের
বেশী লোক দড়ী ধ'রে টানচে।”

—“তবে কি—”

—“হ্যাঁ, আর কোন সন্দেহ নেই,—বোঝেটো আমাদের কথা টের
পেয়েচে।”

—“আমরা যদি দড়ী ছেড়ে দি ?”

—“সমুদ্রে ডুবে মরব।”

বিজ্ঞা

শষ্ঠ পরিচ্ছন্দ

নীলগোলাপের ছাপ

আমরা ক্রমেই উপরে উঠছি !—মানুষ ছিপের স্থতোয় বেঁধে টেনে তোলবার সময়ে মাছ-বেচারাদের মনের ভাব যে-রকম হয়, আমাদেরও মনের অবস্থা তখন বোধ করি অনেকটা সেই-রকমই হয়েছিল !

নীচে অতল সমুদ্র যেন ইঁ ক'রে আছে—আমাদের গিলে ফেলবার জগ্তে, আর উপরে প্রস্তুত হয়ে আছে বোঞ্চেটেদের নিউ়্র তরবারী—আমাদের ধড় থেকে মুণ্ডটা তফাং ক'রে ফেলবার জগ্তে !

আমিয় বললে, “সরলদা, এস আমরা দড়ী ছেড়ে সমুদ্রে ঝাঁপিয়ে পড়ি !”

আমি হতাশ ভাবে বললুম, “তাতে আর লাভটা কি হবে ভাই ?”

—“বোঞ্চেটেরা তো আমাদের ধরতে পারবে না !”

—“কিন্তু সমুদ্রের গ্রাস থেকেই বা বাঁচব কেমন ক'রে ? এ তো আর পুকুর কি নদী নয়, যে সাঁতার দিয়ে পার হয়ে যাব !”

—“কিন্তু ছোরা-ছুরির খোঁচা খেয়ে মরার চেয়ে কি ঠাণ্ডা জলের তলায় তলিয়ে যাওয়া চের ভালো নয় ?”

ততক্ষণে আমরা জাহাজের ডেকের কাছে এসে পৌঁছেছি !

—চার-পাঁচজন লোক উপর থেকে মুখ বাড়িয়ে সাগ্রহ ভাবে আমাদের দেখছে ! একজনের হাতে লঞ্চ, তারই আলোয় দেখলুম—

বিজ্ঞা

প্রত্যেকেরই নাক খ্যাদি আৱ চোখগুলো কৃৎকৃতে। তাৱা সকলেই চীনেম্যান !

অমিয় আবাৱ ব'লে উঠল, “সৱলদা ! এখনো সময় আছে—দড়ী ছেড়ে দাও, এদেৱ হাতে পড়াৱ চেয়ে ভুবে মৱা ভালো !”

সঙ্গে সঙ্গে উপৱ থেকে বৌৱেনদাৱ গলাৱ আওয়াজে শুনলুম, “না অমিয়, দড়ী ছেড়োনা ! তোমৱা উপৱে উঠে এস !”

বৌৱেনদা বেঁচে আছে ! আমাদেৱ উপৱে ষেতে ডাকছে ! বিশ্বয়ে হতভন্ত হয়ে গেলুম !

বৌৱেনদাৱ গলা পেয়ে অমিয় আৱ ইতস্তত কৱলে না, চট্টপট্ট দড়ী বয়ে তথনি ডেকেৱ উপৱে গিয়ে উঠল !...আমিও তাই কৱলুম।

উপৱে গিয়ে দেখলুম, অডুত দৃশ্য ! পঁচিশ-ত্রিশ জন লোক আমাদেৱ সামনে দাঙিয়ে আছে, তাৱেৱ সকলেই প্ৰায় চীনেম্যান, তবে তিন-চার জন কালো চেহাৱাৱ লোকও দলেৱ ভিতৱে ছিল—দেখলে তাৱেৱ ভাৱতবাসী ব'লেই মনে হয় !

বৌৱেনদা দাঙিয়ে আছে বুক ফুলিয়ে তাৱেৱ মাৰখানে—নিজেৱ দৌৰ্ঘ দেহ নিৱে, সকলেৱ মাথাৱ উপৱে মাথা তুলে ! বৌৱেনদাৱ মাথায় একখানা কাপড় জড়ানো—কাপড়খানা রক্তে রাঙা। তাৱ জামা-কাপড়ও স্থানে স্থানে ছিঁড়ে গিয়ে দেহেৱ লোহাৱ মত কঠিন মাংস-পেশাগুলো প্ৰকাশ ক'ৱে দিয়েছে ! দেখেই বুৰলুম, বৌৱেনদাৱ সঙ্গে বোঝেটৈদেৱ বিলক্ষণ ধৰ্মাধৰ্মতি হয়ে গেছে !

অগ্ন্য মুখগুলোৱ উপৱেও তাড়াতাড়ি একবাৱ চোখ বুলিয়ে গেলুম—সে সব মুখেৱ উপৱে সয়তানি আৱ পতন্ত্ৰেৱ ছাপ্ সুস্পষ্ট, তাৱা ভুলেও

বিজ্ঞা

যে কথনো দয়া-মায়ার স্বপন দেখেছে, এমন কথা কল্পনাও করা যাব না। আমাদের দিকে তারা তাকিয়ে আছে—যেমন ক'রে তাকায় ইচ্ছুরের দিকে বিড়ালরা !

অমিয় বললে, “বীরেন্দা, তোমার মাথায় কি হয়েচে ?”

বীরেন্দা হু পা এগিয়ে এসে, তার পিঠ চাপড়ে হেসে বললে, “ও কিছু নয় ভাই, সব কথা পরে বলব !”

আমি বললুম, “কিন্তু এরা আমাদের টেনে তুললে কেন ? খুন করবার জন্তে ?”

—“এ প্রশ্নেরও উত্তর পরে পাবে ।”

—“কিন্তু এরা আমাদের নিয়ে যা-খুসি করুক, আপাততঃ আমাদের একটু জল দিক্—তেষ্টা আর সহিতে পারচি না। মরতে হয় তে, দানাপানী খেয়ে একটু জিরিয়েই মরব !”

বীরেন্দা ফিরে একটু গলা তুলে বললে, “কং-হিং ! তোমরা কি আমার বন্ধুদের একটু জল দেবে না ?”

একটা চৌম্বক্যান দলের একজনকে কি বললে—সে তখনি চ'লে গেল, বোধ হয় জল আনতেই ।

আমি সবিশ্বায়ে বললুম, “হ্যাঁ বীরেন্দা, তোমার বাংলা কথা এরা বুঝতে পারলে ?”

বীরেন্দা কোন জবাব না দিয়ে একদিকে তাকিয়ে দেখতে লাগল, চারজন চৌম্বক্যান একটা বড় ভারি পিপে তোলবার চেষ্টা করছে, কিন্তু পারছে না !

বিজ্ঞা

বীরেন্দা মৃহুষেরে বললে, “সরল ! অমিয় ! তোমরা হজনে ঐ লোক-গুলোকে সরিয়ে পিপেটাকে উপরে তুলে রেখে এস তো !”

আমি জিজ্ঞাসা করলুম, “কেন বীরেন্দা ?”

—“ওদের এই স্বয়োগে দেখিয়ে নাও তোমাদের গায়ের জোরটা । তা’হলে তোমাদের উপরে এদের শুক্রা বাড়বে—কারণ এ-সব লোক শুক্রা করে স্বধূ শক্তিকে ।”

আমরা এগিয়ে গেলুম ! যে-চারজন লোক পিপেটাকে নিয়ে টানাটানি করছিল, বারংবার বিফল চেষ্টার পর তারা তখন পিপে ছেড়ে দাঢ়িয়ে দাঢ়িয়ে হাঁপাচ্ছিল !

আমরা হজনে পিপের কাছে গিয়ে দাঢ়ালুম । ইসারায় জিজ্ঞাসা করলুম, “পিপেটাকে কোথায় তুলে রাখতে হবে ?”

লোকগুলো বিরতি-ভৱা মুখভঙ্গি ক’রে আমাদের পানে হিংস্র চোখ তুলে তাকালে, একটা লোক অত্যন্ত তাছীল্যের সঙ্গে পাশের একটা উচু জায়গা দেখিয়ে দিলে ।

আমি আর অমিয় খুব সহজভাবে ও অনায়াসেই পিপেটাকে তুলে ষথাষ্ঠানে স্থাপন করলুম ।

চারিদিকে বিজাতীয় ভাষায় অফুট ধ্বনি উঠল । বোধ হয় সকলে আমাদের বাহবা দিচ্ছিল, ...কারণ ফিরে দেখি, সকলেরই বিশ্঵াস ও সন্তুষ্ম ভৱা দৃষ্টি আমাদের দিকে আকৃষ্ট !

বীরেন্দা বললে, “এখন এদের কাছে তোমাদের ‘প্রোটিজ’ অনেক বেড়ে গেল । ভবিষ্যতে তোমাদের সঙ্গে লাগবার আগে এরা ভাববে । ...ঐ নাও, তোমাদের জল এসেচে ।”

বিজ্ঞা

আমরা হ-জনে সাগ্রহে গেলাসের পর গেলাস ভ'রে জলপান করলুম !
জল যে এত মিষ্টি লাগে, এর আগে তা জানতুম না !

বীরেন্দা চেঁচিয়ে বললে, “কং হিং ! এখন তোমাদের সর্দীর
আমাদের নিয়ে কি করতে চান ?”

কং-হিং হচ্ছে একজন আধ-বুড়ো লোক, একমাত্র তারই মাথায়
চীনাদের সেই বারো-হাত কাঁকুড়ের তেরো-হাত বীচির মতন পুরাতন ও
সুন্দীর্ঘ টিকি, কুণ্ডলী-পাকানো সাপের মত জড়ানো রয়েছে। বীরেন্দার
কথা শুনে কং-হিং তার পার্শ্ববর্তী একটা চীনেম্যানের কাণে কাণে কি
বললে ।

বীরেন্দা চুপি চুপি বলেল, “কং-হিং যার সঙ্গে কথা কইচে, এই হচ্ছে
বোষ্বেটেদের সর্দীর । ওর নাম চ্যাং-চুং-চ্যাং ।”

চ্যাং একটা পিপের উপরে ব'সেছিল, কং-হিং ছাড়া আর সব
বোষ্বেটেই তার কাছ থেকে সসন্ত্বনে তফাতে দাঢ়িয়ে আছে। চ্যাং
বয়সে চলিশের কাছাকাছি—দেহেও খুব প্রকাণ্ড । দেহ দেখলেই বোবা
যায়, তার গায়ে বুনো মহিষের মতন শক্তি আছে । পরে শুনেছি,
কেবল চাতুর্যের জগ্নে নয়, সে সর্দীর হ'তে পেরেছে তার এই আনন্দুরিক
গায়ের জোরেই । চ্যাংের ডান চোখ কাণ । ডান চোখের ঠিক
উপরেই কপালে একটা কাটা দাগ দেখে আন্দাজ করলুম, কোন দাঙ্গা-
হাঙ্গামাতেই চোখটি সে খুইলুচ্ছে । চীনেদের প্রায়ই গেঁফ থাকেনা,
চ্যাংের কিন্তু গেঁফ আছে । আর সে গেঁফের মতন গেঁফই বটে,
কারণ সেই গেঁফজোড়া একেবারে তার বুকের উপর পর্যন্ত গল্দা-
চিংড়ীর দুটো বড় বড় দাড়ার মতন ঝুলে পড়েছে ! ডান-হাতে লম্বা

বিজ্ঞা

একটা চগুর পাইপ নিয়ে চ্যাং কথা কইতে কইতে সেঁ সেঁ ক'রে বেঁয়া
টানছিল আৰ ছাড়ছিল। তাৱ সেই কাটা কপাল, সেই কাণ চোখেৱ
গুৰ্ণ, সেই জঁদ্ৰেলী গোঁফ আৱ সেই বিৱাট দেহ দেখলে মনেৱ ভিতৱে
সত্য সত্যই একটা বিভীষিকাৱ ভাব জেগে ওঠে! মনে হয় এ লোক
কাৰুৱ কাছে কথনো দয়া চায় নি, কাৰুকে কথনো দয়াও
কৱেনি!

কংহিং হু পা এগিয়ে এসে হঠৎ চেঁচিয়ে উঠল, “নীলগোলাপেৱ
ছাপ! নীলগোলাপেৱ ছাপ! বাৰু, আমাদেৱ নীলগোলাপেৱ ছাপ নিতে
হবে!”

বীৱেনদাৱ দিকে চেয়ে দেখলুম, সে দাঁত দিয়ে নিজেৱ ঠোঁট কামড়ে
ধৱল, তাৱপৱ একটা মাথা-ঝঁকুনি দিয়ে অশুট কঢ়ে ব'লে উঠল, “মাঃ,
তা ছাড়া আৱ উপায় নেই—তা ছাড়া আৱ উপায় নেই!”

আমি উদ্বিঘ স্বৱে জিজ্ঞাসা কৱলুম, “নীলগোলাপেৱ ছাপ কি
বীৱেনদা?”

—“আমাদেৱ হাতে বোষ্টেটেদেৱ দলেৱ চিহ্ন দেগে দেবে। এৱ পৱ
আমাৱা যত দিন বাঁচব—এই অপমানেৱ ছবি আমাদেৱ হাতেৱ ওপৱে
আঁকা থাকবে। এ ছবি দেখলে লোকে আমাদেৱ বোষ্টেটে জেনে
যুণায় দুৱে সৱে যাবে।”

—“কিন্তু এ ছবি যদি আমাৱা হাতেৱ উপৱ আঁকতে না দি?”

—“তাহ'লে এখনি আমাদেৱ মৱতে হবে।”

অমিয় বললে, “বোষ্টেটে হব? তাৱ চেয়ে এখনি পৃথিবী থেকে
গোটাকয়েক বোষ্টেটে কমিয়ে সমুদ্রে ঝঁপ দেওয়া উচিত নয় কি?”

বিজ্ঞা

বৌরেনদা বললে, “না অমিয়, আমরা যে বোঝেটে হব না, এটা একেবারে ঠিক কথা।”

—“তবে এই চিঙ আমাদের হাতে দেগে দেবে কেন ?”

—“ওরা অবশ্য জানবে যে, আমরা ওদেরই দলের লোক। কিন্তু আমরা যে ওদের লোক কথনোই হব না, সে-বিষয়েও কোন সন্দেহ নেই ! আর ওদেরও সেই সন্দেহ আছে ব'লেই আমাদের ওরা একেবারে মার্কা-মারা ক'রে ছেড়ে দিতে চায়।”

—“কিন্তু আমাদের দলে নেবার জন্তে ওদের এতটা উৎসাহ কেন ?”

—“ওদের উৎসাহ কেন ? আমার সব কথা শুনলেই পরে তোমরা বুঝতে পারবে। ঐ নীলগোলাপের ছাপ আমাদের হাতের ওপরে দেগে দিয়ে ওরা আমাদের বেঁধে রাখতে চায় ! কারণ এর পরেও আমরা যদি ওদের সঙ্গে বিশ্বাসযাতকতা করি, তাহ'লে ওরাও আমাদের ধরিয়ে দিতে পারবে। এই বিখ্যাত নীলগোলাপের ছাপ সব দেশের পুলিশই চেনে। যারই হাতে এই ছাপ থাকে তারই একমাত্র দণ্ড হচ্ছে প্রাণদণ্ড। * * এখন প্রস্তুত হও। ঐ দেখ, ওরা আমাদের দিকে এগিয়ে আস্তে। এইবার আমাদের নীলগোলাপের ছাপ নিতে হবে—”

আমি বাধা দিয়ে বললুম, “অর্থাৎ এইবার আমাদের বোঝেটে হ'তে হবে ?”

সপ্তম পরিচ্ছন্দ

‘মানোয়ারি’ জাহাজ

হাতের উপরে আমরা নৌলগোলাপের ছাপ মিরেছি !—একটা মড়ার মাথার উপরে গোলাপ ফুটে আছে—সমস্তটাই নৌল রঙের উল্কীতে আঁকা ! এ ছাপ আমাদের হাতে দেখলে সাধুরা ভয়ে পালিয়ে যাবে, পুলিস আমাদের পিছনে তাড়া করবে !

চোখের সামনে ফাঁশীকাঠের স্বপন দেখতে দেখতে নিজেদের কামরায় ফিরে এলুম ।

অমিয় প্রথমেই বললে, “বীরেন্দা, আগে তোমার গন্ধ শুনব ।”

বীরেন্দা যা বললে, তা হচ্ছে এই :—“ভাই, অতক্ষণ পানাহার না ক’রে জলের ভিতরে ভাস্তে ভাস্তে আমার সর্বশরীর যে নেতৃত্বে প’ড়েছিল, সে কথা স্বীকার না করলে মিথ্যা কথা বলা হবে । সত্যই আমার ভারি কষ্ট হচ্ছিল ! * * কিন্তু সে কষ্টও আমাকে তত ব্যাথা দিচ্ছিল না, যত ব্যাথা পাচ্ছিলুম তোমাদের কাঁরোনি আর ছটফটানি দেখে । একে তো তোমাদের আমি ছোট ভাইয়ের মতন ভালোবাসি, তার উপরে আমার পরামর্শ শুনেই তোমরা প্রাণ দিতে বসেছ । কাজেই যাতন্ত্র আর অনুত্তাপে প্রাণ আমার ফেটে যাবার মত হ’ল । মনে মনে পণ করলুম, প্রাণ তো যেতেই বসেছে, তবু তোমাদের জগ্নে একবার, শেষ চেষ্টা ক’রে দেখব । তাই তোমাদের ভরসা দিয়ে আমি কাছি ধ’রে আবার জাহাজের উপরে গিয়ে উঠলুম ।

বিজ্ঞা

কিন্তু চেষ্টা ক'রেও কিছু যে ফল হবে, সে আশা আমার ছিল না। মোটেই। তবু ডুবে মরবার সময়ে মাঝুয় থড়ের কুটোও জড়িয়ে ধরবার চেষ্টা করে—আমার এ চেষ্টাও অনেকটা তারই মত। মরব যখন নিশ্চয়ই, মরার ভয়ও ছিল না। তখন আমি মরিয়া। পাগলা হাতীর সামনে গিয়েও বুক ফুলিয়ে দাঢ়াতে পারি অন্যায়ে। মনে মনেই বললুম, “এখন আমার স্বমুখে যে এসে দাঢ়াবে নিতান্তই তাকে যমে টেনেছে !”

জাহাজের কোন ঘরে খাবার আর জল থাকে, তা আমি জানতুম। রাতও হয়েছে, শক্ররও ভয় নেই। স্বতরাং বোম্বেটেরা হয়তো এখন যে যার বিছানায় গিয়ে শুয়ে পড়েছে, এমনি-একটা আন্দাজও আমি ক'রে নিলুম।

পা টিপে টিপে গুড়ি মেরে এগুতে লাগলুম,—জীবনে এত নিঃশব্দে আর কখনো আমি অগ্রসর হই নি! চোখের উপরে ভেসে উঠছে বারংবার তোমাদের কাতর মুখ এবং বারংবার মনে হচ্ছে, তোমাদের মরণ-বাঁচন নির্ভর করছে, আমার সফলতার উপরেই।.....আজ যদি খাবার আর জল জোগাড় করতে পারি, তাহ'লে আমাদের সকলেরই প্রাণ বাঁচবে। তারপর জাহাজ কোন বন্দরে গিয়ে লাগ্লেই আমরা ডাঙ্গায় উঠে স'রে পড়তে পারব।

জাহাজের ভাঁড়ার-ঘরের কাছে এসে পড়লুম, কেউ আমাকে দেখতে পেলে না। আসতে আসতে অনেক কামরার ভিতর থেকেই শুনতে পেলুম, মাঝুবের নাক-ডাকার আওয়াজ !

কিন্তু ভাঁড়ার-ঘরের সামনে গিয়েই দেখলুম, একটা লোক দেওয়ালে

বিজ্ঞা

ঠেসান্ দিয়ে ব'সে ঘুমোচ্ছে না বটে, কিন্তু চুলছে। নিশ্চয়ই
প্রহরী !

জাহাজের মেঝের উপরে শুয়ে পড়লুম। তারপর ধৌরে ধৌরে এগুলে
লাগলুম, সাপের মতন বুকে হেঁটে।

প্রায় ষথন তার কাছে গিয়ে পড়েছি, হঠাৎ সে অকারণেই মুখ
তুললে ; এবং চোখ খুললে ; এবং বলা বাহ্য, আমাকে দেখতেও
পেলে !

একলাফে সে দাঁড়িয়ে উঠল—একলাফে আমিও দাঁড়িয়ে উঠলুম। সে
নিজেকে সাম্লাবার আগেই হ-হাতে প্রাণপণে তাকে জড়িয়ে ধরলুম।
লোকটা বিকট আর্তনাদ ক'রে উঠল—সেই তার শেষ-আর্তনাদ ! কারণ
পর-মুহূর্তেই আমি নিজেই শুনতে পেলুম, আমার হাতের চাপে তার
ঘাড়ের, পাঁজরার আর হাতের হাড় মড় মড় ক'রে ভাঙ্গতে সুরু হ'ল—
তার গলা দিয়ে আর একটি টু-শব্দও বেঙ্গলনা ! লোকটাকে এমন ভাবে
খুন করতে আমার মনে একটুও দুরদ জাগ্লনা—এ সেই বোঞ্চেটেদেরই
একজন, যারা কাল রাতে জাহাজের সমস্ত নিরীহ যাত্রীকে হত্যা ক'রে
সমুদ্রের জলে ফেলে দিয়েছে। না পালালে আমরাও এতক্ষণ বেচে
ধাকতুম না।

চারিদিকে অনেক লোকের পায়ের শব্দ শুনে সেই হাড়গোড়-ভাঙ্গ
মড়াটাকে ছুঁড়ে ফেলে দিলুম। তখন পালাবার উপায়ও ছিল না,
পালাবার ইচ্ছাও রইল না। যে উদ্দেশ্যে এসেছি, তাও বিফল হ'ল,—
মৃত্যু তো অবগুণ্যাবী, তা এদের হাতেই হোক আর অনাহারে বা জলে
ডুবেই হোক !

বিজ্ঞা

‘আমি ‘বাঙ্গি’ জানি, ‘যুৎসু’ জানি, কুন্তি জানি। আর আমার গায়ে কি-রকম জোর আছে, কলকাতার পথে একদিন এক ক্ষ্যাপামোষের সঙ্গে লড়বার সময়েই তোমরা তা স্বচক্ষে দেখেছে ! তার উপরে বলেছি তো আজ আমি মরিয়া আর বেপরোয়া ! স্বতরাং তারপরেই জাহাজে যে ব্যাপারটা ঘটল, আমার মুখে শুনলে তোমরা ছাড়া আর কেউ বোধ হয় তা বিশ্বাস করতে চাইবে না। তবে মুষ্টিযোদ্ধা আর ‘যুৎসু’র পালোয়ানরা হয় তো আমার কথা অত্যুক্তি ব’লে মনে করবেন না। *

একসঙ্গে কত লোক যে আমাকে আক্রমণ করলে, তা আমি বুঝতে পারলুম না। তবে বিশ-পঁচিশ জনের কম নয় নিশ্চয়ই !

কিন্তু তারা আমাকে ধরতে পারলে না—আমি তাদের সে-স্বয়েগ দিলুম না। বিদ্যুতের মতন বেগে আমি একবার বায়ে, একবার ডাইনে,—একবার সুমুখে, আর একবার পিছনে লাফিয়ে বা গুড়ি মেরে স’রে, স’রে যেতে লাগলুম এবং সঙ্গে সঙ্গে আমার হাতও চলতে লাগল ক্ষিপ্র-গতিতে এমন কৌশলে যে, খানিকক্ষণ পর্যান্ত তারা তো আমাকে ধরতে পারলে না বটেই, উন্টে তাদের দলের আট-দশ জন লোক আহত বা অজ্ঞান হয়ে মেঝের উপরে লুটিয়ে পড়ল এবং অনেকেই মার খেয়ে আর্তনাদ করতে করতে পিছিয়ে গেল !

* বীরেন্দ্রার এ অনুমান সত্য। কারণ বছর চৌদ্দ-পনেরো আগে কলকাতায় চৌরঙ্গীর উপরে, একবার এক জাপানী ‘যুৎসু’র পালোয়ান থালি হাতে একাকী উনিশ-বিশ জন লোককে হারিয়ে দিয়েছিল। সে সময়ে “ইঙ্গিয়ান ডেলি নিউজে” এ ঘটনার বিস্তৃত বিবরণ প্রকাশিত হয়েছিল। যাদের সন্দেহ হবে, তারা উক্ত ইংরেজী সংবাদপত্রের ‘পুরাণে! ফাইল’ খুলে দেখতে পারেন। ইতি।

বিজ্ঞা

ক্রমেই তাদের দলে লোক বাড়তে লাগল এবং আমিও টাঁচি-ওঁ
পড়লুম। আর বেশীক্ষণ এমন অসমান লড়াই নিশ্চয়ই আমি চালাতে
পারতুম না,—কিন্তু বোষ্ঠেটো আমাৰ শক্তি দেখে অবাক হৱে নিজেৱাই
দূৰে স'ৱে গিয়ে হতভন্ধেৱ মতন দাঁড়িয়ে পড়ল !

এবং সেই অবসৱে আমি পিঠ থেকে বন্দুকটা খুলে নিয়ে ডান হাতে
লাঠিৰ মত বাগিয়ে ধ'ৱে, আৱ বাঁ-হাতে রিভলভাৱটা বাব ক'ৱে
বোষ্ঠেটোৱে দিকে তুলে ইংৰেজীতে চেঁচিয়ে বললুম, “দেখচ, গায়েৱ
জোৱেও আমি শিঙু নহ, আৱ আমাৰ হাতে অস্ত্ৰেও অভাব নেই ?
যদি মৱবাৱ সাধ থাকে, তবে এগিয়ে এস !”

বোষ্ঠেটোৱে মধ্য হ'তে একটা ভয়েৱ কাণাকাণি উঠল,—এন্তবে কি,
তাৱা আৱো পিছনে হ'টে গেল ! আচম্বিতে একটা লোক ভিড়েৱ
ভিতৰ থেকে বেৱিয়ে এসে বাংলা ভাষায় আমাকে জিজ্ঞাসা কৱলে, “তুমি
কি বীৰুবাবু ?”

এমন জায়গায় একটা চীন-বোষ্ঠেটোৱ মুখে হঠাৎ বাংলা কথা আৱ
—তাৱ চেয়েও যা অসম্ভব—আমাৰ নাম শুনে আমি তো একেবাৱে
থ হয়ে গেলুম !

তখন জাহাজেৱ চারিদিকে অনেক আলো ঝ'লে উঠেছিল।
বিশ্বায়েৱ প্ৰথম ধাকা সাম্লে, ভালো ক'ৱে চেয়ে দেখেই লোকটাকে
চিনতে পাৱলুম। তাৱ নাম কং-হিং, কলকাতায় অনেক দিন ধ'ৱে
একটা জুতোৱ দোকান চালিয়েছিল। সৰুদাই সে হাস্ত—তাৱ
মুখেৱ হাসি কথনো শুকোতে দেখি-নি। ছেলেবেলা থেকেই ফি বছৱে
তাৱ দোকানে গিয়ে আমি অনেক জুতো কিনেছি। তাৱ দোকানেৱ

বিজ্ঞা

জুতো নইলে আমার পছন্দ হ'ত না। সে বেশ বাংলা জানত আর আমার সঙ্গে তার খুব জানাশোনাও ছিল। কিন্তু আজ বছর-দুই আগে সে দোকানপাট তুলে কলকাতা থেকে অদৃশ্য হয়েছিল। তারপর আজ হঠাৎ তার দেখা পেলুম অপার সাগরের ভিতরে, এই বোম্বেটেদের দলে।

আমি বললুম, “আরে, কং-হিং সামেব যে ! তা’হলে আজকাল দেখচি জুতো-শেলাই ছেড়ে তুমি মাঝের গলা-কাটা ব্যবসা স্বীকৃত করেচ ? বেশ, বেশ ! কিন্তু দেখচ, আমার গলা কাটা কত শক্ত ?”

কং-হিং হা-হা ক’রে হেসে উঠল এবং তার হাসি নীরব হ্বার আগেই ভিড় ঠেলতে ঠেলতে আর-একজন লম্বা-চওড়া জোয়ান বাইরে এসে দাঢ়াল। এতক্ষণ তাকে দলের ভিতরে দেখি-নি, সে বোধ হয় কামরার ভিতরেই ছিল। পরে শুনলুম তার নাম চ্যাং-চুং-চ্যাং—বোম্বেটেদের সদ্বীর।

যে-লোকগুলো জখম হয়ে চারিদিকে গড়াগড়ি দিচ্ছিল তাদের উপরে এক চক্ষু বুলিয়ে, চ্যাং বিশ্বিত ভাবে অল্পক্ষণ আমার পানে মিটির-মিটির ক’রে চেয়ে হইল। তারপর কং-হিংয়ের দিকে ফিরে খোনা-গলায় কি যেন জিজ্ঞাসা করলে।

কং-হিং চীনে-ভাষায় তাকে কি বলতে লাগল আর চ্যাংও তাই শুনতে শুনতে বার বার প্রশংসা-ভরা চক্ষে আমার দিকে ফিরে ফিরে তাকাতে আর নিজের বুক-পর্যন্ত-বুলে-পড়া লম্বা গৌফের উপরে হাত বুলোতে লাগল। কং-হিংয়ের কথা শেষ হ্বার পর চ্যাং গন্তীর হয়ে কিছুক্ষণ কি ভাবলে। তারপর কং-হিংকে আবার কি বললে।

কং-হিং আমার দিকে ফিরে বললে, “বীরবাবু, তুমি অস্ত্র মিমাও !
আমাদের সর্দার তোমার বীরত্ব দেখে ভারি খুসি হয়েচেন।

আমি বললুম, “কিন্তু তোমাদের কথায় বিশ্বাস কি ? আমি অস্ত্র
নামালে তোমরা যদি আবার আমাকে আক্রমণ কর ?”

কং-হিং হেসে বললে, “বীরবাবু, আমরা ইচ্ছে করল কি তোমাকে
এখনো মেরে ফেলতে পারি না ? আমাদের লোকেরা তাড়াতাড়িতে
সুধু-হাতে বেরিয়ে এসেচে বটে, কিন্তু তারা যদি এখন সবাই মিলে এসু-
নিয়ে এসে ফের তোমাকে আক্রমণ করে—”

বাধা দিয়ে আমি বললুম, “কিন্তু তার আগেই আমিও যে এখনি
তোমাদের সর্দারকে গুলি ক'রে মেরে ফেলতে পারি !... তবে ঝগড়ার
কথা থাক . আমি অস্ত্র রাখচি, তুমি কি বলতে চাও, বল !”

কং-হিং আমার কাছে এসে রললে, “বীরবাবু, খালি বীরত্বের জন্মে
নয়, আমার সঙ্গে তোমার বন্ধুত্ব ছিল ব'লেই এ-যাতা তুমি বেঁচে গেলে !
আমি হচ্ছি চ্যাংয়ের দাদা । চ্যাং সর্দার হ'লেও আমাকে মান্য করে ।
আজ থেকে তুমিও আমাদের দলের একজন হ'লে—তোমার যতন লোক
পেলে আমাদের অনেক উপকার হবে । কেমন, তুমি রাজি আছ
তো ?”

ভাবলুম, বলি, না !—ভদ্রলোকের ছেলে, বোঞ্চেটে হব ?— কিন্তু
তার-পরেই মনে হ'ল শর্টের সঙ্গে শর্টতা করতে দোষ কি ? আপাতত
তাদের কথায় রাজি হয়ে প্রাণ বাঁচাই তো, তারপর স্বিধা পেলেই চম্পট
দেওয়া যাবে !

চালাক কং-হিং হাসতে হাসতে তীক্ষ্ণদৃষ্টিতে আমার মুখের ভাব লক্ষ্য

বিজয়া

করছিঁ। আমার মনের কথা সে বোধ হয় কতকটা আন্দাজ করতে পারলে। ক'বণ সে বললে, “হ্যাঁ বীরুবাবু, আর এক কথা। আমাদের দলে এলে তোমাক নীলগোলাপের ছাপ্পনিতে হবে।”

আমি জিজ্ঞাসা করলুম, “সে আবার কি?”

—“আমাদের দলের চিহ্ন। এ চিহ্ন তোমার হাত থেকে কথনে উঠবে না। এ চিহ্ন হাতে থাকতে আমাদের দলের লোক আর বিশ্বাস-প্রচলন ক'রে ফাঁকি দিতে পারে না। কারণ দল ছাড়লেই তারা পুলিসের হাতে গিয়ে পড়ে—অর্থাৎ আমরাই তাকে ধরিয়ে দি। পুলিসও যার হাতে ঐ চিহ্ন দেখে, তার কোন কথা বিশ্বাস করে না।”

কিন্তু তখন আমি মন স্থির ক'রে ফেলেছি, কং-হিংয়ের এই ভীষণ কথা শুনেও নিশ্চিন্ত ভাবে বললুম, “আমি তোমাদের কথায় রাজি আছি—যদি আমার আরো দুজন সঙ্গীকেও তোমাদের দলে নাও।”

কং-হিং বিশ্বায়ে দুই চক্ষু বিস্ফারিত ক'রে বললে, “তোমার আরো দুজন সঙ্গী! কোথায় তারা?”

আমি তাকে আমাদের সকলকার সব কথা সংক্ষেপে জানিয়ে দিলুম।

কং-হিং চিন্তিত ভাবে ঘাড় নাড়তে নাড়তে বললে, “তবেই তো! সর্দার বোধ হয় রাজি হবে না।”

আমি বললুম, “কং-হিং সায়েব, আমার বন্ধুদেরও পেলে তোমাদের দলের জোর বাড়বে! তাদের গায়েও জোর বড় কম নয়! আর তাদের যদি দলে না নাও, আমাকেও তোমরা পারে না। তা’হলে আমরা তিনজনেই তোমাদের সঙ্গে লড়াই করতে করতে মরব-মরতে আমরা কেউ ভয় পাই না। বল, তাহ’লে আমার বন্ধুদের ডাকি, আর ফের অস্ত্র ধরি?”

বিজ্ঞাপন

মাথার উপরে পাকানো টিকি-খোপার উপরে হাত বুলো; ৩' বুলোতে
কং-হিং আবার চ্যাঙ্গের কাছে ফিরে গেল, আবার তাদের ছজনের
ভিতরে কি পরামর্শ হ'ল। তারপর কং-হিং আবার আমার কাছে
হাসিমুখে ফিরে এসে বললে, “আমার এই পয়মন্ত টিকির জয় হোক !
আজ দেখচি তোমাদের অদৃষ্ট খুব ভালো। সর্দারকে রঞ্জি করেছি !”

সরল, অমির, তারপরের কথা সব তোমরা জানো !”

বৌরেনদার কথা শেষ হওয়ার সঙ্গে-সঙ্গেই বাইরে বিষম একটা হৈ-চৈ
উঠল ! চম্কে চেয়ে দেখি, ইতিমধ্যে কখন রাত পুঁইয়ে গেছে আমরা
কেউ তা খেয়ালে আনি নি—জানলা দিয়ে নীলাকাশ-থেকে-ব'রে-পড়া
সকালের সাদা আলো কাম্রার ভিতরটা পর্যন্ত উজ্জল ক'রে তুলেছে
এবং বাইরে বোম্বেটেরা ব্যস্তভাবে চীৎকার আর ছুটোছুটি করছে !

. ব্যাপার কি জানবাৱ জন্তে তাড়াতাড়ি বেরিয়ে এলুম ।

দেখলুম, চ্যাং আৱ কং-হিং দূৱীণ চোখে দিয়ে যেদিক থেকে
সূর্যোদয় হচ্ছে সেইদিকে তাকিয়ে দাঢ়িয়ে আছে, কাঠের পুতুলের মত
নিষ্পন্দ হয়ে !

বৌরেনদা স্বধোলে, “এত সকালে দূৱীণ চোখে দিয়ে কি দেখচ
কং-হিং সায়েব ?”

দূৱীণটা চোখ থেকে নামিয়ে কং-হিং হাসিমুখেই বললে, “মানোয়াৱি
জাহাজ !”

—“মানোয়াৱি জাহাজ ?”

—“হ্যা বীৰুবাবু ! ও জাহাজে গোৱা আছে, কামান আছে।
ওৱা আমাদেৱই ধৰতে আস্বে !”

অষ্টম পর্লিচ্ছদ

তিন-পাহাড়ী দ্বীপ

মানোয়ারি জাহাজ আসছে আমাদের আক্রমণ করতে ?

— কথাটা শুনে স্মৃথি হব, কি হংখিত হব, আমি তা বুঝতে পারলুম না— অবাক হয়ে সমুদ্রের দিকে তাকিয়ে রইলুম, যেখানে হস্ত ক'রে ধোঁয়া ছাড়তে ছাড়তে একখানা জাহাজ ক্রমেই দেখতে-বড় হয়ে উঠছে !

অমিয় খুসিমুখে বললে, “এইবার আমরা মুক্তি পাব।”

আমি বললুম, “আমরা মুক্তি পাব না অমিয় ! আমাদের বিপদ বরং আরো বেড়ে উঠল !”

—“কেন সরলদা, আমাদের আবার বিপদ কিসের ? আমরা তো আর বোঝেটে নই !”

—“কিন্তু আমাদের হাতে যে নীলগোলাপের মার্কা মারা আছে ! আমরা যে বোঝেটে নই, ওরা তা বিশ্বাস করবে কেন ?”

—“আমরা সব কথা খুলে বলব, আমরা—”

বাধা দিয়ে বললুম, “সে আর হয় না অমিয় ! এই বোঝেটেদের সঙ্গে ধরা পড়লে আমাদের আর কিছুতেই বাঁচোয়া নেই !”

অমিয়ের খুসিমুখ আবার ঝান হয়ে পড়ল ! সে বোঝেটের মতন ঘরতে চায় না !

বিজ্ঞা.

এমন সময়ে চাঁঁ চোখ থেকে দূরবীন নামিয়ে চীনে-ভাষায় চেঁচিয়ে
কি-একটা হ্রস্ব দিলে ।

ডেকের উপর কলরব তুলে বোম্বেটেরা চারিদিকে ছুটোছুটি করতে
লাগল । এবং দেখতে দেখতে আমাদের জাহাজের গাঁত বেড়ে উঠল !

কং-হিং আমাদের কাছে এসে দাঁড়াল । মাথায় টিকির কুণ্ডলীর
উপরে হাত বুলোতে বুলোতে বললে, “বীরুবাবু, তোমার মনে বোধ হয়
থুব ভয় হয়েচে ?”

বীরেন্দা বললে, “হ্যাঁ, ভয় হচ্ছে বটে,—তবে প্রাণের ভয় নয়,
অপমানের ভয় !”

—“তা’র মানে ?”

—“আমরা বোম্বেটে না হয়েও বোম্বেটে ব’লে ধরা পড়ব, এটা কি
আমাদের পক্ষে অপমানের কথা নয় কং-হিং ?”

—“আমরা ধরা পড়ব কেন বীরুবাবু ?”

—“আমরা যে ধরা পড়ব না কেন, তা’রও তো কোন কারণ দেখিচ
না । আমাদের পিছু নিয়েচে মানোয়ারি জাহাজ—আমাদের জাহাজের
চেয়ে সে টের বেশী তাড়াতাড়ি এগুতে পারে । স্বতরাং তাকে এড়িয়ে
আমরা পালাতে পারব না । তারপর মানোয়ারি জাহাজে আছে দলে
দলে গোরা, অগ্নিত বন্দুক আর কামান ! স্বতরাং লড়াই ক’রেও তার
সঙ্গে আমরা এঁটে উঠতে পারব না ।”

কং হিং হেসে বললে, “তোমাদের কথা ঠিক বীরুবাবু । মানোয়ারি
জাহাজ আমাদের পক্ষে যষের মতই বটে । কিন্তু তবু আমরা তাকে
কলা দেখিয়ে পালাতে পারব । এদিকে এসে দেখে যাও”—এই ব’লে সে

বিজ্ঞা

বীরেন্দ্রকে হাত ধ'রে টানতে টানতে নিয়ে চলল, আমরা দুজনেও তাদের পিছনে পিছনে অগ্রসর হলুম।

এতক্ষণ আমরা যেখানে দাঢ়িয়েছিলুম, সেখান থেকে জাহাজের অন্ত পাশের সমুদ্রের দৃশ্য কিছুই দেখা যাচ্ছিল না। এখন এপাশে এসে দাঢ়িয়ে দেখি, এ কি অভাবিত ব্যাপার !

আমাদের চোখের সামনে, মাইল-কয়েক দূরে জেগে উঠেছে একটি পরমসুন্দর অরণ্যশামল দ্বীপের ছবি—তার মাথার উপরে আকাশের নীলপটে আঁকা রয়েছে পাশাপাশি তিনটি পাহাড়ের ধূসর চূড়া !

দেখে চোখ যেন জুড়িয়ে গেল—মনে হ'ল এই বিপদসঙ্কল পাথারে সেইই যেন আমাদের একমাত্র মুক্তির নীড় !

কং-হিং হাসতে হাসতে বললে, “এখন বুর্বচ তো বীরুবাবু, কেন আমরা ধরা পড়ব না ? একবার ঐ দ্বীপে গিয়ে উঠতে পারলে আর আমাদের হাতে-পায় কে ?”

আমি বললুম, “কিন্তু কং হিং সায়েব, জাহাজী গোরারাও যে দ্বীপে উঠে আমাদের আক্রমণ করবে না, এতটা ভরসা তুমি করচ কেন ?”

—“কী, দ্বীপে উঠে আমাদের আক্রমণ করবে ? অসম্ভব, অসম্ভব ! ওখানকার এমন সব লুকোবার জায়গা আমরা জানি যে, কেউ আমাদের টিকিটি পর্যন্ত দেখতে পাবে না।...জানো বীরুবাবু, ঐ দ্বীপে আসবার জন্তেই আমরা এই জাহাজ লুট করেচি ?”

বীরেন্দ্র একটু আশ্চর্য হয়ে বললে, “কেন, ঐ দ্বীপে আসবার জন্তে তোমাদের এতটা আগ্রহের কারণ কি ?”

বিজ্ঞা

কং হিঁড়ের ছই চোখ কেমন উজ্জল হয়ে উঠল, সে বললে, ‘কারণ কি ? কারণ—না, না, কোনই কারণ নেই—দেখিগে, ওদিককার ব্যাপারখানা !’—ব’লেই সে দ্রুতপদে প্রস্থান করলে ।

কং হিঁড়ের কথায় কেমন যেন রহস্যের আভাস পাওয়া গেল ! ঐ দ্বীপেই ওরা যেতে চায় ? ঐখানে যাবার জগ্নেই ওরা এই জাহাজ লুট করেছে ? এর একটা গুপ্ত কারণ আছে নিশ্চয়ই, অথচ সে কারণটা যে কি, কং হিং তা আমাদের কাছে প্রকাশ করলে না !

আমাদের জাহাজ উর্ধ্বাসে দ্বীপের দিকে ছুটতে লাগল, দ্বীপের গাছপালা ক্রমেই স্পষ্ট হয়ে উঠল ।

ওধাৱে গিয়ে দেখি, মানোয়ায়াৱি জাহাজখানা আৱো কাছে এসে পড়েছে—হৃপাশে সমুদ্রের জল ফেনিয়ে তুলে ।

ওদিকে চেয়ে দেখলুম, চ্যাং, কং হিং আৱ জনকয়েক চীনেম্যান একখানা কাগজের উপরে ঝুঁকে প’ড়ে ব্যস্তভাবে কি দেখছে আৱ পৱামৰ্শ করছে । কাছে এগিয়ে গিয়ে বুৰাতে পারলুম, কাগজখানা হচ্ছে দ্বীপের ম্যাপ ।

জাহাজেরও চারিদিকেই মহা ছড়োহড়ি প’ড়ে গেছে । পঁচিশ-ত্রিশজন লোক ক্রমাগত চীৎকাৱ আৱ ছুটোছুটি করছে, কেবিন থেকে জিনিষ-পত্র বাইৱে টেনে আনছে, মোটোট বাধছে । এ’সব যে জাহাজ ছেড়ে পালাবাৱ উদ্ঘোগ, তা আৱ বুৰাতে বিলম্ব হ’ল না ।

আচম্ভিতে গুড়ুম ক’ৱে একটা শব্দ হ’ল ! চম্কে চেয়ে দেখি, মানোয়াৱি জাহাজ থেকে কুণ্ডলী পাকিয়ে ধোঁয়া উঠছে এবং একটা অগ্নিময় পিণ্ড আমাদেৱ মাথাৱ উপৱ দিয়ে হ হ ক’ৱে চ’লে যাচ্ছে !

বিজ্ঞা

গোরামা তোপ দাগছে ! তারা বুঝতে পেরেছে যে, আমরা দ্বীপের দিকে পালাচ্ছি ।

দ্বীপ তখন আমাদের কাছ থেকে মাইল-হ'য়েক তফাতে ।

বোঞ্চেটো এদিকে-ওদিকে লুকিয়ে পড়ল, জাহাজের ডেকের উপরে দাঢ়িয়ে রইলুম খালি আমরা তিনি বন্ধু, আর রইল চ্যাং, কং হিং আর তিনজন চীনেম্যান ।

আবার গুড়ুম ক'রে আওয়াজ, কিন্তু এবারের গোলাটা ও লক্ষ্যচুক্ত হয়ে আমাদের জাহাজের পাশ ঘেঁসে চলে গেল ।

বীরেন্দা বললে, “গতিক বড় সুবিধের নয় ! চল, এইবেলা কেবিনে গিয়ে জিনিষ-পত্ররগুলো বেঁধে-ছেঁদে নি । বিপদ দেখলে আবার সমুদ্রে ঝঁপ দিতে হবে ।”

কেবিনের ভিতরে যখন ঢুকছি, তখন মানোয়ারি জাহাজ থেকে একসঙ্গে ছুটে কামান গর্জে উঠল ! তারপরেই আমাদের জাহাজখানা কেপে উঠল এবং শব্দ শুনেই বুঝলুম, এবারের গোলা আর লক্ষ্যচুক্ত হয় নি !

তারপর ভিতর থেকে ক্রমাগত কামানের আওয়াজ, আমাদের জাহাজ ভাঙ্গার শব্দ, মাছুবের চেঁচামেচি আর কাঁচানি শুনেই বোরা বেতে লাগল, মরণের আলিঙ্গন আমাদের চার পাশ ধিরে এগিয়ে আসছে !

মোটমাট নিয়ে উপরে এসে দেখলুম, ভৌষণ দৃশ্য ! আমাদের জাহাজ আর চলছে না, গোলার চোটে তার ধেঁয়া ছাড়বার প্রকাণ্ড চোঙাছটো উড়ে গেছে, তার ইঞ্জিন বন্ধ, তার সর্বাঙ্গ ভগ্নচূর্ণ এবং ডেকের উপরে

রঙ্গের টেউ বইয়ে কয়েকটা মানুষের মৃতদেহ নিশ্চিষ্ট হয়ে আছে—
কোথাও জ্যান্ত মানুষের চিহ্ন নেই !

মানোয়ারি জাহাজের তোপ তখনো ধোঁয়া আৱ আগুন উৎপাদ
কৰছে !

জাহাজের ওপাশে ছুটে গেলুম—কেউ কোথাও নেই !

হঠাৎ অমিৱ সমুদ্রের দিকে আঙুল তুলে বললে, “দেখ, দেখ !”

সমুদ্রের বুকে দুখানা বড় বড় বোট ভাসছে—তাৱ ভিতৱ্বে ঠেসাঠেসি
ক'ৰে ব'সে আছে অনেকগুলো লোক ! বোট দুখানা ছুটেছে দ্বীপেৱ
দিকেই !

বীৱেনদা বললে, “বোষ্টেৱা পালাচ্ছে !”

আমি বললুম, “কিন্তু আমাদেৱ উপায় কি ? আসল বোষ্টেৱা
তো পালালো, শেষটা ধৱা প'ড়ে ফাঁসীকাৰ্ছে চড়ব আমৱাই নাকি ?”—
আমাৱ কথা শেষ হতে-না-হ'তেই মানোয়ারি জাহাজেৱ একটা গোলা
আমাদেৱ জাহাজ ডিঙিয়ে পড়ল গিয়ে বোষ্টেৱেৱ একখানা বোটেৱ
উপৱে !

বোটখানা তখনি ভেংে দুখানা হয়ে গেল—মানুষগুলোও কে
কোথায় ছিটকে পড়ল, কিছুই বুঝতে পাৱলুম না—কেবল শুনতে পেলুম,
একটা মৰ্মভেদী হাহাকাৱেৱ একতান হা হা ক'ৰে ধৰনিত ও
প্ৰতিধৰনিত হ'য়ে সেই সৌমাহাৰা সাগৱেৱ মাৰখানে কোথায় হারিয়ে
গেল—অসহায়েৱ মত !—তেমন ভয়ানক কান্না আমি আৱ কথনো
শুনিনি, আমাৱ সমস্ত দেহ রোমাঞ্চিত হয়ে উঠল !...হয়তো ও-নৌকোৱ
জনপ্ৰাণীও আৱ বৈচে নেই !

বিজ্ঞা

অগ্র বোটের বোম্বেটেরা প্রাণপণে দাঢ় টানতে লাগল।

অমিয় বললে, “যেমন কর্ম তেমনি ফল ! চ্যাঙ্গের গোফ আর কং
হিঙের টিকি কোন্ বোটে উঠচে, তাই ভাবচি।”

ইতিমধ্যে বীরেন্দা কোথা থেকে তিনটে জীবন-রক্ষক ‘জামা’ সংগ্রহ
ক’রে আনলে ! এই জামা পরলে মানুষ জলে ডোবে না।

তাড়াতাড়ি পরামর্শ ক’রে আমরা তিনটে পিপে এনে তার ভিতরে
আমাদের দরকারি জিনিষ-পত্তর পূরে, পিপেগুলোর মুখ এমন ভাবে বন্ধ
ক’রে দিলুম, যাতে ভিতরে জল চুকবার পথ না থাকে। তারপর পিপে
তিনটিকে দড়ি দিয়ে বেধে ফেললুম। স্থির হ’ল, এই পিপেগুলোকে
সমুদ্রে ফেলে আমরা ও জলে ঝাঁপ দেব। তারপর ভাসতে ভাসতে দড়ি
ধ’রে পিপেগুলোকে টান্তে টান্তে দ্বীপে গিয়ে উঠব।

দ্বীপ এখন মাইল-খানেক তফাতে রয়েছে। তার তিন পাহাড়ের
তলায় এমন নিবিড় অরণ্য স্থির হয়ে আছে যে, ভিতরের আর কোন দশ
দেখবার উপায় নেই।

বীরেন্দা গন্তব্য ভাবে বললে, “কেন জানিনা, আমার মনে হচ্ছে
যেন এই রহস্যময় অজানা দ্বীপের ভিতরে হাজার হাজার বিপদ আমাদের
জন্যে অপেক্ষা ক’রে আছে ! চ্যাঙ্গের দল এই দ্বীপে যাবার জন্যেই এই
জাহাজখানা দখল করেছিল। তুনিয়ায় এত জায়গা থাকতে শুধুমাত্র
যাবার জন্যে তাদের যখন এমন আগ্রহ, তখন ভিতরে নিশ্চয় কিছু
রহস্য আছে। কিন্তু তাদের গুপ্তকথা তো জানা গেল না !”

অমিয় বললে, “বীরেন্দা ! সরলদা ! আমাদের জাহাজ বোধ হয়
ডুবে যাচ্ছে !”

বিজয়া

সত্যিই তাই ! জাহাজখানা ক্রমেই কাঁ হয়ে পড়ছে এবং তার
লম্বালম্বি একটা দিক জলের ভিতরে অনেকখানি নেমে গিয়েছে :

ওদিকে মানোয়ারি জাহাজখানা জল কাট্টে কাট্টে খুব কাছে
এসে পড়েছে। তার ডেকের উপরে দলে দলে গোরা দাঢ়িয়ে রয়েছে,
তাও দেখতে পেলুম।

আর দেরি না ! আমরা পিপে তিনটিকে দড়ীতে ঝুলিয়ে জলে
নামিয়ে দিলুম এবং নিজেরাও নেমে আবার সেই সমুদ্রকেই আশ্রয়
করলুম।

ভরসা স্মৃধু এই, এবারে আর অকূল পাথারে ভাসছি না—কূল রয়েছে
আমাদের চোখের সামনেই জেগে স্বপ্নমায়ার মতন। .

কিন্তু পিছনে *রয়েছে জাহাজী গোরাদের সতর্ক দৃষ্টি ! তাদের
বন্দুকের গুলি এড়িয়ে তৌরে গিয়ে উঠতে পারব কি ?

সে-সময়ে আমাদের মনে যে ভাব লৌলায়িত হচ্ছিল, কবিতার
আকারে, তা এই ভাবে বলা যায় :—

ডাক্চে মরণ, ডাক্চে কামান,

ডাক্চে সাগর পাগল-পারা !

ছুট্চে গোলা, ছুট্চে সাগর,

ছুট্চে দেহের রক্তধারা !

বাংলাদেশের শাম্ভল ! ছেলে

চল্চে আকাশ-বাতাস ঠেলে,

অবাক হয়ে দেখচে চেয়ে

সুর্য এবং চন্দ্র-তারা—

বিজ্ঞা


ডাকচে মরণ, ডাকচে কামান,
ডাকচে সাগর পাগল-পারা ।

বাংলাদেশের শাম্ভু ছেলে
মরণ-খেলায় হয়না সারা,
মৃত্যু তাদের বক্ষে নাচে,
চক্ষে তাদের অঞ্চি-বারা .
মরিই যদি মর্ব জেগে,
বাজের মতন ভৌষণ বেগে !
শিশুর মতন মরচে তারা
ফুল-বিছানায় ঘুমোয় ধারা—
ডাকচে মরণ, ডাকচে কামান,
ডাকচে সাগর পাগল-পারা

আমরা যে চাই বৃহৎ মরণ !
—তা ছাড়া আর নেইকে। চারা,
কেচোর মতন কে হবে রে,
জুতোর চাপে জীবনহারা !
টবের গোলাপ হয়ে মোরা,
রহব না রে ঘরে পোরা,

বিজ্ঞা

ছেঁটি বাড়ে মৰূৰ না তো
জড়িয়ে ধ'রে মাটিৱ কাৱা—
ডাকচে মৱণ, ডাকচে কামান,
ডাকচে সাগৱ পাগল-পাৱা।



নবম পরিচ্ছন্দ

অমানুষী দৃষ্টি

দৌপের দিকে ভাস্তে ভাস্তে চলেছি ।

গায়ে জীবনরক্ষক সেই জামা ছিল, কাজেই জলের উপরে ভেসে
থাকবার জন্মে আমাদের কোনরকম কষ্টই স্বীকার করতে হ'ল না ।
প্রত্যেকেই এক-একটা পিপে পিছনে টানতে টানতে খুব সহজেই জল
কেটে দৌপের দিকে এগিয়ে চললুম !

বোধেটেদের নোকোখানা দৌপের খুব কাছেই গিয়ে পড়েছে ।
মানোয়ারি জাহাজের গোলা এখনো তাদের পিছু ছাড়েনি বটে, কিন্তু এ-
যাত্রা আর তাদের ধরতে পারবে না বোধ হয় ।

মানোয়ারি জাহাজের দিকে চেয়ে দেখলুম, তার উপর থেকেও এক-
খানা বোট নামানো হচ্ছে । তাহ'লে গোরারাও সহজে ছাড়বে না
দেখছি—তারাও বোধ হয় দৌপে আসবার বন্দোবস্ত করছে !

আমি বললুম, “আরো শীগ গির—আরো শীগ গির স'ৎৰে চল, নইলে
আমরাই আগে ধরা পড়ব !”

বীরেন্দা বললে, “ওঁ, এই নৌলগোলাপের ছাপ ! এর জন্মেই তো
এত ভয় ! নইলে কি এমন ভীরুর মতন আমরা পালাতুম ?”

অমিয় বললে, “হ্যা বীরেন্দা, এমন ক'রে পালাতে আমার মাথা
যেন কাটা বাচ্ছে !”

আমি বললুম, “কিন্তু লজ্জা কিসের অধিয় ? আমরা তো আজ
প্রাণের ভয়ে পালাচ্ছি না, আমরা পালাচ্ছি মানের দায়ে !”

অধিয় বললে, “আচ্ছা, গোরারা যদি আগে আমাদেরই ধরতে
আসে ?”

আমি বললুম, “আমরা ধরা দেব না। আমরা লড়াই করব—”

বৌরেন্দা বললে, “হ্যা, পৃথিবী থেকে অস্তত গোটাকয় কটা-চামড়ার
মাহুষ কমিয়ে তবে আমরা মরব, আমাদের এই কালো-চামড়ার মর্যাদা
আমরা নষ্ট করব না—কিছুতেই না !”

আমি বললুম, “কিন্তু বৌরেন্দা, ওরা যদি আমাদের বন্দী করে,—
ওরা যদি আমাদের মরতে না দেয় ?”

বৌরেন্দা অট্টহাস্ত ক'রে ব'লে উঠল, “মরতে দেবে না ? যে মরতে
চায়, তাকে মরতে দেবে না ? যে বাঁচতে চায়, মৃত্যু তাকে জোর ক'রে
টেনে নিয়ে যায়—”

বাধা দিয়ে আমি বললুম, “কিন্তু যে মরতে চায় মৃত্যু তাকে সহজে
গ্রহণ করে না, এইটেই তো আমি নিত্য দেখতে পাই !”

—“মৃত্যু তো কাপুরুষকে গ্রহণ করে না সরল ! তুনিয়ার সব আশা
হারিয়ে, জীবনের দুঃখ এড়াবার জগ্নে মরণকে ঘারা চায়, মৃত্যু যে তাদের
যুগ্ম করে !……ঐ দেখ, মৃত্যু আমাদের দিকে ছুটে আসচে !”

অনেকগুলো বন্দুকের শব্দ—সঙ্গে সঙ্গে আমাদের চারপাশ দিয়ে সে।
সেঁ। ক'রে হাওয়া কেটে অনেকগুলো গুলি চ'লে গেল ! গোরারা
আমাদেরও দেখতে পেয়েছে !

অধিয় চৌৎকার ক'রে গেছে

১৩/১৩/১, ১৯৭১

বিজ্ঞা

“মৰ্ব, মৰ্ব, মৰ্ব মোৱা,
মৰতে মোৱা ভালোবাসি !
মৱণ-খেলা খেলতে শুখে
আমৱা যে ভাই ধৱায় আসি !
আয় রে ছুটে মাটিৰ ছেলে,
কাপুৰুষেৰ ভাবনা ফেলে,
জীৱন তোদেৱ পোকাৱ জীৱন—
কান-ভৱা তোদেৱ হাসি—
মৱণ নিয়ে তাই তো খেলি,
মৰতে মোৱা ভালোবাসি !”

বৌৰেনদা বললে, “কিন্তু এ ভাবে মৱা তো হবে না ভাই ! পিপে-গুলোকে ঢালেৱ মতন রেখে পিপেৱ আড়ালে আড়ালে চল ! পশুপক্ষীৱ মতন দূৰে থেকে, শিকাৱীৱ গুলিতে প্ৰাণ দিতে আমৱা বাজি নই ! ওৱাও আমাদেৱ কাছে আসুক—আমৱা মাঝুষ, আমৱা মৱব বটে, কিন্তু মেৰে মৱব—চাৰিদিকে মৱণকে হৃহাতে ছড়িয়ে দিয়ে মৱব—ওদেৱ জানিয়ে দিয়ে মৱব যে, আমৱা মাঝুষ !”

সমুদ্রেৱ মহা-গৰ্জনেৱ সঙ্গে আবাৱ অনেকগুলো বন্দুক গৰ্জন ক'ৱে উঠল !

অমিয় আবাৱ গাইলে—

“জীৱন-মৱণ একসাথে আজ
নৃত্য-লীলায় মন্ত থাকে,

জীবন চাহে মরণকে ঐ,
 মরণ চাহে জীবনটাকে !
 মরণ বলে—“জীবন রে ভাই,
 বল তো আজ কোন্ সুরে গাই ?”
 জীবন বলে—“মরণ, এস,
 তোমার সুরেই বাজাই বাঁশি !”
 বুকের ভিতর জীবন নিয়ে
 মরতে মোরা ভালোবাসি !”

ফিরে দেখলুম, আমাদের জাহাজখানা একেবারে জলের তলায় ডুব
মারলে—সমুদ্রের উপরে চক্রাকারে প্রকাণ্ড একটা বুদ্ধুদ তুলে।

এবং ওদিক থেকে একখানা বোট তীরবেগে এগিয়ে আসছে, তার
ভিতরে সব মানোয়ারি গোরা !

বীরেন্দা বললে, “ঐ ওরা আসচে ! তোমরা প্রস্তুত হও—মারতে
আর মরতে !”

আমি বললুম, “আমি প্রস্তুত !”

অমিয় কিছু বললে না, হাসতে হাসতে আবার গান ধরলে—

“জীবন নিয়ে জীবন দেব,
 অমনি মোরা দেবনা গো !

জাগো মরণ, জীবন-হরণ !

মরণ-হরণ জীবন জাগো !

আজকে দেহের বন্ধ মাঝে

ভীষণ-মধুর ছন্দ বাজে,

বিজ্ঞাৰ্ত্তা

কুণ্ড মনে কুণ্ড নাচে—
মৃত্যু নিল' শক্তা গ্রাসি !
এই জীবনের বাসন-ঘরে
মৱ্রতে মোৱা ভালোবাসি !”

আবাৰ একৰ্ষণক গুলি এসে আমাদেৱ মাথাৱ উপৱ দিয়ে চ'লে গেল। মৱণ যেন আজ আমাদেৱ জেগে-ওঠা জীবনকে দংশন কৱতে রাজি নয়,—যেন আমাদেৱ জীবনেৱ সঙ্গে সত্যসত্যই মৱণ আজ সক্ষি স্থাপন কৱেছে!

তাৱপৱ আৱও এক অভাৱিত ব্যাপার! গোৱাৰ দল বোট নিয়ে আমাদেৱ পেৱিয়ে চ'লে গেল—ৰোষ্টেটেৱ নৌকো যেদিকে গিয়েছে সেই দিকে! মাত্ৰ আমাদেৱ এই তিনজনকে ধৱতে এসে ওৱা বোধ হয় নৌকা-বোৰাই বোষ্টেটেৱ দলকে পালাবাৱ সহ্যোগ দিতে রাজি নয়! ,

বৌৱেনদা সহাত্তে বললে, “ঘাক, এ-ঘাৰ্তাৰ্তাৰ মাৱবাৱ আৱ মৱবাৱ আনন্দ থেকে বঞ্চিত হওয়া গেলে !”

আমি বললুম, “সেজত্তে খুসি হ'ব কিনা বুৰতে পাৱচি না। এই তো দ্বীপ আমাদেৱ সামনে। এখন এৱ ভিতৱে আবাৰ যে কি নাটকেৱ অভিনয় সুৰু হ'বে, কোনখানে যে তাৱ যবনিকা পড়বে, কিছুই তো আন্দাজ কৱতে পাৱচি না !”

খানিক পৱেই দ্বীপে এসে উঠলুম—আবাৱ পৃথিবীৱ মাটিৱ উপৱে পা দিলুম—মনে হ'ল, বিদেশ থেকে আবাৱ যেন মায়েৱ কোলে এসে উঠলুম!

বিজ্ঞা

সমুদ্রতটের বালির বিছানার পরেই কী ভৌগণ অরণ্য ! লতায়-পাতায় জড়ানো বড় বড় নানাজাতির গাছ পাশাপাশি ষ্ট্যাসার্সে সি ক'রে দাঢ়িয়ে সাগরগর্জনের সঙ্গে মর্মর-গর্জন মিশিয়ে দিচ্ছে ! তাদের পায়ের তলাতেও এমন নিবিড় জঙ্গল যে, পথ খুঁজে পাওয়া তো দূরের কথা, দুহাত পরে কি আছে তাও দেখবার কি বোঝবার উপায় নেই ! বন-জঙ্গল যে এমন দুর্গম হ'তে পারে আগে তা জানতুম না ! এ অরণ্য যেন নিষ্ঠার প্রেহরীর মতন পথ জুড়ে দাঢ়িয়ে আছে, বাইরের জনপ্রাণীকেও ভিতরে প্রবেশ করতে দেবে না !

অমিয় হতাশ ভাবে বললে, “এ যে আর এক বিপদ ! এ-জঙ্গলের ভিতরে চুকলে কি আর বেরতে পারব ?”

বৌরেন্দা বললে, “চুকতে পারলে বেরতেও পারব ! কিন্তু কথা হচ্ছে, চুকি কেমন ক'রে ? বোধ হয় আমাদের পথ কেটেই চুকতে হবে। সরল, পিপের মুখ খুলে তিনখানা কুড়ুল বার কর তো !”

কিন্তু বৌরেন্দার কথা আমি শুনেও শুনলুম না,—আমার চোখছটো তখন জঙ্গলের দিকে তাকিয়ে স্তন্ত্রিত হয়ে আছে—আমার গায়ের রোম-গুলো তখন থাড়া হয়ে দাঢ়িয়ে উঠেছে !

জঙ্গলের ঘন লতা-পাতার আড়ালে লুকিয়ে ছ-ছটো অস্তুত চক্ষু জল-জলে দৃষ্টিতে আমাদের গতিবিধি লক্ষ্য করছে। সে চক্ষু কোন পশুর চক্ষু নয়, কিন্তু মানুষের দৃষ্টিও তার মধ্যে নেই ! একটা জলন্ত হিংসার ভাব, একটা ভুতুড়ে ক্ষুধার আগ্রহ যেন তাদের ভিতর থেকে ফুটে-ফুটে উঠেছে !

বিজ্ঞা

বীরেন্দা বললে, “সরল, ও সরল ! ওনতে পাঁচ ? অমন ক’রে
ওদিকে তাকিয়ে আছ কেন ?”

আমি কাঠের পুতুলের মতন আঙুল. তুলে জঙ্গলের সেইখানটা
দেখিয়ে দিলুম।

বীরেন্দা ও দেইদিকে চোখ ফিরিয়ে চমকে উঠল—অঘূট স্বরে
বললে, “আশ্র্য ! আশ্র্য !”

অমিয়ও দেখলে—সবিশয়ে বললে, “কি ওটা ! জন্ত, না ভূত ?”

বীরেন্দা তৌরের মত সেইদিকপানে ছুটে গেল—নিজের বিপদের
কথা একবারও ভেবে দেখলে না।

দশম পরিচ্ছন্দ

মৃত্যু-গহ্বর ও অস্থির হাত

আমি পিছু ডাকলুম, “বীরেন্দা, বীরেন্দা ! যেওনা—ওদিকে
যেওনা !”

কিন্তু বীরেন্দা থামলেও না—ফিরেও তাকালে না, অকুতোভয়ে সেই
হিংস্র ও প্রদীপ্ত চক্ষু-ছটোর দিকে অগ্রসর হ’ল ।

চোখছটো আরো-জলন্ত আরো-বিশ্ফারিত হয়ে উঠল—ক্ষণিকের
জন্যে । তারপর বিদ্যুতের মতন সাঁৎ ক’রে আড়ালে স’রে গেল ।

ধৌরেন্দা ও থম্কে দাঁড়িয়ে পড়ল ।.....শুনতে পেলুম, জঙ্গলের ভিতর
দিয়ে মড়-মড় ক’রে শুকনো পাতা মাড়িয়ে কে চ’লে যাচ্ছে—ক্রতপদে,
দূর হ’তে আরো দূরে !

অমিয় আবার বললে, “কি ওটা ? জন্তু, না ভূত, না মানুষ ?”

যে-বোঁপে চোখছটো আবিভু’ত হয়েছিল তার উপরে বার-কয়েক
লাখি মেরে বীরেন্দা বললে, “কিছুই বোঝা গেল না ! কিন্তু,—আরে
এ কি ? অমিয় ! সরল ! পথ পাওয়া গেছে—পথ পাওয়া গেছে !”

এগিয়ে গিয়ে দেখলুম, সেই বোঁপটার পাশ দিয়েই খুব সরু একটা
পথ জঙ্গল ভেদ ক’রে ভিতর-দিকে চ’লে গিয়েছে ।

বীরেন্দা বললে, “এতক্ষণ লুকিয়ে লুকিয়ে যে আমাদের দেখছিল,
এই পথ দিয়েই সে এসেছে, আর এই পথ দিয়েই সে পালিয়েছে !”

বিজ্ঞা

আমি বললুম, “হয়তো সে পালায় নি। খানিক তফাতে গিয়ে আমাদের অপেক্ষায় ঘাপ্টি মেরে ব’সে আছে।”

বীরেন্দা বললে, “তার কথা পরে ভাবা বাবে তখন। আগাততঃ এই পথের মুখে দাঁড়িয়ে আমি পাহারা দিচ্ছি। ততক্ষণে তোমরা দুজনে মিলে এক কাজ কর। ঐ পিপে-তিনটের ভিতর থেকে কতকগুলো নেহাঁ-দরকারি জিনিষ বার ক’রে নিয়ে, ওগুলোকে বালির ভিতরে পুঁতে রেখে এস। শাগ্‌গির যাও—দেরি কোরো না।”

আমরা তাইই করলুম। আগে পিপেগুলোর মুখ খুলে আমাদের দরকার হ’তে পারে এমন কতকগুলো জিনিষ বার ক’রে নিয়ে পোট্টলা বাধলুম। তারপর সমুদ্র-তটের বালি সরিয়ে পিপে-তিনটিকে একে একে পুঁতে ফেললুম। পাছে জায়গাটা আবার গুজে না পাই, সেই ভয়ে সেখানটায় নিশানা রাখতেও ভুললুম না।

বীরেন্দা বললে, “বোধ হয় তোমাদের কেউ দেখতে পায়নি। একটা বন্দুক আর একটা কুড়ুল আমাকে দাও। এখন এস, আমরা জঙ্গলের ভিতরে ঢুকি। কিন্তু খুব সাবধানে পথে চলতে হ’বে—এ অজানা জঙ্গল, বিপদের সম্ভাবনা চারিদিকেই।”

আগে বীরেন্দা, তারপর আমি, তারপর অমিয়—এই ভাবে আমরা অগ্রসর হলুম। ভারি সরু পথ—একসঙ্গে দুজনে পাশাপাশি এগুন্নো যায় না। বাঁদিকে ঘন জঙ্গল, ডানদিকে ঘন জঙ্গল, মাথাৱ উপরে অগুন্তি—গাছেঁৰ পাতা-ভৱা ডালপালাৰ চাঁদোয়া আকাশ চেকে আছে আৱ পায়েৱ তলায় খালি শুকনো পাতাৱ মড়মড়ানি। চারহাত সামনেও নজু চলেনা—চারহাত পিছনেও নজু চলেনা।

বিজয়া

বন ক্রমে আরো নিবিড় হয়ে উঠল—এত নিবিড় যে সেই দিন-
হপুরেই মনে হ'তে লাগ্ল, আমরা যেন রাতের উথক্লে-ওঠা ঝাঁধার-
সারারের ভিতর দিয়ে কোন্ অপারে দিঘিদিক হারিয়ে সাঁৎরে
চলেছি।

বীরেন্দা বললে, “ইলেকট্রিক-টর্চটা আমার হাতে দাও তো, আমি
যে কিছুই দেখতে পাচ্ছি না !”

সেই অতি-নিজেন ও অতি-নিষ্ঠক অরণ্য বীরেন্দার গলার আওয়াজ
শুনে যেন শিউরে শিউরে উঠল,—এ বন যেন মানুষের গলা কথনে
শোনেনি, মানুষের ছায়া কোনদিন গায়ে মাথেনি—নিজের নিসাতত্ত্ব
ও নিজের অঙ্ককারে এ যেন নিজেই স্তম্ভিত হয়ে আছে।

আমি আশ্চর্য হয়ে বললুম, “কিন্তু বীরেন্দা, এমন গহন বনের
ভিতরে এমন পথ বানালে কে ? এ পথ তো আপনি তৈরি হয় নি !”

বীরেন্দা কেবল বললে, “হ্যা, এ পথ মানুষেরই হাতে তৈরি
বটে।”

আবার সবাই চুপ ! বীরেন্দার হাতের বৈদ্যুতিক মশালের
আলোটা থেকে থেকে পথহারা পাথীর মতন সেই অরণ্য-কারাগারের
চারিদিকে ছুটোছুটি করছে, তাই দেখতে দেখতে আমরা এগিয়ে
চল্লুম।

মাঝে মাঝে বীরেন্দা থম্কে ঢাক্কিয়ে পড়ে, আর কাণ পেতে কি
শোনে, তারপর আবার চলতে থাকে। আমাদের সকলেরই মনে হ'তে
লাগল, আমাদের আগে আগে পথের শুকনো পাতার উপরে আর কার
পায়ের শব্দ হচ্ছে ! ও কে যাচ্ছে আমাদের আগে আগে ?—সেই ধার

বিজলী

জলস্ত চোখ ?.....নানা দিকে বার বার বিজলী-মশালের আলো ফেলেও
কারুকে আবিষ্কার করা গেল না। কিন্তু সেই অজানা পায়ের শব্দ
আমাদের আগে আগে সমানই এগিয়ে চলল—আমরা তাড়াতাড়ি এগুতে
গেলেই সে-শব্দও তাড়াতাড়ি এগিয়ে যায় !

বন যে অঙ্ককার, এখন সেটা সৌভাগ্যের কথাই ব'লে মনে হ'তে
লাগল। কারণ এর গর্ভের ভিতরে হয়তো এমন আরো অনেক
বিভৌষিকা লুকানো আছে, যা দেখলে আমাদের আবার মানে মানে
সমুদ্রের ধারে ফিরে যেতে হ'ত। একবার এক জায়গার বিজলী-
মশালের আলো পড়তেই দেখতে পেলুম, প্রকাণ্ড একটা অজগর সাপ
হ'ই চক্ষে অগ্নিবৃষ্টি ক'রে আস্তে আস্তে গাছপালার ভিতরে ঢুকে যাচ্ছে।
আর এক জায়গায় বাঘের মতন কি-একটা জানোয়ার জঙ্গলের ফাঁক
দিয়ে উকি মেরেই আবার অদৃশ্য হয়ে গেল ! প্রতি পদেই মনে হ'তে
লাগল, এই নিরেট অঙ্ককারের রাজ্য, চারিদিকে অদৃশ্য সব বিপদ
লোলুপ চোখে আমাদের পানে তাকিয়ে আছে, একবার কেউ একটু
অগ্রমনক্ষ হ'লেই তারা সবাই মিলে হড়্যুড় ক'রে আমাদের ঘাড়ের
উপরে লাফিয়ে পড়বে !

হঠাৎ আমাদের সামনে অঙ্ককারের ভিতরে কি-রকম একটা শব্দ
হ'ল—কার হাত থেকে কি যেন প'ড়ে গেল ! ছ-পা এগুতেই পায়ে
কি ঢেক্কল, তুলে দেখি, বিজলী-মশাল—যা বীরেন্দ্রার হাতে ছিল !

কল টিপে আলো জ্বলে যা দেখলুম, প্রাণ যেন উড়ে গেল ! ঠিক
ছ-পা পরেই মাঠের মতন প্রকাণ্ড একটা গহবর হাঁ ক'রে আছে ! আর
আমার সামনে বীরেন্দ্রা নেই !

খুব নীচে থেকে—যেন পাতালের বুক ভেদ ক'রে বীরেন্দ্রার গলার
আওয়াজ পেলুম—“সরল ! অমিয় ! দড়ী ঝুলিয়ে দাও—দড়ী ঝুলিয়ে
দাও—শীগ্ৰিৱ !”

সঙ্গে সঙ্গে কোথেকে একটা কাণ-ফাটানো প্রাণ-দমানো অটুহাসি
জেগে উঠল—হাহাঃ, হাহাঃ, হা হা হা হা—

সে হাসি মাঝুৰের, না প্রেতের ?

কিন্তু আমাদের তখন এমন অবসরও ছিল না যে, সে হাসি শুনে
ভয় পাই ! তাড়াতাড়ি আমি পথের উপরে লম্বা হয়ে শুয়ে পড়লুম,
তারপর গহৰের ভিতরে মুখ বাড়িয়ে আলো ফেলে দেখলুম—প্রায়
পনেরো-বিশ হাত নীচে কালো জল ধৈ-ধৈ কৱছে ! জলের চারিধারেই
পাথুরে পাড় খাড়া ভাবে উপরে উঠেছে। কাজেই এর ভিতরে একবাৰ
পড়লে সাঁতাৱ জানলেও বাঁচোয়া নেই। এই পনেরো-বিশ হাত
দেওয়াল বয়ে মাঝুৰের পক্ষে উপরে উঠা অসম্ভব ।

এদিকে-ওদিকে বার-কয়েক বিজলী-মশালের আলো ফেলে
বীরেন্দ্রাকে আবিষ্কাৱ কৱলুম। সে পাড়েৱ ঠিক তলাতেই সাঁতাৱ
দিতে দিতে উপরে উঠবাৱ জগ্নে নিষ্ফল চেষ্টা কৱছিল ।

বীরেন্দ্রা আবাৱ চেঁচিয়ে বললে, “শীগ্ৰিৱ দড়ী ফেলে দাও—জলেৱ
ভেতৰে কুমীৱ আছে !”

কুমীৱ ! বিজলী-মশালটা তাড়াতাড়ি অমিয়েৱ হাতে দিয়ে, থলে
থেকে দড়ী বাৱ ক'ৱে জলেৱ ভিতৰে ফেলে দিলুম। বীরেন্দ্রা সেই
মুহূৰ্তেই হাত বাড়িয়ে দড়ীটা ধৱলে এবং পৱ-মুহূৰ্তেই একটা প্ৰকাণ
কুৎসিত মাথা বীরেন্দ্রার পিছনে জলেৱ উপৰে জেগে উঠল ।

বিজ্ঞা

অমিয় চীৎকার ক'রে বললে, “বীরেন্দা ! তোমার পিছনে কুমীর !”

কিন্তু অমিয়ের কথা শেষ হবার আগেই জোরালো হাতের এক ঝঁকানি দিয়ে বীরেন্দা দড়ী ধ'রে জল ছেড়ে খানিকটা উপরে উঠে পড়ল। কুমীরটা ফলার মুখছাড়া হয় দেখে তার লস্বা-চওড়া ল্যাজ দিয়ে বীরেন্দাকে লক্ষ্য ক'রে প্রচণ্ড এক ঝাপটা মারলে। সে ভীষণ ল্যাজ যদি বীরেন্দার গায়ে লাগত, তাহ'লে তার হাড়গোড় নিশ্চয়ই গুঁড়ে হয়ে যেত—কিন্তু বীরেন্দা আবার এমন এক ঝঁকানি দিয়ে কুমীরের নাগালের বাইরে চ'লে এল যে, সেই বিষম টানের চোটে আমিও আর একটু হ'লেই জলের ভিতরে ছ্মড়ি থেয়ে প'ড়ে যাচ্ছিলুম।

ওদিকে সেই ভয়ানক অট্টহাস্তের বিরাম নেই ! সে হাসির উচ্ছ্বাসের পর উচ্ছ্বাসে চারিদিককার রক্তুহীন অঙ্ককার যেন ছিন্নভিন্ন হয়ে ঝ'রে ঝ'রে পড়তে লাগল !—অমিয় নানাদিকে বারবার আলো ফেলেও বার করতে পারলে না যে, কোথা থেকে কে অমন ক'রে ঐ ভুতুড়ে হাসি হাসছে !……তারপর, বীরেন্দা যখন নিরাপদে দড়ী বয়ে আবার ডাঙ্গার উপরে এসে উঠল, সেই হাসি তখন হঠাত থেমে গেল। চারিদিক আবার শুরু !

উপরে উঠেই বীরেন্দার সব-প্রথম কথা হ'ল—“টচ্চটা তো পেয়েচ দেখচি। কিন্তু পড়বার সময়ে আমি আমার বন্দুকটাও হারিয়েচি। দেখ তো, বন্দুকটা ওপরেই আছে, না জলে প'ড়ে গেছে ?”

সৌভাগ্যক্রমে বন্দুকটাও উপরেই খুঁজে পাওয়া গেল। বীরেন্দা খুসি হয়ে বললে, “যে-জায়গায় এসেচি, এখানে বন্দুকই হচ্ছে আমাদের প্রাণের মত। বন্দুক হারালে প্রাণও হয়তো হারাতে হবে।……অমিয়,

বিজ্ঞা

মশালটা আমার হাতে দাও। এখন আবার পথ খুঁজে বার করতে হবে।”

পথ সহজেই খুঁজে পাওয়া গেল। গহৰের সামনে এসেই পথটা বাঁ-দিকে বেঁকে পাড়ের উপর দিয়ে চ'লে গেছে। অঙ্ককারে তা দেখতে না পেয়েই বীরেন্দা গহৰের ভিতরে প'ড়ে গিয়েছিল।

আমরা আবার অগ্রসর হলুম—এবারে আরো সাবধানে। কারণ, একে তো এই সরু পথ,—তার উপরে বাঁ-দিকে ঘন জঙ্গল আর ডানদিকে সেই মৃত্যু-গহৰ, একবার পা পিছলোলে কি হঁচট খেলে আর রক্ষা নেই।

প্রায় মাইল-খানেক হাঁটবার পর গহৰ শেষ হ'ল, কিন্তু তখনো সেই ঘূটঘুটে অঙ্ককার আর আঁকাবাঁকা পথের শেষ পেলুম না। ছইধারে ঘন-বিগ্ন্য অরণ্য নিয়ে পথ আবার কোন্ অজানার দিকে চ'লে গেছে!

আরো ঘণ্টাখানেক পরে হঠাৎ সেই বিষম পথ শেষ হ'ল—আমরা আবার খোলা আকাশের তলায় এসে দাঢ়ালুম—উজ্জল আলোকের আবাতে আমাদের অঙ্ককার-মাখানো চোখগুলো যেন কাণ হয়ে গেল!

চোখ যখন পরিষ্কার হ'ল, দেখলুম সে এক অপূর্ব দৃশ্য !

মন্ত এক মাঠ—তার বুকে ছোট ছোট চারাগাছ আর ধাসের মধুর শামলিমা আর রকম-বেরকম বনফুলের রামধনু-রঙের লীলা ! মাঠের পরেই একাও এক পাহাড় আকাশকে ধরবার জন্তে যেন উপরে—আরো উপরে উঠে গেছে। তার কোলে লাখো-লাখো গাছ সমুদ্র-মান থেকে ফিরে-আসা হাওয়ার ঠাণ্ডা ছোয়া পেয়ে পরমোল্লাসে ছলে ছলে নেচে উঠছে ! পাহাড়ের মাঝখান থেকে একটি ঝরণা গলানো রাপোর

विजेता

ধারার ঘতন পাথরে পাথরে লাফাতে লাফাতে কৌতুক-হাসি হাস্তে
হাস্তে নীচে নেমে এসে, মাঠের সবুজ বুক আদরে ভিজিয়ে দিয়ে বয়ে
যাচ্ছে, আর সেই রূপের হাটে নানা-জাতের পাখীরা গানের আসর
বসিয়ে প্রাণ মাঝ ক'রে দিচ্ছে !

অমিয় আহ্লাদে ঘেতে গান শুক করলে—

শ্বরগের বুক থেকে আলো-মেয়ে দুলে দুলে,

ନେମେ ଆସେ ବନେ ବନେ, ନେମେ ଆସେ ଫୁଲେ ଫୁଲେ ।

ନାଚେ ପାଖୀ, ଗାନେ ତାର ସରମେର ଦ୍ଵାର ଥୁଲେ !

ছুটে চলে সমীরণ তটিনীর কূলে কূলে !

ওড়ে কত প্রজাপতি ছোট পাখা খুলে খুলে ।

স্বপনের তপোবনে তপনের তাপ ভুলে !

বীরেন্দা একদিকে আঙুল তুলে ব'লে উঠল, “থামো অমিয়, ওদিকে
একবার চেয়ে দেখ !”

ফিরে দেখি, সেই চোখছটো ! সেই কুধা-ভরা হিংসামাখা অঞ্চি-
উজ্জল চোখছটো আবার একটা জন্মে বেঁপের ফাঁক দিয়ে আমাদের
পানে তাকিয়ে পলক-হারা হয়ে আছে ! আব কিছু দেখা যাচ্ছে না,

বিজয়া

কেবল সেই চোখছটো ! তার চাউনি দেখলে খুব সাহসীরও বুকের
কাছটা হিম হয়ে যায় !

অমিয় রবিবাবুর গান ধরলে—

“ঞ্জ আখি রে,
ফিরে ফিরে চেওনা চেওনা, ফিরে যাও,
কি আর রেখে বাকি রে !”

বীরেন্দা আর আমি দুজনেই একসঙ্গে বন্দুক তুললুম।

কিন্তু চোখছটো আবার সৎ ক'রে স'রে গেল—জঙ্গলের পথে আবার
শুকনো পাতার মড়্যড়ানি উঠল, বুবালুম যার চোখ সে দৌড়ে পালাচ্ছে !
বীরেন্দা উভেজিত কঢ়ে বললে, “কার ঐ চোখ ? ও কেন
আমাদের সঙ্গে ফিরচে ? ও চোখে তো মাছুষের চাউনি নেই !
তবে কি সত্যি সত্যি ভূত-প্রেত ব'লে—”

আমি বাধা দিয়ে বললুম, “ও-কথা যেতে দাও বীরেন্দা ! এখন
আমরা কি করব বল ?”

বীরেন্দা বললে, “আমরা ? আমরা আপাততঃ ঐ পাহাড়ের উপরে
গিয়ে উঠব। ঐখানে ঝরণার ধারে ব'সে আজকের রাতটা তো
কাটিয়ে দি, কালকের কথা কালকে ভাবা যাবে অখন !”

*

*

*

পাহাড়ের উপরে এসে যে জায়গাটি আমাদের পছন্দ হ'ল, তার
একধারে ঝরণা, একধারে গভীর খাদ আর একধারে পাহাড়ের গা
খাড়া উপরে উঠে গিয়েছে। পাহাড়ের গায়েই—গুহা নয়, অথচ গুহার

বিজ্ঞা

মতনই একটা জায়গা ছিল, আমরা স্থির করলুম, তার ভিতরে ব'সেই
আজকের রাতটা কাটিয়ে দেব।

সমুদ্রে ঝাঁপ দেবার আগে জাহাজের ভাঁড়ার-ঘর থেকে আমরা
অনেকগুলো বিস্কুট, জাম-জেলি ও রক্ষিত মাছ-মাংসের টিন সংগ্রহ ক'রে
এনেছিলুম। ঝরণার ধারে ব'সে মুখ-হাত ধূয়ে সেই টিনের খাবারেই
পেট ভরালুম—খাবারগুলো লাগল যেন অমৃতের মত! আর ঝরণার
জল? সে যে কী মিষ্টি, তা আর কি বলব!

তারপর সেই আধা-গুহার ভিতরে গিয়ে বসলুম। তখন বেলা
ষায়-ষায়। সন্ধ্যা তার ছায়া-আঁচল ছলিয়ে তখন ডুবে-ষাওয়া সূর্যের
শেষ-আলোটুকু নিবিয়ে দিয়েছে। দু-একটা বাসা-ভোলা পাখী
মাঝে মাঝে তখনো এদিকে-ওদিকে উড়ছে ও আসন্ন আধারকে দেখে
ভৌত-চকিত স্বরে ডেকে ডেকে উঠছে।

স্থির হ'ল, প্রথম রাতে বীরেন্দাকে, মাৰ-রাতে আমাকে আৱ
শেষ-রাতে অমিয়কে জেগে পাহারা দিতে হবে। কাৱণ তিনজনে
একসঙ্গে ঘুমিয়ে পড়লে এই বিপদ-ভৱা বন-জঙ্গলে কাল সকালে হয়তো
কাৱলকেই আৱ জেগে উঠতে হবে না।

আমি আৱ অমিয় শুয়ে পড়লুম। সারাদিনের হাড়ভাঙা খাটুনি
আৱ ছশ্চিন্তায় দেহ, মন যেন এলিয়ে পড়েছিল, শুতে না শুতেই ঘুমের
ঘোৱে আচ্ছন্ন হয়ে গেলুম।

...মাৰ-রাতে আমাকে জাগিয়ে দিয়ে বীরেন্দা শুয়ে প'ড়ে চোখ
মুদলে।

এককোণ ঘৰ্সে পাহাড়ের গায়ে ঠেসান् দিয়ে বসলুম।

বিজ্ঞা

রাত তখন থম্থম্ কৰছে—বাইরে অস্পষ্ট চাঁদের আলোয় চক্মকিয়ে
উঠে বারণা তার অশ্রান্ত সঙ্গীতকে যেন নিশিথিনীর নিসাড় বুকের
ভিতরে ছলিয়ে ছলিয়ে দিচ্ছে !

রাতের একটি বাঁধা সুর আছে ! সে সুর গাছের পাতার নয়,
বিংশিপোকার নয়, বাঁতাসের নয় বা আর কোন জীবের নয়—সে হচ্ছে
রাতের নিজস্ব সুর ! বিজন স্তন্ত্রার ভিতরে তা শোনা যায়, বোবা
আকাশকে স্তম্ভিত ক'রে, সারা ধরণীকে আকুল ক'রে সে বিচিত্র সুর
বিম-বিম ক'রে বাজতে থাকে আর বাজতে থাকে, সে অঙ্গুত সুর
গুনলে ভাবুকের মনের ভিতরটা যেন কেমন-কেমন ক'রে ওঠে—রাতের
বীণায় সে যেন ভগবানের নিজের হাতে গাথা রাগিণী, যার অঙ্গুট
ঝঙ্কারের ভিতরে পৃথিবীর জন্ম-মৃত্যুর রহস্য লুকানো আছে !

রাতের সেই একটানা সুর কাণ পেতে শুনতে শুনতে হঠাৎ মনে
হ'ল বাইরের আবছায়ার ভিতর থেকে আবার ছটো জল-জলে তৌর চোখ
চম্কে উঠল ! সেই ছটো চোখ—যা আজ সারা দিন আমাদের পিছু
ছাড়েনি ! ভালো ক'রে চেয়ে কিন্তু আর কিছু দেখতে পেলুম না !
ভাবলুম, আমারি মনের ভুল !

আচম্ভিতে কি-একটা জীবের কাতর আর্তনাদে ও বাষের ভীষণ
গর্জনে চারিদিক কাঁপতে লাগল—সঙ্গে সঙ্গে ঘূম-ভাঙ্গা পাথীদের ব্যস্ত
চীৎকার ! খানিক পরেই সব আবার চুপচাপ !

তারপরেই দেখি, একখানা কালো-কুৎসিত অঙ্গি-সার হাত পাহাড়ের
আড়াল থেকে বেরিয়ে, ধীরে ধীরে গুহার ভিতরে ঢুক্ছে। দেহ নয়, স্বধূ


বিজয়া

একখানা হাত ! তার বাঁকা বাঁকা লম্বা আঙুলগুলো আকুল হয়ে দেন
কাকে খুঁজছে !

ধড়্মড়িয়ে সোজা হয়ে উঠে বস্তু—একি, এ কী ব্যাপার ?

আড়ষ্ট চোখে দেখলুম, হাতখানা বীরেন্দুর ঘুমন্ত দেহের উপরে
এক-মুহূর্ত স্থির হয়ে রইল, তারপর হঠাত খপ্ক'রে তার গলা চেপে
ধরলে !

বিজ্ঞা



•ଏକାଦଶ ପରିଚେତ୍

ଅଜାନା ଦ୍ୱାପେର ରାଣୀ

ବୀରେନଦାର ବିପଦ ଦେଖେ ଏକ ପଲକେଇ ଆମାର ସମସ୍ତ ଅସାଡତ ଛୁଟେ
ଗେଲ— ବିଦ୍ୟତର ଯତନ ସାମନ୍ନେର ଦିକେ ହମ୍ଭି ଥେଯେ ପ'ଡେ, ବନ୍ଦୁକେର ନଳଟା
ମେହି ଅଷ୍ଟିମାର ହାତଥାନାର ଉପରେ ରେଖେ ଘୋଡା ଟିପଲୁମ ।

ଗୁଡ଼ୁମ କ'ରେ ବନ୍ଦୁକ ଗର୍ଜନ କ'ରେ ଉଠିଲ—ସଙ୍ଗେ ସଙ୍ଗେ ଭୀଷଣ ଏକ
ଆଞ୍ଜନାଦ,— ହାତଥାନାଓ ମୌଁ କ'ରେ ସ'ରେ ଗେଲ !

ବୀରେନଦା ଧଡ଼ମଡ଼ କ'ରେ ଉଠେ ବ'ସେ ଗଲାଯ ହାତ ବୁଲୋତେ ବୁଲୋତେ
ଯାତନାଭରେ ବଲଲେ, “ସରଲ, ସରଲ !”

ଆମି ତାଡ଼ାତାଡ଼ି ବଲଲୁମ, “ବୀରେନଦା, ବୀରେନଦା ! ତୋମାର କି ବଡ
ବେଶୀ ଲେଗେଚେ ?”

ଆମିଯିବୁ ଉଠେ ବ'ସେ ଚୋଥ କଚାଲାତେ କଚାଲାତେ ବଲଲେ, “ହେୟେଚେ କି
ବୀରେନଦା ? ହେୟେଚେ କି ସରଲଦା ?”

ଆମି ବ୍ୟାପାରଟା ସବ ଖୁଲେ ବଲଲୁମ !

ବୀରେନଦା ତଥନି ବିଜଲୀ-ମଣାଳ ଆର ବନ୍ଦୁକଟା ତୁଲେ ନିଯେ ବାହିରେ ଗିଯେ
ଦୀଢ଼ାଳ । କିନ୍ତୁ ଗୁହାର ମୁଥେ ଥାନିକଟା ରଙ୍ଗ ଛାଡ଼ା ବାହିରେ ଆର କାନ୍ଦକେ
ଦେଖିତେ ପାଉଯା ଗେଲ ନା ।

বিজ্ঞা

· অমিয় আবার রবিবাবুর গান ধরলে :-

“সে যে, পাশে এসে ব'সেছিল,
তবু জাগি-নি,
কি যুম তোরে পেয়েছিল,
হতভাগিনী !”

আমি বললুম, “কিন্তু এই ভুতুড়ে শক্রটা তো ভারি ভাবিয়ে তুললে
দেখচি ! এ ধরাও পড়ে না, আমাদের ছেড়েও বায় না !”

বীরেন্দা বললে, “কিন্তু বাছাধন আপাততঃ বোধ হয় আর শীগ্ৰিৰ
এমুখো হচ্ছেন না ! সৱলেৰ গুলি খেয়ে এখন হাত নিয়ে কিছুদিন
কাঁও হয়ে থাকুন তো !”

এম্বিনি সব কথা কইতে কইতে আকাশ ধীরে ধীরে ফর্সা হয়ে এল।

বনেৱ পাথীৱা অগ্রদূত হয়ে খবৱ দিলে—আৱ ভয় নেই, এখনি
আনন্দেৱ সাথী প্ৰভাত আসবে।

ভোৱ হ'ল ! বনেৱ সবুজেৱ উপৱে কচি রোদ এসে কাঁচা সোনাৱ-
জলেৱ ছবি এঁকে দিলে। মৌমাছি আৱ প্ৰজাপতিদেৱ ভিতৱে আবাৱ
মৌ-চয়নেৱ সাড়া প'ড়ে গেল।

বীরেন্দা বললে, “এস, আমৱা এখন পাহাড় থেকে নেমে পড়ি।
পোটলা-পুঁটলি বেঁধে নাও।”

অমিয় বললে, “কিন্তু বীরেন্দা, এখন যে আমাদেৱ শালগ্ৰামেৱ ওঠা-
বসা। এখানে থাকাও যা, নৌচে নামাও তা !”

বীরেন্দা বললে, “না না, তুমি বুৰাচ না অমিয় ! একবাৱ চাৰি-

বিজ্ঞা

দিকটা ঘুরে দেখে আসা ভালো ! নইলে কোন্দিক দিয়ে কথন্যে বিপদ
ঘাড়ে এসে পড়তে পারে, তা জানবার আগেই মারা পড়ব ।”...

বরণার জলে প্রাতঃস্নান সেরে, কিছু জলথাবার খেয়ে আবার
আমরা পাহাড় ছেড়ে নৌচে নেমে গেলুম ।

মাঠ পেরিয়ে আবার একটা বনে গিয়ে পড়লুম । এবারের বনেও
জঙ্গল আর বড় বড় গাছের অভাব নেই বটে, কিন্তু আগেকার মতন
এ বনটা তেমন অন্ধকার নয় ।

আমি বললুম, “তোমরা একটু সাবধান হয়ে চল । কারণ কাল রাতে
আমি বাঘের ডাক শুনেছি ।”

অধিয় বললে, “বাঘ-টাঘের সঙ্গে এখন দেখা করতে চাই না বটে,
কিন্তু একটা হরিণ-টরিণ পেলে আজকের দিনটা নেহাঁ মন্দ কাটে না—
কি বল বীরেন্দা ?”

বীরেন্দা বললে, “পৃথিবীর চারিদিকেই হিংসার খেলা ! বাঘ খুঁজচে
আমাদের, আমরা খুঁজছি হরিণকে । আমরা ভাবি বাঘকে হিংসুক
আর আমাদের হিংসুক ভাবে হরিণরা । অস্তু এই ছনিয়া !”

আমি কি-একটা জবাব দিতে যাচ্ছিলুম, কিন্তু তার আগেই মাথার
উপরকার মস্ত-বড় গাছ থেকে ঝুপ্ ঝুপ্ ক'রে কারা লাফিয়ে পড়ল এবং
কিছু দেখবার বা বোঝবার আগে এমন অর্কিতে তারা আমাদের
আক্রমণ ~~ক'রে~~ হাত-পা বেঁধে ফেললে যে, আমরা একেবারে
অবাক হয়ে গেলুম !

তারা দেখতে খুব জোয়ান, যেন মিশ্মিশে কালো আবলুস্ কাঠ
থেকে ক্ষুদে তাদের দেহগুলো গড়া হয়েছে । কারুর হাতে ধনুক-বাণ,

বিজ্ঞা

কারুর হাতে বর্ষা। গলায়, কাণে, বাহুতে হাড়ের গহনা আর পরোণে
এক এক টুকুরো নেংটি ছাড়া আর কিছুই নেই। দলে তারা বেশ পুরুষ
—অস্ততঃ পঁচিশ-ত্রিশ জন।

আমাদের হাত-পা আচ্ছা ক'রে বেঁধে তিনজনকেই তারা মাটির
উপরে শুইয়ে রাখলে। তারপর আমাদের চারিদিক ঘিরে দাঢ়িয়ে অজানা
ভাষায় হাত-মুখ নেড়ে তারা কি বলাবলি করতে লাগল।

অমিয় বললে, “ও বীরেন্দা ! এখন বোধ হয় আমাদের আর
হরিণের মাস খাবার কোনই আশা নেই। এই কেলে শ্রাঙ্গতরাই
আমাদের হয়তো আগুনে পুড়িয়ে কাবাব বানিয়ে উদ্বস্ত করবে !”

বীরেন্দা বললে, “চোখে বড় ধূলো দিয়েচে হে ! বোঝেটে, মানোয়ারি
গোরা, হাঙ্গর, কুমীর আর সমুদ্রকে এড়িয়ে শেষটা যে এই বুনোদের
পান্নায় এমন বোকার মত ধরা প'ড়ে যাব আগে কে তা জান্ত
বল ?”

আমি বললুম, “ধরা-পড়া ব'লে ধরা-পড়া ! একেবারে নট নড়ন-
চড়ন, নট কিছু ! ছাড়ান् পাবার কোনই উপায় নেই, দয়াও পাবনা
বোধ হয়। ওদের গলায় কি বুল্চে দেখ্চ তো ? মড়ার মাথার
খুলি !”

আচম্ভিতে কাছেই শিঙার মতন কি-একটা বেজে উঠল—সঙ্গে সঙ্গে
কোথা থেকে অনেক চোলের আওয়াজ জেগে উঠল এবং অসভ্য
মাহুষগুলো সসন্নমে ছুয়ে প'ড়ে আমাদের কাছ থেকে খানিকটা তফাতে
স'রে দাঢ়াল।

দেখলুম, বনের চারিদিক থেকে পিল্পিল্ ক'রে অসভ্যের পর অসভ্য

বিজয়া

যোকা বেরিয়ে আসছে নাচতে নাচতে, বর্ষা নাচতে নাচতে বা ঢোল
বাজাতে বাজাতে !

অমিয় বললে, “ও বীরেনদা—আরো আসে যে ! কি করা যায় বল
দেখি ? কেলে ভূতগুলো দূরে স'রে গেছে, বন্দুকগুলোও হাতের কাছে
প'ড়ে রয়েচে, আর আমার মনও বলচে, এই বাধনদড়ীগুলা অন্ন চেষ্টা
করলেই আমরা ছিঁড়ে ফেলতে পারি !”

বীরেনদা বললে, “দড়ী ছেঁড়বার সময় এখনো আসে নি। ওদের
হাতেও তীর-ধনুক রয়েচে, বলা তো যায় না—যদি ওদের তীরে বিষ
মাখানো থাকে ? তার চেয়ে এখন চুপ ক'রে থাকাই ভালো, দেখনা
কোথাকার জল কোথায় গিয়ে দাঢ়ায় ?”

দেখতে দেখতে বনের আশপাশ লোকে লোকে ভ'রে গেল—
সকলেরই কৌতুহলী চোখ আমাদের দিকে আকৃষ্ণ !

হঠাতে আবার শিঙ্গা বাজল—সঙ্গে সঙ্গে সমস্ত নাচ-বাজনা থেমে গেল।
সকলে একেবারে পাথরের মূর্তির মতন স্থির ও স্তুক !

একদিককার ভিড় স'রে গেল। সেইদিকে তাকিয়ে যা দেখলুম
সে এক অকল্পিত দৃশ্য !

অপূর্ব এক তরুণীর মূর্তি—রং তার ফুটস্ত খেতপন্থের মত !

তরুণীর মেঘের মতন কালো চুল পিছনে, কাঁধে, বুকে গোছায়
গোছায় এলিয়ে পড়েছে এবং তার বুক থেকে উলক পর্যন্ত বাষের ছালে
ঢাকা !

সমস্ত মন বিশ্বে ভ'রে ঝুঁক্তি—কে এই নবঘোবনী, মানবী না
বনদেবী ?

বিজ্ঞা

স্বপ্ন-সুষমার মতন আমাদের দিকে পায়ে পায়ে এগিয়ে এসে তরুণী থম্কে দাঢ়িয়ে পড়ল। তারপর দয়াভরা হটি সুন্দর ডাগর চোখে আমাদের মুখের পানে চেয়ে রইল, নীরবে।

বৌরেনদা মোহিত স্বরে বললে, “সরল, আমি তো কিছুই বুঝতে পারচি না, এ মূর্তি এখানে কি ক'রে এল ?”

আমাদের সকলকে অধিকতর বিশ্বিত ক'রে তরুণী খুব নরম মিষ্টি গলায়, পরিষ্কার বাংলায় বললে, “আপনারা কি বাঙালী ?”

প্রথমটা নিজেদের কাণকে বিশ্বাস করতে না পেরে আমরা অবাক হয়ে রইলুম। তারপর আবার সেই জিজ্ঞাসা শুনে আমি বললুম, “ইঠা।”

তরুণী অভিভূত কঠে বললে, “কত দিন পরে দেশের কথা শুনলুম ! কত দিন পরে বাঙালীকে দেখলুম !”

বৌরেনদা বললে, “আপনার কথা শুনে আপনাকেও তো বাঙালী ব'লেই মনে হচ্ছে।”

—“ইঠা, আমি বাঙালীর মেয়ে।”

—“বাঙালীর মেয়ে ! এইখানে—এই অজানা দ্বীপে—এই অসভ্যদের মাঝখানে !”

তরুণী কঙ্গন স্বরে বললে, “সে অনেক কথা, পরে বলব।...আপাততঃ শুনে রাখুন, আমি এই দ্বীপের রাণী, আর আপনারা আমার বন্দী। আপনাদের সঙ্গে এখন আমি আর কথা কইতে পারব না, তাতে আপনাদের অমঙ্গল হবে। তবে এইটুকু বলতে পারি, আমি থাকতে আপনাদের কোন ভয় নেই।”

বিজয়া

—এই ব'লেই তরুণী ফিরে দাঢ়িয়ে উচ্চস্থরে আমাদের অবোধ্য
ভাষায় সঙ্গের লোকদের ডেকে কি বললে ।

অম্নি আবার শিঙা বেজে উঠল—সঙ্গে সঙ্গে আবার ঢোল বাজানো,
নাচ ও হৈ-চৈ শুরু হ'ল । তারপর কয়েকজন লোক এসে আমাদের
পায়ের বাঁধন খুলে দিলে ! এবং উঠে তাদের সঙ্গে যাবার জন্যে ইঙ্গিত
করলে ।

তরুণী রাণীকে নিয়ে অসভ্য লোকগুলো নাচতে নাচতে এগিয়ে চলল
—চারিদিকে কড়া পাহারা নিয়ে আমরাও অগ্রসর হলুম ।

অমিয় বললে, “সরলদা, হাত বাঁধা, কাজেই হাততালি দিতে পারব
না, কিন্তু গলা যখন খোলা আছে তখন গান গাইব না কেন ?” ব'লেই
শুরু করলে :—


ওগো অজানা দেশের রাণী !
তোমার মুখেতে শুনি আমাদের
আপন প্রাণের বাণী !

* * *

কোন্ অমরার তুমি সে জোছনা,
বল বীণা-স্থরে কমললোচনা !
পূজিব তোমাকে মধুরবচনা,
জীবন ভরিয়া জানি—
শোনো, অজানা, অচেনা রাণী !

বিজয়া

ফোটে রাঙা ফুল চুমিয়া চরণে,
দেখে গায় মন নতুন ধরণে,
হব তব দাস জীবনে-মরণে,
রহিব অবাক মানি—
তুমি তরুণী অরুণী রাণী !



দ্বাদশ পরিচ্ছন্দ

বৌরেনদার দার্শনিকতা

কখনো ছায়া-দোলানো বনপথ দিয়ে, কখনো রোদ-মাথানো সবুজ মাঠের উপর দিয়ে, এবং কখনো বা চোখ-ভোলানো ছেট ছেট পাহাড়ের কোল দিয়ে প্রায় মাইল-চারেক পায় হয়ে আমরা একটি বড় গ্রামে এসে হাজির হলুম।

গ্রাম বলতে আমরা যা বুঝি, এ গ্রাম যেন তার মৃত্তিমান প্রতিবাদ! কতকগুলো পাতা-ছাওয়া হেলে-পড়া ভাঙা-চোরা কুঁড়েঘর—এক-একটা গর্তের মত টোকবার পথ ছাড়া সে ঘরগুলোতে আলো-হাওয়া আসবার কোন উপায়ই নেই! পাথ-ঘাটকে আস্তাকুড় বললেও বেশী বলা হয় না।

এক-একটা ঘরের সামনে আবার অনেকগুলো ক'রে রোদে-শুকনো মাছুষের মাথা ঝুলছে! পরে শুনেছিলুম, এগুলো নাকি বড় বড় সর্দারের বাড়ী! ছলে-বলে-কোশলে যে যত বেশী শক্রকে স্বহস্তে বধ ক'রে তাদের মাথা সংগ্রহ করেতে পারে, এ দেশে নাকি সেইই তত-বড় সর্দার ব'লে মাত্ত পার এবং আপনার বড়ত্বের প্রমাণস্বরূপ মাথাগুলোকে রোদে শুকিয়ে বাড়ীর সামনে এই ভাবে প্রকাশে ঝুলিয়ে রাখে! এই কথা শোনবার পর যতদিন এদেশে ছিলুম, কাঁধের উপরে নিজেদের মাথা-গুলোকে ঠিকভাবে বজায় রাখবার জন্যে সর্বদাই অত্যন্ত সাবধানে থাকতুম!

বিজ্ঞা

এরি-মধ্যে একথানা বাড়ী দেখলুম - যার দিকে সহজেই সকলের নজর পড়ে। এ বাড়ীখানাও পাতা-দিয়ে-ছাওয়া হ'লেও আর-সব ঘর বা বাড়ীর চেয়ে বড় তো বটেই, তার উপরে ঝক্খকে-তক্তকে পরিষ্কার পরিচ্ছন্ন। বাড়ীর স্মৃথি হজন লম্বাচওড়া লোক বর্ণ হাতে ক'রে পাহারা দিচ্ছে। এইটিই রাণীর বাড়ী ব'লে আন্দাজ করলুম এবং একটু পরেই দেখলুম আমাদের আন্দাজ ভুল নয়।

আমাদের দেখবার জগ্নে গাঁয়ের মেয়েরা পর্যন্ত আজ রাস্তায় এসে ভিড় ক'রে দাঁড়িয়েছে। পুরুষদের মতন এখানকার স্ত্রীলোকদেরও লজ্জা রক্ষা পেয়েছে কেবলমাত্র এক এক খণ্ড সরু লেংটির দ্বারা। তবে মানুষের হাতের বদলে তারা পাথরের বা প্রবালের গহনা ব্যবহার ক'রে নিজেদের জাতিশূলভ কোমলতার মর্যাদা রেখেছে দেখে কিঞ্চিৎ আশ্চর্য হলুম।

রাণীর বাড়ীর সামনে এসে দেখি, রাণী সদর দরজার কাছে দাঁড়িয়ে আছেন।

রাণী আমাদের দিকে ফিরেও তাকালেন না, কেবল প্রভুদের স্বরে কি-একটা হ্রস্ব দিয়েই বাড়ীর ভিতরে চ'লে গেলেন।

রাজবাড়ীর কাছেই একথানা কুঁড়েঘরের দিকে তারা আমাদের নিয়ে গিয়ে দাঢ় করালে। তারপর আমাদের হাতেরও বাঁধন খুলে দিয়ে ইঙ্গিতে জানালে, আমরা যেন ঐ ঘরের ভিতরে প্রবেশ করি! আমরাও আর কালবিলৰ না ক'রেই ঘরের ভিতরে গিয়ে চুকলুম। একটা লোক এসে আমাদের পেঁটুলা-পুটুলি আর বন্দুক-তিনটে ঘরের মেঝের উপরে

রেখে দিয়ে চ'লে গেল। উকি মেরে দেখলুম, দৱজা বা গর্তের বাইরেই
প্রায় বিশ-বাইশ জন লোক পাহারা দিচ্ছে।

আমি বললুম, “বীরেন্দা, এরা বোধ হয় জানেনা যে বন্দুক কি
চৌজ্ৰা! তা জান্তে কি আৱ এগুলো আমাদেৱ ফিরিয়ে দিয়ে যেত?”

বীরেন্দা অগ্রমনক্ষেত্ৰ মত স্থুত বললে, “হ্ৰ”।

অমিয় বললে, “আচ্ছা বীরেন্দা, আজ হঠাৎ তুমি এত গন্তীৰ হয়ে
গেলে কেন বল দেখি? এমন ‘অ্যাডভেঞ্চাৰ’ কোথায় তুমি থুসি হয়ে
নাচবে, না, কেবল “হ্ৰ”, হঁা,” দিয়েই কথা সা঱্চ! তোমাৰ হ'ল কি
বীরেন্দা? কী ভাৰচ তুমি?”

বীরেন্দা একটু কেঠো হাসি হেসে বললে, “আকাশ আৱ পাতালেৱ
কথা ভাৰচি ভাই!”

—“আকাশ আৱ পাতাল চিৱদিনই আছে আৱ চিৱদিন থাকবেও;
তা নিয়ে আবাৱ চিন্তা-জৱে আক্রান্ত হওয়া কেন?”

—“ঈশ্বৰও চিৱদিন আছেন আৱ চিৱদিন থাকেন! তবু কি মাহুষ
দিন-বাত তাৱই কথা ভাৰতে চেষ্টা কৰে না?”

আমি বললুম, “বীরেন্দা, তুমি যে আবাৱ হঠাৎ দার্শনিক হয়ে পড়লে
দেখচি। ব্যাপাৱ কি?”

—“দার্শনিক হওয়াটা কি নিন্দেৱ কথা?”

—“উহ্, মোটেই না। কিন্তু আমৱা জানতে চাই বীরেন্দা, তুমি
কি আজ রূপসী রাণীকে দৰ্শন ক'ৱেই দার্শনিক হয়ে উঠেচ?”

বীরেন্দা রেগে কঢ়মঢ় ক'ৱে আমাৱ দিকে চাইলে, কিন্তু মুখে কিছু
বললে না।

বিজ্ঞা

অমির ফিক্ ক'রে হেসে ফেলে, অগ্নিকে মুখ ফিরিয়ে দাড়িয়ে
গুণ গুণ ক'রে গাইলে :—

“কে জানে কি চোখে দেখেচি তোমায়,
প্রাণ আজ খালি ওই নাম গায়,
যৌবন-ফুল দেখে সুধু চায় :
হ'তে তার ফুলদানি—

ওগো না-জানা দ্বীপের রাণী !”

বীরেন্দা থপ্ ক'রে অমিয়ের চুল ধ'রে এক টান মেরে বললে,
“তোমার ঐ রাবিস গান থামাও অমির ! তোমার গান শোনবার জন্যে
আমার কোনই আগ্রহ নেই !”

আমি আওড়ালুম—

“প্রেম যার প্রথম দৃষ্টিতে,
সে বোকা লোক স্থষ্টিতে !”

বীরেন্দা হার মেনে এককোণে গিয়ে ধূপ্ ক'রে ব'সে পড়ল ।

বিজ্ঞা

অংশোদশ পরিচেছন

“বাংলাদেশের ছেলে”

আজ দুদিন এই ঘরে বন্দী হয়ে আছি। বাইরে দিন-রাত পাহাড়া, আমরা বেক্রবার চেষ্টা করলেই জানোয়ারের সামিল এই বুনো মানুষ-গুলো বর্ষা উচিয়ে তেড়ে আসে।

এরা এর মধ্যে যে-সব খাবার পাঠিয়েছে তা স্পর্শ করবার ভরসা আমাদের হয় নি—কে জানে বাবা, তার ভিতরে সাপ-ব্যাং কৌ আছে, আমাদের মতন সভ্য মানুষের পেটে চুকে তারা যদি উল্টো-রকম উৎপাত স্ফুর করে তাহ'লে এই অমানুষের দেশে তার ঠ্যালা সাম্লাবে কে ?...কাজেই পেঁটুলার ভিতরে যে সব চেনা খাবার ছিল তাই খেয়েই উদ্বৃষ্ট অগ্নিদেবকে শীতল করছি।

তিনিদিনের দিন সঙ্ক্ষেপেলায় হঠাৎ রাজবাড়ী থেকে আমাদের ডাক পড়ল।

রাজবাড়ীর গায়ে-লাগানো খানিকটা জমির উপরে অনেক ফুলগাছ বসানো হয়েছে। এই অসভ্যের মূলুকে বাগান রচনার চেষ্টা দেখে প্রথমটা আশ্চর্য হয়েছিলুম। কিন্তু তার পরেই বুবলুম, নিশ্চয়ই রাণীর ইচ্ছাতেই এই বাগানের উৎপত্তি হয়েছে !

বাগানের মাঝখানে একখানা পাথরের বেদীর উপরে রাণী বসেছিলেন —তাঁর পরোণে ঠিক বাঙালীর মেয়েরই মতন কাপড়, কেবল গায়ে কোন

বিজয়া

জামা ছিল না । পরে শুনেছিলুম, জামা আৱ কাপড় পৱা নাকি এদেশে সমাজবিৱোধী কাজ, তাই অনেক চেষ্টাৱ পৱ রাণী স্বতু কাপড় পৱবাৱ অধিকাৱ পেয়েছিলেন !

রাণীকে দেখে আমৱা নমস্কাৱ কৱলুম । তিনিও প্ৰতি-নমস্কাৱ ক'ৱে-বললেন, “বস্তুন । কিন্তু আপনাদেৱ ঐ ঘাসেৱ উপৱেই বস্তে হবে । এদেশে রাজা কি রাণীৱ সাম্বনে কেউ আসনে বসতে পায় না !”

বীৱেনদা ব্যস্ত কঢ়ে স্বধোলে, “এদেশেৱ রাজা কে ?”

রাণী বললেন, “রাজা কেউ নেই । আমি যে কুমাৱী !”

বীৱেনদা যেন কতকটা আশ্বস্ত হয়ে মাটিৱ উপৱে ব'সে পড়ল !

আমি বললুম, “কিন্তু রাণীজী, আপনি কি ক'ৱে এখানে এলেন ?”

—“অদৃষ্টেৱ বিড়ম্বনায় । কতদিন আগে জানিনা—বোধ হয় দশ-বাৱো বছৱ হ'ল, আমি প্ৰথম এখানে এসেচি ! আমাৱ বাবা সায়েবদেৱ কৌয়ে কি কাজ কৱতেন । বাবা আৱ মায়েৱ সঙ্গে বাংলাদেশ থেকে জাহাজে চ'ড়ে আমি চীনদেশে যাচ্ছিলুম । আমাৱ বয়স তখন নয় বছৱ । সমুদ্ৰে হঠাৎ ঝড় উঠে আমাদেৱ জাহাজকে বিপথে নিয়ে গিয়ে ডুবিয়ে দেয় । বাবা আৱ মা কোথায় ভেসে গেলেন জানিনা, আমি, কিন্তু আৱ চ্যাং ব'লে এক চীনেম্যান, ভাসতে ভাসতে এই দ্বীপে এসে পড়ি ।”

—“আপনাৱ সঙ্গে চ্যাং ব'লে এক চীনেম্যান ছিল ?”

—“হ্যা ।”

—“সে কি এখনো এখানেই আছে ?”

—“না, শুনুন সব বলচি । দ্বীপেৱ এই অসভ্যজা আমাদেৱ দেখতে পেয়ে নিয়ে আসে । ঠিক সেই দিনই এদেৱ রাজা কোন ছেলে-মেয়ে

বিজ্ঞা

না রেখেই মারা যান। আমাকে পেয়ে তারা ভাবলে যে, সাগর-দেবতা আমাকে তাদের কাছে উপহার পাঠিয়ে দিয়েছেন। তাই পুরুত্বা থুব থুসি হয়ে ঘটা ক'রে আমাকে তাদের সিংহাসনে বসালে।”

—“আর সেই চ্যাং?”

—“চ্যাংকে তারা প্রথমে জুজু-ঠাকুরের সামনে বলি দিতে চেয়েছিল।”

—“জুজু-ঠাকুর?”

—“হ্যা, জুজু হচ্ছে এদের প্রধান দেবতা। জুজুর পুরুত্বাই এখানকার সর্বেসর্বা—আমাকেও তাদের হৃকুম মেনে চলতে হয়।.....তারপর, যে কথা হচ্ছিল। চ্যাংকে তারা বলি দিতে চাইলে। কিন্তু আমি অনেক কষ্টে চ্যাংকে বাঁচাই! চ্যাং কিছুদিন আমার সঙ্গে-সঙ্গেই রইল। কিন্তু তারপর হঠাৎ একদিন জুজুর মন্দির থেকে একখানা হীরে চুরি ক'রে কোথায় যে পালাল, আর তার কোনই খোঁজ পাওয়া গেল না।”

অমিয় বললে, “বোধ হয় সেই চ্যাংের সঙ্গে আমাদেরও দেখা হয়েচে।”

রাণী বিস্মিত ভাবে জিজ্ঞাসা করলেন, “কোথায়?”

আমরা সব কথা খুলে বললুম।

রাণী চিন্তিত ভাবে বললেন, “চ্যাং তাহ'লে নিশ্চয়ই জুজুর মন্দির লুঠতে চায়! এই জুজুর মন্দিরে যত হীরে-মাণিক আছে পৃথিবীর কোন রাজাৱ ঘৰেও তা নেই।”

বীরেন্দা বললে, “ভয় নেই, আমরা আপনাদের রক্ষা কৱব।”

বিজ্ঞা

রাণী মাথা নেড়ে বিষণ্ণ স্বরে বললেন, “চ্যাঙ্গের হাত থেকে তো আপনারা আমাদের রক্ষা করবেন, কিন্তু তার আগে পুরুতদের হাত থেকে আপনাদের রক্ষা করবে কে ?”

—“সে আবার কি ?”

—“পুরুতরা যে জুজুর সামনে আপনাদেরও বলি দিতে চায় !”
আমরা সবাই চম্কে উঠলুম।

রাণী বললেন, “অবশ্য আপনাদের হয়ে আমি পুরুতদের কাছে অনেক কাকুতি-মিনতি করেছি ! আর আমার কথা শুনে তাদের মনও অনেকটা নরম হয়ে এসেছিল। কিন্তু কেবল একজন পুরুতের শক্রতায় আমার চেষ্টা ফল হয় নি। আপনাদের ওপরে তার বিষম রাগ !”

—“কেন ?”

—“আপনারা যে এই দ্বীপে এসেছেন, তার কাছ থেকেই সে-খণ্ডের আমরা প্রথমে পাই। তার একখানা হাত ভয়ানক জখম হয়েচে, আপনারাই নাকি তার সেই দুর্দিশা করেচেন।”

অঙ্ককার বনে সেই জলন্ত চোখ আর পাহাড়ের গুহায় সেই সাংঘাতিক হাতের আবির্ভাবের সকল রহস্য এতক্ষণে বুঝতে পারলুম !

আমি বললুম, “কিন্তু রাণীজী, সে যে গায়ে প’ড়ে আমাদের আক্রমণ করেছিল ! আর একটু হ’লেই সে যে আমাদের একজনকে খুন করত !”

রাণী বললেন, “বুঝেচি, ঐ পুরুতগুলো যে কি-রকম নিষ্ঠুর ল্যাঙ্গ সংযতান আমি তা জানি,—তাদের প্রধান আনন্দই হচ্ছে নরহত্যা করা, বলি দিয়ে তারা মানুষের মাংস খায়। পুরুতরা এখন বলচে, একবার আমার

বিজ্ঞা

কথায় চ্যাংকে ছেড়ে দিয়ে তারা ঠকেচে, আর তারা ঠক্কতে রাজি নয়। এ-রাজ্যে তারা কোন বিদেশীকে থাকতে দেবে না, তারা আপনাদের ধ'রে বলি দেবেই দেবে !”

বীরেন্দা বললে, “বেশ, তারা চেষ্টা ক'রে দেখুক না ! আজ থেকেই তাহলে আমরা নিজমূর্তি ধরব—বাহুবলেই আমরা আত্মরক্ষা করব !”

রাণী ম্লান হাসি হেসে বললেন, “হাজার হাজার লোকের ভিতরে আপনাদের তিনজনের বাহুবলের দাম কতটুকু ?”

—“আমাদের বুদ্ধি আছে, আমাদের বাহুবল আছে, আমাদের বন্দুক আছে—বন্দুকের শক্তি ওরা না জানুক, আপনি জানেন তো ?”

—“জানি। কিন্তু অকারণে বিপদকে ডেকে এনে রক্তপাত ক'রে লাভ কি ? তার চেয়ে কৌশলে কার্য্যোক্তির করবার চেষ্টা করুন।”

—“কি কৌশল, আপনি বলুন।”

—“এই অসভ্যরা যেমন হিংস্ক, তেমনি আবার ছেলেমানুষের মতন সরল আর ভীতু। যা অসন্তব—অর্থাৎ এদের কাছে যা অসন্তব, তা যদি কেউ সন্তব ক'রে তুলতে পারে, তার কাছে এরা কুকুরের মতন পোষ মানে।”

—“কিন্তু আমাদের কি করতে হবে ?”

—“এখানে সব-চেয়ে আদর পায় যাহুকররা। যাহুকরদের এরা ভয়ও করে, পূজাও করে। আপনারা কেউ কি কোনরকম ছোটখাটো ম্যাজিক-ট্যাজিক জানেন না ?”

বীরেন্দা বললে, “দাঢ়ান, একটা কথা জিজ্ঞাসা করি। এখানে কি বাইরের সভ্যদেশ থেকে মাঝে মাঝে লোকজন আসে ?”

বিজ্ঞা

— “কৈ, আমি তো দেখিনি। এই বীপের বাইরে যে দেশ আছে, তাও এরা জানে না। তবে আমি এখানে থাকতে থাকতেই অনেক বছর আগে বোধ হয় একখানা জাহাজ এখানে এসে একদিনের জগ্নে নঙ্গর করেছিল। অসভ্যরা তাকে দেখে ভারি ভয় পেয়েছিল, আমার কাছে এসে সেই জাহাজকে সাগর-দানব ব'লে বর্ণনা করেছিল। আমার বিশ্বাস, চ্যাং পালিয়েছিল সেই জাহাজে চ'ড়েই।”

বীরেন্দা বললে, “বেশ, তাহ'লে আমি এদের গোটাকয়েক ম্যাজিক দেখাতে রাজি আছি।”

রাণী বললেন, “তাহ'লে আর কিছু ভাবতে হবে না। আপনাকে এরা ঠিক জ্যান্ত জুজু-ঠাকুরেরই মতন পূজা করবে। তাহ'লে আজকেই আমি ঘোষণা ক'রে দেব যে, যে-স্বর্গে জুজু-ঠাকুর থাকেন, আপনারা সেই স্বর্গ থেকেই জুজুর ভক্তদের সঙ্গে দেখাশুনো করতে এসেচেন। কাল সকালে রাজবাড়ীর সামনের মাঠে আপনারা সকলকে আশীর্বাদ করবেন, আর নিজেদের অঙ্গুত ক্ষমতা দেখাবেন। কেমন, আপনারা মান রাখতে পারবেন তো? কারণ এর ওপরেই আপনাদের জীবন-মরণ নির্ভর করচে।”

বীরেন্দা বললে, “এরা যখন বাইরের জগতের কিছুই জানে না, তখন আমি নিশ্চয়ই এদের ভড়কে দিতে পারব।”

রাণী আর কিছু না ব'লে হাততালি দিলেন, তখনি একজন লোক এসে হাজির হ'ল। রাণী খানিকক্ষণ ধ'রে তার সঙ্গে কথাবার্তা কইতে লাগলেন, কথা কইতে কইতে লোকটা সভয়ে ও সবিশয়ে বার বার

বিজয়া

আমাদের পানে তাকিয়ে দেখতে লাগল—আমরা বুঝলুম, এর মধ্যেই
তার চোখে আমরা অনেকটা উচু হয়ে উঠেছি !

কথাবার্তা শেষ হ'লে পর লোকটা রাণীকে আর আমাদের মাটিতে
দণ্ডিত হয়ে প্রণাম করে চ'লে গেল ।

রাণী আমাদের দিকে ফিরে হাসতে হাসতে বললেন, “এতক্ষণে
আমি হাঁপ ছেড়ে বাঁচলুম । তাহলে কাল সকালেই সময় ঠিক রাইল ।...
...আসুন, এইবারে আমরা গম্ভীর করি !”

অমিয় বললে, “রাণীজী, আপনার নামটি তো এখনো আমাদের
বলেন নি ?”

—“আমার নাম ? বিজয়া । আমি বিজয়ার দিনে জন্মেছিলুম ব'লে
বাবা আমার ঐ নাম রেখেছিলেন ।” খানিকক্ষণ চূপ ক'রে থেকে
তিনি আবার বললেন, “আপনাদের পেঁয়ে যে আমার কি আহ্লাদ
হয়েচে, মুখ ফুটে আমি তা বলতে পারব না ! দেশের কথা আজ
আমার কাছে স্বপ্নের মতন হয়ে গেছে, এ জীবনে হয়তো আর দেশে
ফিরতেও পারব না । আর ফিরবই বা কার কাছে, আমার মাও নেই—
বাবাও নেই ।”

বীরেন্দা বললে, “আমাদের দশা আরো খারাপ । দেশে আমাদের
সব আছে, আমরা কিন্তু কোনদিন আর সেখানে ফিরতে পারব না !”

আমি মুখে আর কিছু বললুম না, কিন্তু আমার বুক ঠেলে কান্না
জেগে উঠল ।

অমিয় একটা দীর্ঘশ্বাস ফেলে বললে, “আজ এই দূর বিদেশে বনের
মাথায় যে চাঁদ উঠেচে, তার আলো আজ আমাদের বাংলাদেশেরও

বিজ্ঞা

বুককে ভরিয়ে তুলেচে। চাদের চোখে আজ বাংলাদেশের ছবি লেখা,
কিন্তু আমাদের চোখে সুধু অঙ্ককার !”

রাণী মমতা-মাথানো গলায় বললেন, “মিছে ভেবে মন খারাপ
করবেন না। তার চেয়ে আপনাদের কারুর গান জানা থাকলে
আমাকে বাংলাদেশের একটি গান শোনান।”

বৌরেনদা বললে, “অমিয় হচ্ছে আমাদের ছোট দলের বাঁধা-গাইয়ে।
গাও অমিয় !”

অমিয় গাইলে :—

আমরা সবাই বাংলাদেশের ছেলে রে ভাই,
বাংলাদেশের ছেলে !

দিবস-রাতে মোদের আঁতে ধাচ্চে কতই
চন্দ-তপন খেলে।

মা-বোন-বধু আদুর বিলায় ঘরে,
বাইরে বাতাস ঝক্কারে কাণ ভরে,
ফুল-রাগিণী শোনায় চাঁপা, অশোক, বকুল
গহন-বনেও গেলে।

চাদ্দি-মাথা নদীর ধারে ধারে,
ধানের ক্ষেতে কনক ভারে ভারে,
তেপান্তরেও মাঠ-ভরা ধাস ঢায় যে বুকে
শাম্ভলা হাসি টেলে।

কোকিল, শামা আৱ পাপিয়ার সুরে
গানের স্বপন জাগে মানসপুরে,

বিজয়া

নাম্বলে ঝাঁধার পল্লীবালা তুলসী-তলায়
তায় গো পিদিম জেলে ।

গাঁড়ের জলে ভাটিয়ালির স্বরে
মাঝীরা সব দেবতাদের নাম করে,
অনন্তেরি নিত্যপূজা মন্দিরে হয়—
সন্ধ্যেবেলা এলে ।

গঙ্গাতীরের মিষ্টি-নরম মাটি,
তার ওপরেই আমরা সবাই ইঁটি,
সেই মাটিতেই মাঝুষ মোরা, চাইনা স্বরগ
মাটির বাংলা ফেলে ।

সাম্নেই খানিক-স্পষ্ট, খানিক-অস্পষ্ট পাহাড়ের পর পাহাড়ের
শিখর ক্রমাতিউচ্চ হয়ে নীলাকাশের সোপানশ্রেণীর মতন উপর-পানে
উঠে গিয়েছে এবং তারই সব-চেয়ে-উচু শিখরের উপরে মুকুটের মতন
জেগে রয়েছে, জলন্ত চাঁদ । এই সুন্দুর বিদেশের বাগান থেকে অজানা
সব ফুলের গন্ধ জেগে উঠে মনের ভিতরে মাদকতার আবেশ এনে
দিচ্ছিল এবং রাণী বিজয়াকে দেখাচ্ছিল, যেন এক জ্যোৎস্নাগড়া দেবী-
প্রতিমার মত ।

এরই ভিতরে অমিয়ের গান আজ বাংলার কোকিল-পাপিয়ার
অভাব পূরণ করলে—আমাদের মনে হ'তে লাগল, আমরা যেন আবার
সেই বাংলাদেশের সবুজ কোলের ভিতরেই আপন-জনের কাছে ব'সে
আছি !

বৌরেনদার স্তুতা ক্রমেই বিশ্বাস্কর ও সন্দেহজনক হয়ে উঠছে !

বিজ্ঞা

সে নির্বাকভাবে ঘাসের উপরে গা বিছিয়ে দিয়ে আকাশের দিকে চেয়ে
ছিল;” নিম্পলক নেত্রে ।

অমিয়ের গান থেমে গেল । রাণী কিছুক্ষণ মৌন থাক্কবার পর ধীরে
ধীরে মৃদুস্বরে বললেন, “অমিয়বাবু, আজ আপনার গান আমাকে
ভুলিয়ে দিয়েচে, আমি বিদেশে আছি । অনেক—অনেক বছর পরে
আমার মনের ভিতর থেকে আজ এই প্রবাসের দৃঢ় মুছে গেল ।
এই আনন্দের জগ্নে আমি আপনাদের সকলকেই প্রণাম করি ।”

চতুর্দশ পরিচ্ছন্দ

‘ভানুমতীর খেল’

পরের দিন খুব সকাল-বেলায় ঘূম থেকে উঠেই দেখি, আমাদের ঘরখানা জনতায় পরিপূর্ণ হয়ে গিয়েছে !

ঘরের ভিতরে লোক দাঢ়িয়ে রয়েছে প্রায় পঁচিশ-ত্রিশজন। সকলেরই মুখ অত্যন্ত গন্তব্য এবং সকলেরই দেহ কাঠের পুতুলের মতন অত্যন্ত আড়ষ্ট।

প্রথমটা আমার বুক যেন ছাঁৎ ক'রে উঠল ! কে এরা ? সেই হতভাগা জুজুর কাছে এরা কি আমাদের মুগ্ধগুলোকে ধড় থেকে আলাদা করবার জন্যে নিয়ে যেতে এসেছে ? ধড়মড়িয়ে উঠে ব'সে পাশ থেকে বন্দুকটা তুলে নিলুম। কিন্তু তার পরেই দেখলুম, বিছানার উপরে বীরেন্দা আর অমিয় অত্যন্ত প্রশান্ত মুখে গদীয়ানি চালে ব'সে রয়েছে।

বীরেন্দা শান্তভাবে হেসে বললে, “তব নেই সরল-ভাঙা ! তোমার মনের কথা আমি বুঝতে পেরেচি। কিন্তু এদের দেখে তুমিও কি বুঝতে পারচ না যে, এরা হচ্ছে সেই জুজুর ত্যাদড় পুরুতের দল ? এরা বোধ হয় আমাদের নিয়ে যেতে এসেচে ।”

ঘরের লোকগুলোর দিকে ফিরে দেখলুম, এদের সাজগোজ এখানকার সাধারণ লোকগুলোর মতন নয়। এদের মাথায় রয়েছে পাথীর পালোকের মুকুট, সর্বাঙ্গে আঁকা নানান-রকম অঙ্গুত উল্কি, হাতে বৰা

বিজ্ঞান:

ৰা ধনুকের বদলে এক-একটা কালো রঙের লাঠি এবং কোমরে লেংটির
বদলে বাষের ছাল।

লোকগুলোর চোখে কোনোকম বন্ধুত্বের ভাব না মাথানো থাকলেও
ভয়, সন্ত্রম অথচ অবিশ্বাসের আভাস যেন রীতিমতই পাওয়া গেল।

আমাদের সকলকে জেগে উঠতে দেখে তারা হাত তুলে দরজার
দিকে অঙ্গুলিনির্দেশ করলে।

বীরেন্দা বললে, “সৱল ! অমিয় ! তাড়াতাড়ি বিছানা ছেড়ে
উঠে পড় ! মৃথ-হাত-পা ধুয়ে নাও ! তারপর আমাদের কার্দানি
দেখিয়ে এই ব্যাটাদের চক্ষু স্থির ক’রে দেব !”

* * *

রাজবাড়ীর সামনের মাঠে গিয়ে দেখি, লোকে লোকারণ্য ! মন্ত্র
মাঠ, প্রায় মাইল-থানেক লম্বা। চওড়াতেও সেইরকম। কিন্তু অত-
বড় মাঠেও আজ তিলধারণের ঠাই নেই। এ-রাজ্যের ছেলে-বুড়ো-
মেয়ে যেখানে যে ছিল, সবাই আজ এইখানে এসে জুটেছে। মাঠ ভ’রে
কিলবিল্ করছে কালো কালো সব ভূত-পেঁচারির মতন অগুস্তি চেহারা !
নজরে যতখানি পড়ল—প্রত্যেকেই মুখ ভয়, সন্ত্রম আৱ কৌতুহলে
ভৱা !

মাঠের মাঝখানে একটা উঁচু মঁচার মতন করা হয়েছে, সেইখানেই
আমাদের নির্দিষ্ট স্থান। রাণী বিজয়াও সেই মঁচার উপরে ব’মে
আছেন, তিনি আজ আমাদের মধ্যস্থ হবেন,—অর্থাৎ আমাদের কথা
সকলকে বুঝিয়ে দেবেন।

মঁচার তলাতেই প্রায় চার-পাঁচশো লোক রয়েছে, তাদের সকলেরই

বিজয়া

সাজগোজ আমাদের ঘরে আজ সকালে যাদের দেখেছি, তাদেরই মতন।
বুরলুম, এরা হচ্ছে এই রাজ্যের পুরোহিতের দল। ভালো ক'রে
চেয়ে দেখলুম, প্রত্যেক মুখেই ঘণা ও অবিশ্বাসের আভাস ! আমাদের
ভেঙ্গীবাজি যদি তাদের মনের মতন না হয়, তাহ'লে আমাদের অবস্থাও
যে আরামদায়ক হবে না, তাও বেশ বোৰা গেল।

আচম্ভিতে শিঙ্গা ও দামামা বেজে উঠল। সঙ্গে সঙ্গে রাণী বিজয়া
উঠে দাঢ়িয়ে বললেন, “বীরেনবাবু, এইবাবে আপনার ম্যাজিক স্ফুর
করুন—যদিও সে ম্যাজিক দেখে আমি ভুলব না !”

বীরেনদা উঠে দাঢ়াল। একবার লোক ভুলোবার জন্তে আকাশ
পানে মুখ ও হাত তুলে চোখ মুদে খানিকক্ষণ দাঢ়িয়ে রইল, তারপর
মুখে গান্তীর্যের বোৰা নামিয়ে প্রাণপণে চক্ষ বিস্ফারিত ক'রে চেঁচিয়ে,
হাত-পা ছুঁড়ে বললে, “ওরে অসভ্য বনমাহুষের দল ! তোৱা নাকি
আমাদের বলি দেবাৰ মৎলোব কৱেচিস ? তোৱা কি জানিস যে,
আমোৰা একটা ক'ড়ে আঙুল তুললে তোৱা সবাই এখনি ভগবান জুজুৱ
অভিশাপে পুড়ে ভস্ম হয়ে যাবি ! তোৱা আমাদের ক্ষমতা দেখতে
চাস্ ? বেশ, তবে তাই গ্রাথ ! এই চেয়ে গ্রাথ, আমাৰ হাতে একটা
জিনিষ রয়েচে। এই জিনিষের গুণে চক্র-স্তর্য, পাহাড় আৱ সন্দূৱেৱ
সমস্ত দৃশ্য আমাদেৱ কাছে এসে ধৱা দেবে। যদি বিশ্বাস না হয়, জুজুৱ
প্ৰধান পুরোহিত আমাৰ কাছে আসুক, স্বচক্ষে সে আমাৰ ক্ষমতা
দেখে যাক ।”

বীরেনদাৰ হাতেৱ জিনিষটা আৱ কিছুই নয়, দূৱৰীণ।

রাণী বীরেনদাৰ কথাগুলো সবাইকে বুৰিয়ে দিলেন। জুজুৱ প্ৰধান

বিজ্ঞা

পুরোহিতের মুখে বিশ্বয় আৱ সন্দেহেৰ ভাব ফুটে উঠল। পায়ে থতমত খেয়ে সে আমাদেৱ কাছে এগিয়ে এল। বীৱেনদা দুৱীণটা তাৱ চোখেৱ সাম্বনে ধৱলে। দুৱীণেৱ ভিতৱ দিয়ে মিনিটখানেক বাইৱেৱ জগৎ দেখেই বড় পুৱতেৱ গাভয়ে ঠক্ ঠক্ ক'ৱে কাপতে লাগল—তাড়াতাড়ি দুৱীণ থেকে মুখ সৱিয়ে নিয়ে সে আগে হতভন্নেৱ মতন আমাদেৱ মুখেৱ পানে তাকিয়ে দেখলে, তাৱপৱ দুৰ্বোধ ভাষায় কি-একটা চৌকাৱ কৱতে কৱতে দ্রুতপদে পুৱতদেৱ দলেৱ ভিতৱে গিয়ে তুকে প'ড়ে কোথায় গাঢ়াকা দিলে।

ৱাণী আমাদেৱ দিকে ফিৱে বললেন, “ও বলচে আপনাৱা সবাই ‘স্বৰ্গীয় যাতুকৱেৱ বাচ্ছ’ !”

তাৱপৱ দ্বিতীয় ‘ম্যাজিকে’ৱ পালা হচ্ছে আমাৱ। একখানা আতসী কাঁচ সকলেৱ চোখেৱ সাম্বনে উঁচু ক'ৱে তুলে ধ'ৱে আমি চেঁচিয়ে বললুম, “হে জুজুৱ ভঙ্গবৃন্দ ! তোমৱা সবাই শোনো। আমাৱ হাতে এই যে পৰিত্ব জিনিষটি দেখচ, বহুপুণ্যফলে এটি আমি লাভ কৱেচি। এৱ মহিমায় স্বয়ং স্মৃত্যুদেৱ আমাদেৱ বশীভূত হয়েচেন। এখন আমি আদেশ কৱলে তিনি আমাৱ সমস্ত শক্তকে ভশ্মীভূত ক'ৱে ফেলবেন। তোমাদেৱ কেউ যদি পৱীক্ষা কৱতে চাও, তাহ'লে এগিয়ে এস,—আমি তাৱ শৱীৱেৱ যে-কোন স্থানে ভয়ানক আগুন জ্বেলে দেব !”

ৱাণী আমাৱ কথাৱ পুনৱাবৃত্তি কৱলেন, কিন্তু বিপুল জনতা আতঙ্কে একেবাৱে স্থিৱ হয়েই রইল, একজন লোকও সাহস ক'ৱে অগ্রসৱ হ'ল না।

তখন আমি আর কিছু না ব'লে একখানা শূকনো পাতা কুড়িয়ে
নিয়ে তারই উপরে আতসৌকাঁচ ধ'রে সৃষ্ট্যরশি কেন্দ্ৰীভূত কৱলুম। পাতা-
খানা যেই দাউ-দাউ ক'রে ঝ'লে উঠল, সমস্ত মাঠের লোক একসঙ্গে
চীৎকারের পর চীৎকার কৱতে লাগল—সে ভীষণ চীৎকারে কাণ
যেন ফেটে ঘাবার মৃতন হ'ল !

চীৎকার থামলে পর তৃতীয় ‘ম্যাজিক’ দেখালে অমিয়। প্রথমে সে
একটা দেশলাইয়ের বাল্ল সকলকে দেখালে। তারপর বললে, “এই যে
পৰিত্র দ্রব্য, এটি ভগবান জুজু নিজে আমাকে দান কৱেচেন। এৱ
সঙ্গে সৰ্বগ্রাসী অগ্নিদেব আমার কাছে বন্দী হয়ে আছেন। এই দেখ
তার প্ৰমাণ”—ব'লেই সে ফস্ ক'রে একটা দেশলাইয়ের কাঠি জেলে
ফেললে।

তারপর আবার সেই চীৎকার আৱ চীৎকার !

পুৰুতদেৱ পানে তাকিয়ে দেখলুম, তাৱাও চীৎকার কৱছে না বটে,
কিন্তু তাদেৱ সকলকাৱ চক্ষু বিশ্বয়ে বিস্ফারিত, মুখ ভয়ে বিবৰ্ণ !

তারপৰ আমৱা তিনজনেই নিজেৱ নিজেৱ বন্দুক তুলে নিলুম।

বীৱেন্দা বললে, “এইবাবে তোমৱা আমাদেৱ আৱ এক শক্তি দেখ !
আহাদেৱ হাতে এই যে তিনটি জিনিষ দেখচ, এগুলি হচ্ছে আকাশেৱ
বজ্জ। ভগবান জুজু এই বজ্জেৱ দ্বাৱা শক্ৰবধ ক'ৱে থাকেন। এইই
দ্বাৱা আমৱা সেদিন জুজুৱ এক অবাধ্য পুৰুতেৱ হাত ভেঞ্জে দিয়েচি—
দয়া ক'ৱে তাৱ প্ৰাণটা আৱ নিই নি !”

সামনেৱ একটা গাছেৱ উঁচু ডালে একঁক শকুনি ব'সেছিল।
আমৱা প্ৰত্যেকেই তাদেৱ এক-একটাকে লক্ষ্য ক'ৱে বন্দুক তুললুম।

বিজ্ঞা

ৰোড়া টেপার সঙ্গেসঙ্গেই তিনটে বন্দুক গজ্জন ক'রে উঠল এবং পৱ-
মুহূর্তে তিনটে শকুনি ঘুরতে ঘুরতে মাটির উপরে প'ড়ে গেল !

বিপুল জনতার ভিতর থেকে এবারে যে ভয়ার্ত চীৎকার উঠল, তার
আর তুলনা নেই। তারপরেই সেই হাজার হাজার লোক মাঠের উপরে
লম্বা হয়ে শুয়ে প'ড়ে আমাদের উদ্দেশে ভক্ষিভরে বার বার প্রণাম
করতে লাগল।

বীরেন্দা বললেন, “হে জুজুর প্রিয় সন্তানগণ ! তোমাদের কোন
আশঙ্কা নেই। তোমরা যদি আমাদের অনুগত থাকো, তাহ’লে আমরা
তোমাদের মঙ্গল করব। কিন্তু আমাদের সঙ্গে শক্রতা করলে আমাদের
এই বজ্র তোমাদের কা঳কেই ক্ষমা করবে না, অতএব সাবধান, সাবধান,
সাবধান !”

তারপরেই জুজুর পুরুষের দল এগিয়ে এসে মঞ্চের সামনে ঢুই হাত
তুলে, মাথা হেঁট ক'রে হাঁটু গেড়ে ব’সে পড়ল।

রাণী বললেন, “পুরুত্বা স্বীকার করচে, আজ থেকে ওরা আপনাদের
দাস হয়ে রইল। আপনারা হাত তুলে ওদের অভয় দিন !”

আমরা অভয় দিলুম !

পঞ্চদশ পরিচ্ছেদ

মৃত্যু-যুক্ত

এই বে বিজয়া মেয়েটি, আমাদের সকলেরই চোখে একে বড় মিষ্টি
লাগল।

দেশে বে-সব মেয়ে ছিল আমাদের চেনা, তাদের সঙ্গে বিজয়ার
কিছুই মেলে না—সে বাঙালীর মেয়ে, এই পর্যন্ত! আর তার কারণও
বোবা শক্ত নয়। বাল্যবয়স থেকেই সে এই অসভ্যদের দলের ভিতরে
বন্ত প্রকৃতির মাঝখানে মাঝুষ হয়েছে—আদব-কায়দা বা সামাজিকতা,
কিছুই সে শেখেনি এবং যেটুকু শিখেছিল তাও বোধ হয় ভুলে গিয়েছে।
তাই বাঙালী পুরুষদেরও চেয়ে সে বেশী সপ্রতিভ এবং বেশী স্বাধীন—
পাঁচজন সভ্য মাঝুষের সঙ্গে মিশতে গেলে মাঝুষের যেটুকু আত্মগোপন
করার দরকার হয়, সেটুকু খল-কপটতাও তার কথায় বা ব্যবহারে বা
ভাব-ভঙ্গিতে ছিল না!

ফলে দিন-দশেকের ভিতরেই বিজয়া আমাদের সঙ্গে একেবারে
আমাদেরই মতন হয়ে মিলে-মিশে গেল—আমরা যে যুবক এবং সে যে
রূপসী যুবতী, তার ভাব দেখলে মনে হ'ত, এ সঙ্কোচ তার মনের ভিতরে
যেন একবারও উঁকি দেয় নি।

সে আম্যুদের নাম ধ'রে ‘তুমি’ ব'লে ডাকতে স্বীকৃত ক'রেছিল

বিজয়া

এবং আমাদেরও মানা ক'রে দিয়েছে, আমরাও যেন তার ‘রাণী’ উপাধি
বাদ দিয়ে নাম ধ'রে তাকে ডাকি !

এমন এক কল্পনাতীত অবস্থায় তিন যুবকের ভিতরে একটিমাত্র
যুবতী এসে পড়লে উপন্থাসিকরা কত-রকম ‘মেলো-ড্রামাটিক’ ঘটনার
সরস কল্পনা করতে পারতেন, কিন্তু দৃঃখের বিষয়, আমাদের এই মেলা-
মেশার ভিতরে এখন পর্যন্ত কোন বিচিরি ‘রোম্যান্স’ বা ঐ-জাতীয় আর
কোন-কিছুর দেখা পাওয়া যায় নি ।

তবে ‘রোম্যান্স’র একটা সন্দেহজনক ছায়া বোধ হয় বীরেন্দ্রা
আর বিজয়ার মাথার উপরে ছুলছে—যদিও সে ছায়াকে এখনো কায়া
ব'লে ভুম হয় না ।

ওরা দুজনেই চুরি ক'রে পরস্পরের দিকে চায় এবং পরস্পরের সঙ্গে
চোখেচোখি হ'য়ে গেলেই লজ্জা পেয়ে মুখ ফিরিয়ে নেয় । এক নম্বরের
প্রমাণ ।

বিজয়ার অবর্ত্তনে বীরেন্দ্রা খালি তার নাম করে এবং বীরেন্দ্রার
অবর্ত্তনে বিজয়াও করে ঘন ঘন তারই নাম । হ নম্বরের প্রমাণ ।

দুজনকে খুসি করবার জগ্নে ওদের দুজনেরই কী প্রাণপণ চেষ্টা !
এবং পরস্পরের মুখের তুচ্ছ কথাও মনের মতন না হ'লে, ওরা
. দুজনেই অসন্তুষ্ট-রকম অভিমান ক'রে বসে । এই হ'ল তিন নম্বরের
প্রমাণ ।

এরং আরো চের প্রমাণ আছে । অলঙ্কাৰ থেকে ফুলবাণ ছোড়াৰ
বদ-অভ্যাসের জগ্নে ষে-দেবতাটি অত্যন্ত বিধ্যাত, তবে কি তিনি
এৱ-মধ্যেই আমাদের ভিতরে তাঁৰ শিকাইকে খুঁজে পেয়েছেন ?

বিজয়া

বীরেন্দাকে এ-রকম কোন প্রশ্ন করলেই সে ভারি খাম্পা হয়ে ওঠে। আজকাল আবার বলতে স্বরূপ করেছে যে, “দেখ, তোমরা যদি এমন ফাজ্লামি কর, তাহ'লে এবার আমি গায়ের জোরে তোমাদের মুখ বন্ধ করব !”

অমিয় বলে, “বীরেন্দা ! ইংরেজরা বছরে বছরে এত লোককে ফাঁসি দিয়েও আর জেলখানায় পাঠিয়েও দুর্বল ভারতবাসীর মুখ গায়ের জোরে বন্ধ করতে পারলে না। গায়ের জোরে তুমিই বা কেমন ক'রে আমাদের মুখ বন্ধ করবে ?... ... সত্যি বীরেন্দা, তোমার পায়ে পড়ি, বলনা, তুমি কাকে ভালোবাসো ?”

বীরেন্দা রেগে তিনটে হয়ে চেঁচিয়ে বলে, “কাঙ্ককে না, কাঙ্ককে না,—আমি ভালোবাসি খালি নিজেকে !”

অমিয় চোখে দৃষ্টুমির ভাব আর গলায় অভিমানের স্বর এনে বলে, “ছিৎ বীরেন্দা, ছিৎ ! তুমি তাহ'লে আমাদেরও ভালোবাসো না ?”

—“না, না ! আমি তোমাদের স্বণা করি !”

অমিয় কোমরে হাত দিয়ে নাচতে নাচতে গান স্বরূপ ক'রে দেয় :—

হায় রঘুনার চোথ !
তোমার তরে বন্ধু হ'ল
বিষম শক্রলোক !
চোথের চাকর করলে ঘাকে
ভগবানও পান্না তাকে,

বিজ্ঞা

এই ছনিয়ায় সব ছেড়ে তার
তোমার পরেই খোঁক !

বীরেন্দা তখন হার মেনে সেখান থেকে স'রে পড়ে !

◦ ◦ ◦

সমুদ্রে চাদ উঠছে। মনে হচ্ছে, ঐ সমুজ্জল রহ্ম-গোলকই যেন
সমস্ত আকাশ আৱ পৃথিবীৱ আশা-আকাঙ্ক্ষাৰ কেন্দ্ৰ, নিখিল
মানবেৱ চিত্ত তাই নিত্য ওৱাই মধ্যে গিয়ে আলোক-শয্যায় শুয়ে
থাকতে আৱ অনস্ত আনন্দেৱ স্বপ্ন রচনা কৰতে চায়।

সমুদ্রে চাদ উঠছে। আৱ বিপুল সমাৱোহে ভৱা সেই অসীম
নীলজলেৱ জগৎ গলিত হীৱকস্ত্রোতে পৱিণত হচ্ছে।

সমুদ্রে চাদ উঠছে। আৱ জ্যোৎস্না-নিৰ্বারে আমাদেৱ মনেৱ
ভিতৱ্বটা পৰ্যন্ত কাপে অপৰাপ হয়ে যাচ্ছে। এবং প্ৰাণ উচ্ছুসিত হয়ে
বলতে চাইছে, মাটি-মায়েৱ উদাৱ কোলে, এই সুন্দৱ পৃথিবীতে
আমৱা যে বেঁচে আছি, আমৱা যে খেলা কৰছি, এৱ চেয়ে বড় কথা
কিছু নেই, আৱ কিছু নেই !

বালিৱ নৱম বিছানায় আমৱা তিনজনে ব'সে আছি আৱ বিজয়া
ছিল উপুড় হয়ে শুয়ে—ছই কহুইয়ে ভৱ দিয়ে দেহেৱ উপৱাৰ্হ
তুলে !

অজ্ঞানা দৌপৰে নাম-না-জ্ঞানা পাখী নিজেৱ ভাষায় কি গান
গাইছিল এবং বাতাস কৱছিল তৌৱেৱ সবুজ বনেৱ সঙ্গে প্ৰেমালাপ !

বীরেন্দাৰ চোখেৱ দৃষ্টি আজ অনস্ত সাগৱেৱ ভিতৱ্বে হাৱিয়ে
গিয়েছে !

বিজয়া

বিজয়া খানিকক্ষণ অবাক হয়ে বীরেন্দ্রার মুখের পানে তাকিয়ে
রইল ; তারপর পাতলা ফুলের পাপড়ির মতন ঠোটছথানি মধুর
হাসিতে রঙ্গিন ক'রে তুলে বললে, “বীরেন, কি ভাবচ ভাই ?”

বীরেন্দ্রা চম্কে মুখ ফেরালে ; একটা দীর্ঘশ্বাস ফেলে বললে,
“দেশের কথা ।”

—“কেন- ভাই তোমরা খালি দেশের কথা ভাবো ? আমার
কাছে থাকতে কি তোমাদের ভালো লাগে না ?”

—“কেন ভালো লাগবে না বিজয়া ! খুব ভালো লাগে । কিন্তু
সোনার খাঁচায় ব'সে বনের পাথী মনের স্বর্থে গান গাইলেও সে
কি বনের স্বতি মনের ভিতর থেকে মুছে ফেলতে পারে ?”

বিজয়া আর কোন জবাব দিলে না ।

অমিয় আনন্দনে গুণ গুণ ক'রে গাইতে লাগল :—

আজ আকাশের রূপ-সায়রে
যায় ভেসে যায় আঁখি,
মনকে কে আজ দেয় পরিয়ে
রাঙ্গা ফুলের রাখী !

* * * *

কোনু রূপসী দৃষ্টি-বীণায়
নীরব গানের ছন্দ শোনায়,
চিন্ত আমার নৃত্য করে
স্বপ্নপূর্ণ মাথি !

বিজয়া

তারার মালা পৰ্বে ব'লে
চুট্টি চাদের ঘূম,
বনের ছায়ায় উঠ্টি বেজে
বিলীর বুম্বুম !

* * * *

শামল ধৱায় আলোয় আলো ! . .
কে আজ আমায় বাস্বে ভালো !
তাই তো আমি মনে মনে
নাম ধ'রে তার ডাকি !

আবার কিছুক্ষণ চুপচাপ কেটে গেল ! তারপর বিজয়া আবার
বীরেন্দাকে স্বর্ণলে, “আচ্ছা ভাই, আজ যদি এখানে হঠাতে কোন
জাহাজ এসে পড়ে, তাহ'লে তোমরা কি কর ?”

—“দেশে চ'লে যাই ।”

—“আমাকে এখানে ফেলে ?”

—“তোমাকে ফেলে যাব কেন ? তোমাকেও নিয়ে যাব !”

বিজয়া দুঃখিত ভাবে মাথা নেড়ে বললে, “বলেচি তো ভাই,
দেশের দরজা আমার সাম্মনে বন্ধ ! সেখানে আপন বলতে আমার
আর কেউ নেই !”

—“কেন, আমরা তো আছি বিজয়া ! আমাদের কাছে তুমি
থাকবে !”

—“তোমাদের সমাজ আর আমাকে চাইবে কেন ? এই
বুনোদের সঙ্গে থেকে আমার যে জাত গিয়েচে ।”

—“মাঝুমের জাত কথনো যায় না বিজয়া ! মাঝুষ —”

বীরেন্দার মুখের কথা মুখেই রইল—হঠাতে চারিদিক কাঁপিয়ে
একসঙ্গে প্রায় পঁচিশ-ত্রিশটা বন্দুক গজ্জন ক'রে উঠল ! —তারপরেই
অসংখ্য লোকের চীৎকার ও আর্তনাদ এবং তারপর আবার বন্দুকের
পর বন্দুকের আওয়াজ !

আমরা সকলেই একলাফে দাঢ়িয়ে উঠলুম !

বিজয়া ভয়ে আঁককে ব'লে উঠল, “ও কিসের গোলমাল ? অত
বন্দুক কে ছেঁড়ে ?”

গ্রাম থেকে আমরা খানিক তফাতে এসেছি। সমুদ্রতীর আর
গ্রামের মাঝখানে দাঢ়িয়ে রয়েছে পাঁচিলের মতন গাছের সারি। কিন্তু
গাছগুলোর পাতার ফাঁক দিয়ে দাউ-দাউ-দাউ আগুনের রাঙা হাসি
ফুটে উঠল আচম্ভিতে। বেশ বোৰা গেল, গ্রামের ভিতরে একটা বিপুল
অগ্নিকাণ্ড উপস্থিত হয়েছে !.....বন্দুকের শব্দ সমান চলছে—মাঝুমের
আর্তনাদ ক্রমেই বেড়ে উঠছে !

বিজয়া বললে, “গাঁয়ে আগুন লেগেচে ! আমার প্রজারা কাঁদচে !”
—সে ছুটে গাঁয়ের দিকে যেতে গেল !

বীরেন্দা এগিয়ে তার একখানা হাত চেপে ধ'রে বললে, “কোথা
যাও ? দাঢ়াও !”

বিজয়া আকুল স্বরে বললে, “ছাড়ো বীরেন, হাত ছাড়ো ! দেখচ
না, আমার প্রজারা বিপদে পড়েচে ? তোমরাও চল !”

বীরেন্দা মাথা নেড়ে বললে, “তুমিও যাবে না, আমরাও যাব না।
যেচে মুরগের মুখে গিয়ে লাভ কি ! বুঝচ না, বোঝেটে চ্যাঙ্গের দল

বিজয়া

জুজুর মন্দির আক্রমণ করেচে ? ওরাই বন্দুক ছাঁড়চে আৱ সকলেৱ
ষৱ জালিয়ে দিয়েচে !”

বিজয়াৰ মুখ ফ্যাকাসে হয়ে গেল। একটু থেমে বললে, “তুমি ঠিক
বলেচ। এতক্ষণে ব্যাপারটা আমি বুৰাতে পেৱেচি। কিন্তু উপায় কি ?
চ্যাং আমাৰ নিৱীহ প্ৰজাদেৱ খুন কৱবে, আৱ আমোৱা এখানে হাত
গুটিয়ে দাঁড়িয়ে থাকব ? তা তো হয় না ! তাৱ চেয়ে আমি চাঁড়েৰ
কাছে মিনতি ক’ৱে বলিগে, ‘একবাৱ আমি তোমাৰ প্ৰাণ বাচিয়েছিলুম,
আজ তুমি আমাৰ কথায় আমাৰ প্ৰজাদেৱ ক্ষমা কৱ !’ সে আমাৰ
কথা শুনবে বোধ হয় !”

—“সে তোমাৰ প্ৰজাদেৱ ক্ষমা কৱবাৱ জগ্যে এতদূৱে আসেনি
বিজয়া ! চ্যাংকে এখনো তুমি চেনোনি—মাহুষেৰ আকাৱে সে বাস্কস।
তাৱ কাছে গেলে তুমি নিজেও বিপদে পড়বে !”

বিজয়া দৃষ্টিকষ্টে বললে, “তাহ’লে চল, আমোৱা তাকে বাধা দেব !”

বৌৱেনদা অনুশোচনাৰ স্বৱে বললে, “তাকে বাধা দেবাৱ উপায়
থাকলে আমোৱা কি এতক্ষণ এখানে থাকতুম ? দেখচ না, আমোৱা
বন্দুক আনিনি যে ! এখন বন্দুক আনতে গেলেই বন্দী হব !”

বিজয়া হতাশ ভাবে ব’সে পড়ল। অগ্ৰিমিখায় তখন আকাশেৰ
একদিক লাল হ’য়ে উঠেছে, কিন্তু বন্দুকেৱ শব্দ ক’মে এল।
গোলমালও অনেকটা থেমে এসেছে—কেবল শোনা যেতে লাগল,
কতকগুলো লোক চীৎকাৱ ক’ৱে কাঁদছে !

আমি বললুম, “বিজয়া, তোমাৰ সমস্ত প্ৰজা এতক্ষণে নিশ্চয়ই
পালিয়ে গিয়েচে। কাঁদচে থালি আহতেৱা !”

বিজয়া

অমিয় বললে, “আঃ, হাত-হু'খানা যে নিম্পিস্ করচে ! বন্দুক
না এনে কী বোকামিহ করেচি, চৌনে-বাদরগুলোকে দেখিয়ে দিতুম
মজাটা !”

বৌরেনদা বললে, “ভুল আৱ শোধ্ৰাবাৰ উপায় নেই ।.....কিন্তু
আমাদেৱ পক্ষে আৱ এখানে থাকাও নিৱাপদ নয় ।”

বিজয়া বললে, “চ্যাং ভাবচে জুজুৱ মন্দিৱ লুট ক'ৱে রাজাৰ ঐশ্বৰ্য
পাবে ! কিন্তু তাৱ সে আশাৱ আমি ছাই দিয়ে এসেছি !”

—“কি-ৱকম ?”

—“তোমাদেৱ মুখে যখনি শুনলুম দলবল নিয়ে চ্যাং আবাৰ এই
দৌপে এসেচে, তখনি আমি সাবধান হৰেচি । জুজুৱ সমস্ত ধনৱত্ত আমৱা
এক লুকনো জায়গায় পুঁতে রেখেচি—চ্যাং সাৱাজীৰন ধ'ৱে খুঁজলেও
তা পাবে না !”

বৌরেনদা বললে, “তাহ'লে চল চল, আমাদেৱ আৱ এক মুহূৰ্তও
এখানে থাকা উচিত নয় ! জুজুৱ মন্দিৱ খালি দেখে চ্যাং এতক্ষণে
নিশ্চয়ই তোমাকে ধৱবাৰ জত্তে চাৱিদিকে লোক পাঠিয়েচে । এখানে
থাকলে তুমি বিপদে পড়বে !”

অমিয় বললে, “আৱ পালানো মিছে ! ঐ দেখ, কাৱা এদিকে
আসচে !”

সৰ্বনাশ ! সত্যই তো, গাছেৱ তলাৱ পথ দিয়ে জন দশ-বাবো
লোক হন্হন্হ ক'ৱে এগিয়ে আসছে—আমাদেৱ দিকেই !

আমৱা আড়ষ্ট হয়ে দাঢ়িয়ে রাইলুম !

আগস্তকদেৱ সকলোৱ আগে আগে আসছে কং হিং এবং তাৱ

বিজয়া

পিছনেই বিপুলবপু চাঃ,—সমুদ্রের প্রবল বাতাসে তার সেই লম্বা গোফ-জোড়া ফর্ফর ক'রে ছদিকে উড়ছে !

কং হিং তার সদাহাস্তময় মুখে আরো বেশী হাসি ফুটিয়ে বললে,
“আরে আরে, বীরুবাবু যে ! আরে আরে, সরুবাবু—অমিবাবুও যে !
তাহ'লে তোমরা বেঁচে-বর্তে মনের স্থখে আছ ? বেশ, বেশ ! আমি
ভেবেছিলুম, এতদিনে তোমরা পাতালের ভূত হয়ে পেট ভ'রে জলপান
করচ !”

বীরেন্দা বললে, “আমরাও ভেবেছিলুম তোমাদের ঈ স্বচেহারা
এ-জন্মে আর দেখতে পাব না। তাহ'লে মানোয়ারি জাহাঙ্গের গোল
তোমাদেরও হজম করতে পারে নি ?”

—“না। বড়-জোর চঙ্গু কি গুলি খাওয়ার অভ্যাস আছে, ও
গোলা-টোলা আমাদের ধাতে সহ হয় না।……আরে, তোমাদের সঙ্গে
ওটি কে ? এই দ্বীপের রাণী বুঝি ? অমেরা যে ওঁকেই খুজতে এখানে
এসেচি—সেলাম, রাণী-মাহেবা !”

বীরেন্দা বললে, “কেন, রাণীর কাছে তোমাদের কি দরকার ?”

—“বিশেষ কিছুই নয়। ওঁর কাছে খালি জানতে এসেচি, জুজুর
ধনরাহু উনি কোথায় সরিয়ে ফেলেচেন ?”

বিজয়া সিধে হ'য়ে দাঢ়িয়ে তেজ-ভরা গলায় বললে, “সে খোজে
তোমাদের দরকার কি ?”

কং হিং খিল-খিল ক'রে হেসে বললে, “দরকার একটু আছে
বৈকি !”

—“আমি বলব না।”

—“রাণী-সাহেবা, একটু বুঝে-মুঝে কথা বলবেন ; এই যে চ্যাং-
ভাস্তাকে দেখচেন, একে চেনেন তো ? এর মেজাজ বড় ভালো নয় ।
আস্তে আস্তে আমাদের সঙ্গে আসুন, ধনরত্নের জায়গাটা কোথায়
দেখিয়ে দিন ।—নইলে— — ”

—“নইলে ?”

—“নইলে আমরা আদৰ ক'রে আপনাকে ধ'রে নিয়ে যাব ।”

—“আমি-যাব না !”

চ্যাঙ্গের দিকে ফিরে কং হিং মিনিট-খানেক চীনে-ভাষায় কি কথা
কইলে ।

চ্যাঙ্গের কৃৎসিত মুখের একটামাত্র চক্ষু দপ্ত ক'রে হঠাৎ-জ'লে
উঠল !—তাড়াতাড়ি সে বিজয়ার দিকে এগিয়ে এল ।

কিন্তু বৌরেনদাও তৈরি হয়েই ছিল—সে তখনি চ্যাং আৱ বিজয়াৰ
মাৰখানে গিয়ে দাঢ়াল এবং অত্যন্ত শান্ত ভাবে বললে, “আমাকে বধ
না ক'রে তুমি বিজয়াৰ গাছু'তে পাৱবে না !”

কং হিং বিশ্বিত কঢ়ে বললে, “ওকি বৌৰুবাৰু, ওকি ! আমাদেৱ
দলেৱই লোক হয়ে তুমি সন্দীৱকে বাধা দিতে চাও ?”

অমিয় খান্না হয়ে বললে, “কে তোমাদেৱ দলেৱ লোক ? জোৱ
ক'রে আমাদেৱ হাতে নৌলগোলাপেৱ ছাপ মেৱে দিয়েচ ব'লেই কি
ভাৰ্চ, আমৱা তোমাদেৱ গোলাম হয়ে থাক্ৰ ?”

কং হিং হাসিমুখে বললে, “তোমৱা বিজ্ঞোহী হ'লেও আমাদেৱ কিছু
ভয় নেই । এইখানেই আমাদেৱ দলেৱ আৱো কত লোক আছে, তা
দেখ্ৰ ? দৱকাৱ হ'লে আৱো লোক আসবে । তাৱ উপৱে তোমৱা

বিজয়া

নিরস্ত ! আমাদের সঙ্গে গোলমাল বাধালে বেশী স্ববিধে করে' উঠতে পারবে কি ?”

বৌরেনদা দৃঢ় স্বরে বললে, “আমাকে বধ না ক’রে কেউ বিজয়ার একগাছি চুলও ছুঁতে পারবে না !”

কাপড়ের ভিতর থেকে ফস্ক ক’রে একখানা চক্ককে ছোরা বার ক’রে বিজয়া বললে, “আমাকে কেউ ছোবার আগে এই ছোরার কথা মেন ভুলে না যায় ।” এই ব’লে সে ছোরাখানাকে বাগিয়ে ধ’রে এমন ভাবে ঝুঁথে দাঁড়াল, যে তার সেই মহিমময়ী তেজস্বিনী মূর্তি দেখে আমি মুগ্ধ হয়ে গেলুম । সে মূর্তি বাঙালীর মেয়ের নয়,—বাংলাদেশে মাঝুষ হ’লে বিজয়া এমন বুকের-রক্ত-তাতানো অপূর্ব মূর্তি ধারণ করতে পারত না । হ্যা, এই বিজয়া সিংহবাহিনীরই জাত বটে !

অমিয় নিজের বিপদের কথা ভুলে উন্মসিত কঢ়ে গেয়ে উঠল—

তুমি বিজয়িনী নারী !

কখনো মধুর, কখনো ভীষণ—

তোমায় চিনিতে নারি !

নয়নে প্রেলয়-মেলা,

মরণ খেলিছে খেলা,

ও-রূপ দেখিলে চরণের তলে

হাসিয়া মরিতে পারি !

কং হিংয়ের হাসি আরো মিষ্ট হয়ে উঠল । সে বললে, “ছোক্রা, তুমি গান থামাও । এখন গান শোনবার সময় নয় ।……বীরুবাবু, চ্যাং বলচে বে, তুমি দলের লোক ব’লেই সে এখনো সহ ক’রে আছে,

বিজ্ঞা

নইলে এতক্ষণে সে আছাড় মেরে তোমার দেহকে গুঁড়ো ক'রে
দিত !”

বীরেন্দা সহজ ভাবেই বললে, “বেশ তো, চ্যাং একবার সেই
চেষ্টাই ক'রে দেখুক না !”

—“বল কি বীরুবাবু ! তুমি কি শোনোনি, চ্যাঙের গায়ে জোর
কত ? চীনদেশে সে একজন বিখ্যাত পালোয়ান ব্যক্তি—জীবনে সে
কখনো কোনদিন কারুর কাছে হারে নি !”

বীরেন্দা হেসে বললে, “জীবনে আমার সঙ্গেও চ্যাং কোনদিন
লড়াই করে নি !”

—“তাহ'লে মরো !”—ব'লেই কং হিং চীনে-কথায় চ্যাংকে কি
বললে ।

বোধ হয় বীরেন্দা তার সঙ্গে লড়তে চায় শুনেই চ্যাং আকাশের
দিকে মুখ তুলে বিশ্রী ঝ'বুরা গলায় তৌত্র অট্টহাস্থ করতে লাগল—
তেমন ভয়ানক হাসি আমি আর কখনো শুনিনি !

বীরেন্দা ঠাস্ ক'রে চ্যাঙের গালে এক চড় মেরে বললে,
“তোমার ঐ বেশুরো হাসি আমার ভালো লাগচে না, শীগ্‌গির
চুপ কর !”

চড় খেয়ে চ্যাঙের মুখের ভাব যে-রকম হ'ল, দেখলেই বুকের
কাছটা শিউরে ওঠে ! তার সেই প্রায় সাত ফুট লঙ্ঘ দেহ যেন
আরো উঁচু হয়ে উঠল এবং ভৌষণ এক গর্জন ক'রে সিংহের মতন সে
বীরেন্দার উপরে লাফিয়ে পড়ল !

সঁ্যাং ক'রে একপাশে স'রে যেতে যেতে বীরেন্দা হৃষি ক'রে

বিজয়া

চ্যাঙের পাছায় এক লাথি বসিয়ে দিলে এবং টাল্ সামলাতে না পেরে চ্যাং তখনি দড়াম ক'রে মাটির উপরে প'ড়ে গেল। সঙ্গে সঙ্গে বৌরেনদা তার উপরে বা পিয়ে, সেই অবস্থায় তাকে ছুইহাতে জড়িয়ে ধরলে।

চ্যাংও প্রাণপণে জড়িয়ে ধরলে বৌরেনদাকে! তারপরে সেই আলিঙ্গনবন্ধ অবস্থাতেই ছজনে গড়াতে গড়াতে খানিক দূর চ'লে গেল!

বিজয়া কোতুক-ভরে ব'লে উঠল, “বা বৌরেন, চমৎকার, চমৎকার!

তারপর সে যে বিষম মরণ-যুক্ত শুরু হ'ল, আমি তা ভাষায় বর্ণনা করতে পারব না! চ্যাঙের গায়ে যে এমন আশ্চর্য শক্তি, আমিও তা কল্পনা করিনি! এতক্ষণ আমি নিশ্চিন্ত ছিলুম, কিন্তু এখন আমার ভয় হ'তে লাগল, আজ বুঝি বৌরেনদার মান ও প্রাণ ছইই একসঙ্গে নষ্ট হয়!

কখনো বৌরেনদা চ্যাঙের উপরে, কখনো চ্যাং বৌরেনদার উপরে এবং ধাক্কাধাকি ও আছড়া-আছড়ির সঙ্গে ঘুসি ও চড় সমান চলতে লাগল! বুঝলুম, চ্যাংও কুস্তি, যুগ্ম ও ‘বক্সিং’ জানে! তার উপরে তার দেহও বৌরেনদার চেয়ে লম্বায়-চওড়ায় ছয়েই বড়। হয়তো বৌরেনদার গায়ের জোর বেশী, এতক্ষণ ধ'রে তাই সে গুরুত্বার চ্যাঙের সঙ্গে বুঝতে পারছে! আর বৌরেনদার বয়সও চ্যাঙের চেয়ে অনেক কম, তাই তার দয়ও বোধ হয় বেশী!

যাকে ছজনের সারা অঙ্গ ভেসে যাচ্ছে এবং তাদের দাপাদাপিতে

বিজয়া

সমুদ্রতটের বালিগুলো উড়ছে যেন দম্কা ঝড়ের মুখে—আর ঘুসোযুসি
ও পরম্পরের গা-ঠোকাঠুকিতে শব্দ হ'চ্ছে যেন কাঠের উপরে কে খট-
খট ক'রে কাঠ ঠুকছে !

অমিয় অশ্রান্ত ভাবে ব'লে চলছে—“এইবার বীরেন্দা ! মারো এক
ধোবী পাঁচ ! না, না,—কাঁচি মারো ! চ্যাং কাঁধ নামিয়েচে—এইবেলা
ওর চোয়ালে একটা ‘নক্-আর্টিট ব্লো’ ঝাড়ো ! সাবধান বীরেন্দা,
পিছিয়ে যেওনা—পিছনে একটা গর্ত ! আর ভয় নেই বীরেন্দা, চ্যাং
খুব হাপাচ্ছে—তুমি ওকে দমে মেরে দেবে” প্রভৃতি।

বিজয়া বলছে, “সাবাস বীরেন, সাবাস ! চ্যাং এইবারে ব্যাং হ'ল
ব'লে !”

ফিরে দেখলুম, চৌনে-বোঞ্চেটেগুলো অত্যন্ত উদ্বিগ্ন হয়ে যান্নযুক্ত দেখছে,
কিন্তু কং হিং দাঁড়িয়ে আছে পাথরের পুতুলের মতন নিশ্চল হ'য়ে, এবং
তার ঠোটে সেই সদাপ্রস্তুত হাসির লীলা !

এতক্ষণে আমার মনে আশা এল। সত্যি, চ্যাং বেজায় হাপাচ্ছে !

হঠাৎ চ্যাং আর্ণনাদ ক'রে উঠল ! তার সেই একটামাত্র চোখের
উপরে গিয়ে পড়ল বীরেন্দার এক বজ্র-মুষ্টি ! ডানহাতে চোখটা চেপে
ধ'রে সে তাড়াতাড়ি পিছনদিকে স'রে গেল !

কিন্তু বীরেন্দা তাকে ছাড়লে না, এগিয়ে গিয়ে বিহ্যৎ-বেগে সে
উপর-উপরি আরো গোটাকয়েক ঘুসি বৃষ্টি করলে—অঙ্গ চ্যাং প্রথমে
হাঁটু গেড়ে ব'সে, তারপর শুয়ে প'ড়ে অত্যন্ত অসহায় ভাবে বিষম যন্ত্রণার
কুকড়ে কুকড়ে ছট্টফট্ট করতে লাগল !

বীরেন্দা মাতালের মতন টল্লতে টল্লতে ফিরে দাঢ়াল, হয়তো সেও

বিজয়া

প'ড়ে যেত—কিন্তু বিজয়া ছুটে গিয়ে দুই হাতে তাকে আকুল ভাবে
জড়িয়ে ধরলে !

কং হিং তিক্ত স্বরে হেসে উঠে, চীনে-ভাষায় চেচিয়ে কি বললে—
সঙ্গে সঙ্গে আট-দশজন বোম্বেটের আট-দশটা বন্দুকের মুখ ফিরল,
আমাদের দিকেই !

—সঙ্গে সঙ্গে অনেকগুলো বন্দুকের আওয়াজ হ'ল এবং মনের ভিতর
দিয়ে যেন মরণের একটা ঝড় ব'য়ে গেল !

—কিন্তু আমরা মরলুম না, মাটির উপরে লুটিয়ে পড়ল চার-পাঁচজন
চীনে-বোম্বেটেই !

বিস্মিত ভাবে ফিরে দেখি, গাছের তলা থেকে পরে পরে মানোয়ারি
গোরাচার দল বেরিয়ে, বেগে আমাদের দিকে ছুটে আসছে !

আবার কতগুলো বন্দুকের আওয়াজ ! কং হিং আর বাকি
বোম্বেটেগুলো হতাহত হয়ে মাটির উপরে আছড়ে পড়ল !

জাহাজী কাপ্তেনের পোষাক-পরা এক সাহেব ছুটে এসে বীরেন্দ্রার
হই হাত ধ'রে ঝঁকানি দিয়ে প্রশংসা-ভরা গলায় বললে, “আমরা
লুকিয়ে দাঢ়িয়ে সব দেখেচি ! তুমি বীর !”

বীরেন্দ্রা শ্রান্ত হয়ে বালির উপরে ব'সে প'ড়ে বললে, “তোমরা
আমাদের প্রাণ আর এই বীর-মহিলার মান বাঁচালে ! ভগবান তোমাদের
পাঠিয়েচেন। ধন্তবাদ, অনেক ধন্তবাদ ! এখন এর বেশী আর কিছু
বলবার শক্তি আমার নেই !”

সাহেব বললে, “এই ভৌষণ একচোখে বোম্বেটের জগ্নে চীন-সমুদ্রে
বিভৌষিকার স্থষ্টি হয়েচে। তাই সরকার এর দলকে দমন করবার জগ্নে

বিজয়া

এই মানোয়ারি জাহাজ পাঠ্যেচেন। আজ ক'দিন ধ'রে আমরা পিছনে
পিছনে আছি, কিন্তু কিছুতেই এদের ধরতে পারি-নি। আজও হয়তো
এই হল্দে সয়তানের বাচ্চারা আমাদের চেখে ধূলো দিত, কেবল
তোমাদের জগ্নেই আজ একে বন্দী করতে পারলুম। তোমরাও আমার
ধন্বণ্ড নাও।”

ওদিকে চ্যাং আর একবার অনেক কষ্টে উঠে বসবার প্রাণপণ চেষ্টা
করলে, কিন্তু একটু উঠেই আবার বালির উপরে মুখ থুবড়ে প'ড়ে
গেল!

কং হিং দুই হাতে ভর দিয়ে রুক্ষান্ত দেহ নিয়ে উঠে বস্ল—তখনে
তার সারা মুখ হাসছে আর হাসছে! তেমনি হাসতে হাসতেই সে বললে,
“বীরুবাবু! তোমাদেরই জিঃ! তোমাদের বাঙালী জাতকে লোকে
কাপুরুষ আর দুর্বল বলে কেন? তোমরা বীর, তোমরা মরণের সামনে
দাঢ়িয়ে আমার মতন হাসতে পারো, তোমরা দুর্দান্ত চ্যাং আর তার
দলকে কুপোকাং করলে! মরবার সময়ে আমি তোমাদের নমস্কার
করচি—নমস্কার, নমস্কার!”—ব'লেই দু-হাত জোড় ক'রে কপালে
ছুঁইয়ে সে আবার এলিয়ে প'ড়ে গেল—আর একটুও নড়ল না!

কং হিংয়ের রহশ্যময় হাস্ত এ-পৃথিবীতে আর কেউ দেখতে
পাবে না!

বিজয়া

ষোড়শ পরিচ্ছেদ

সব ভালো যার শেষ ভালো

আজ সকালের প্রথম স্থর্যের আলোয় আকাশ আর পৃথিবী যখন
অগাধ শান্তির হাসি হেসে উঠল, আমাদের নৌকাও তখন ডাঙা ছেড়ে
সেই মানোয়ারি জাহাজের দিকে এগিয়ে চলল—কিছু দিন আগে যার
ভয়ে আমরা এই অজানা দ্বীপে পালিয়ে এসেছিলুম !

পালিয়ে এসেছিলুম তিনজনে, কিন্তু ফেরবার সময়ে দলে একজন
লোক বাঢ়ল। বোধ হয় বলতে হবে না যে, সে বিজয়া।

আমরা ছাড়া মানোয়ারি জাহাজেও আরো লোক বাঢ়ল। তারা
সেই বোম্বেটের দল—গোরাদের বন্দুকের মুখ থেকে বেঁচে তারা চলেছে
আজ ফাঁসীকাঠে ঝুলে মরবার জগ্নে।

তারাও জুজুর ধনরহ পেলে না, আমরাও হাতে পেয়ে তা ছেড়ে
দিলুম। কারণ বীরেন্দা বললে, “জুজুকে মানি আর না মানি, তিনি
এই দ্বীপের দেবতা। এই দেবতার জগ্নে বোম্বেটেদের হাতে অনেক
সরল, নিরীহ অসভ্য মানুষ প্রাণ দিয়েচে। তাদের রাণীকেও আমরা
হরণ ক’রে নিয়ে চলেছি, এখন বেচারীদের দেবতারও গয়না চুরি করলে
আমাদের পক্ষে মহাপাপ হবে !”

আমরাও বীরেন্দার কথায় সায় দিলুম।

বিজয়া

জাহাজ ছাড়ল।

ডেকের উপরে রেলিং ধ'রে বিজয়া দাঁড়িয়ে আছে— ছবির মতন
স্তুক হয়ে ।.....

নৌলাকাশের তলায় সেই সবুজ দ্বীপটি যখন ক্রমেই ছোট হয়ে স্বপ্নের
মতন মিলিয়ে গেল, তখন বিজয়ার চোখ দিয়ে ঝরতে লাগল অশ্রুবিন্দুর
পর অশ্রুবিন্দু !

বীরেন্দ্রা সমবেদনা-ভরা কঠে বললে, “বিজয়া, তুমি কাঁদচ !”

হাত দিয়ে চোখের জল মুছে বিজয়া বললে, “একদিন দেশ ছেড়ে
এখানে এসে অনেক কেঁদেছিলুম। কিন্তু আজ আমার মনে হচ্ছে, আমি
যেন স্বদেশ ছেড়ে আবার বিদেশের দিকে চলেচি !”

আমি বললুম, “না বিজয়া, তুমি তো বিদেশে যাচ্ছ না ! তোমার
মনের স্বদেশ যে এখন গ্রি বীরেন্দ্রার বুকের ভিতরেই !”

অমিয় বললে, “হায় রে হায় ! এক যাত্রায় পৃথক ফল ! বীরেন্দ্রা
তো ‘অ্যাডভেঞ্চার’ করতে এসে নিজের কাজ দিব্য গুছোলেন, কিন্তু
আমাদের বুকের ভিতরটাকেও স্বদেশ ব'লে মনে করবার লোক তো
পাওয়া গেল না ! অদৃষ্ট !”

বিজয়া ফিক্‌ ক'রে হেসে ফেলে বললে, “কেন, তোমাদের হিংসে
হচ্ছে নাকি ? তাহ'লে আগে বললেই তো হ'ত, আমার প্রজাদের
ভিতরে কুমারী কণ্ঠার অভাব ছিল না !”

অমিয় বললে, “মন্দ কথা নয় ! বীরেন্দ্রা দেখবেন রাণীর চাঁদমুখ,
আর আমাদের দন্ত ভাগে জুট্ট'বে কুষওপক্ষের অঙ্ককারীর মতন দুঃস্ময় !
তোমার দয়াকে ধ্যান দিচ্ছি বিজয়া !”

বিজয়া

বিজয়া বললে, “কেন ভাই অমিয় ! আমি তো চিরদিনই তোমাদের
বন্ধু হয়ে থাকব ! আমার মতন বন্ধুর প্রেম কি তোমাদের কাছে
একেবারেই নগণ্য ?”

আমি বললুম, “বাপ্ৰে, সে কথা কি মুখে উচ্চারণ কৰতে পাৰি ?
তোমার চক্চকে ছোৱার কথা এখনো ভুলে যাইনি বন্ধু ! তোমার প্রেম
নগণ্য, এত-বড় কথা বলবাৰ মতন বুকেৱ পাটা আমাদেৱ নেই !”

অমিয় গাইলে :—

বন্ধু ! তোমায় বৱণ কৱি !
কোন্ গগনেৱ চাদ ছিলে ভাই,
পড়লে ধৱাৰ ধূলায় ঝিৱি ।

* * *

সাত-সাগৱে দিয়ে পাড়ি
এসেছিলেম তোমার বাড়ী,
আৱ কি গো সই, তোমায় ছাড়ি,
বৃংব এখন চৱণ ধিৱি—
বন্ধু ! তোমায় আপন কৱি !

* * *

চক্ষে তোমার রূপেৱ স্বপন,
বক্ষে আদৱ-নীড়,
কণ্ঠে তোমার ছন্দ-গানেৱ
চলচে টেনে মীড় !

বিজয়া

তোমার সাথে মেলা-মেশা,
এ যেন এক কিসের নেশা !
আমার যে ভাই প্রেমের পেশা,
তুমি যে ভাই প্রেমের পরী,—
বক্ষ ! তোমায় অণাম করি !

বিজয়া
কল্পনিক ১০০. সং